


文心雕龍


文選



文選

中華民國二十二年十月十二版

全一册 定價大洋九角



標點者 薛恨生

發行者 新文化書社

印刷者 新文化書社

總發行所 上海四馬路新文化書社

各省各書局均有代售

箋釋文心雕龍者序

劉舍人文心雕龍一書，蓋藝苑之祕寶也。觀其包羅羣籍，多所折衷，凡於文章利病，抉摘靡遺。綴文之士，苟欲希風前秀，未有可舍此而別求津逮者。若其使事遺言，紛綸巖鶻，罕能切究。明代梅子庚氏爲之疏通證明，什僅四三耳。略而弗詳，則創始之難也。又句字相沿既久，別風淮雨，往往有之。雖子庚自謂校正之功，五倍於楊用修氏，然中間脫說，故自不乏，似猶未得爲完善之本。余生平雅好是書，偶以暇日，承子庚之繇叢，旁稽博致，益以友朋見聞，兼用衆本比對，正其句字，人事牽率，更歷暑寒，乃得就緒。覆閱之下，差覺詳盡矣。適雲間姚子平山來藩署，因其商付梓。方今文治盛隆，度越千古，海內操奇觚弄柔翰者，咸有騰聲飛實之思。竊以爲劉氏之緒言餘論，乃斯文之體要存焉，不可一日廢也。夫文之用在心，誠能得劉氏之用心，因得爲文之用心，於以發聖典之菁莪，爲熙朝之黼黻，則是書方將爲魚兔之筌蹄，而又泥於瑣瑣箋釋乎哉？時乾隆三年，歲在戊午，秋九月，北平黃叔琳書。

此書校本實出先生。其注及評，則先生客某甲所爲，先生時爲山東市政使，案牘紛繁，未暇徧閱，遂以付之姚平山。晚年悔之，已不可及矣。長山鼎松齋云：此注不出先生手，舊人皆知之，然或以爲出盧紹弓，則未確。紹弓館先生家，在乾隆庚午辛未間：戊午歲，方游京師，未至山東也。

南史本傳

劉勰，字顏和，東莞莒人也。父尚，越騎校尉。勰早孤，篤志好學。家貧不婚娶，依沙門僧祐屋，遂博通經論。因區別部類，錄而序之。定林寺經藏，勰所定也。梁天監中，兼東宮通事舍人。時七廟饗薦，已用蔬果，而二郊農社，猶有犧牲，勰乃表言二郊宜與七廟同改。詔付尚書，議依勰所陳。遷步兵校尉，兼舍人加故。深被昭明太子愛接。初，勰撰文心雕龍五十篇、論古今文體。其序略云：『予齒在逾立，嘗夜夢執丹漆之禮器，隨仲尼而南行。寤而喜曰：一大哉聖人之難見也！迺小子之垂夢歟？自生靈以來，未有如夫子者也。』敷讚聖旨，莫若注經；而馬鄭諸儒，弘之已精，就有深解，未足立家。『唯文章之用，實經典枝條，五禮資之以成，六典因之致用。……』於其搦筆和墨，乃始論文。……其爲文用，四十九篇而已。』既成，未爲時流所稱。勰欲取定於沈約，無由自達，乃負書候約於車前，狀若貸書者。約取讀，大重之，謂深得文理，常陳諸几案。勰爲文長於佛理，都下寺塔及名僧碑誌，必請勰製文敕。與慧震沙門於定林寺撰經證功畢，遂求出家，

文心雕龍 本傳

先鑄髮自誓，數許之，乃變服，改名慧地云。

文心雕龍目錄

原道	一
徵聖	六
宗經	一〇
正緯	一五
辯騷	二一
明詩	三〇
樂府	四一
詮賦	五一
頌讚	五九
祝盟	六六
銘箴	七五
雜碑	八二

哀弔	八八
雜文	九四
諧謔	一〇二
史傳	一一〇
諸子	一二三
論說	一三四
詔策	一四五
檄移	一五五
封禪	一六二
章表	一六八
奏啓	一七三
議對	一八二

書記	一九〇
神思	二〇四
體性	二〇九
風骨	二一一
通變	二一四
定勢	二一八
情采	二二一
鎔裁	二二五
聲律	二二八
章句	二三一
麗辭	二三五
比興	二四〇
夸飾	二四四

事類	二四八
練字	二五四
隱秀	二五九
指瑕	二六三
養氣	二六八
附會	二七二
總術	二七五
時序	二七九
物色	二九九
才略	三〇三
知音	三一三
程器	三一九
序志	三二六

文心雕龍

梁劉勰撰

北平黃叔琳注

原道第一

文之爲德也大矣！與天地並生者何哉？夫玄黃色雜，方圓體分；日月疊璧，以垂麗天之象；山川煥綺，以鋪理地之形。此蓋道之文也。仰觀吐曜，俯察含章，高卑定位，故兩儀既生矣；維人參之，桂靈所鍾，是謂三才。爲五行之秀實，大地之心，心生而言立，言立而文明，自然之道也。傍及萬品，動植皆文；龍鳳以藻繪呈瑞，虎豹以炳蔚凝姿；雲霞雕色，有踰畫工之妙；草木賁華，無待錦匠之奇。夫豈外飾？蓋自然耳！至於林籟結響，調如箏瑟；泉石激韻，和若球鐙。故形立則章成矣，聲發則文生矣。夫以無識之物，鬱然有彩；有心之器，其無文歟？人文之元，

肇自太極；幽贊神明，易象惟先。庖犧畫其始，仲尼翼其終，而乾坤兩位，獨制文
 言。言之文也，——天地之心哉！若迺河圖孕乎八卦，洛書韞乎九疇；玉版金鏤
 之寶，丹文綠牒之華；誰其尸之？亦神理而已。自鳥跡代繩，文字始炳，炎皞遺事
 紀在三墳，而年世渺邈，聲采靡追。唐虞文章，則煥乎始盛。元首載歌，旣發吟詠
 之志；益稷陳謨，亦垂敷奏之風。夏后氏興，業峻鴻績，九序惟歌，勳德彌縟。逮及
 商周，文勝其質，雅頌所被，英華日新。文王患憂，繇辭炳曜，符采復隱，精義堅深。
 重以公旦多材，振其徽烈，刪詩緝頌，斧藻羣言。至夫子繼聖，獨秀前哲，鎔鈞六
 經，必金聲而玉振，雕琢情性，組織辭令，木鐸起而千里應，席珍流而萬世響，寫
 天地之輝光，曉生民之耳目矣！爰自風性，暨於孔氏，立聖創典，素王述訓，莫不
 原道心以敷章，研神理而設教；取象乎河洛，問數乎蓍龜；觀天文以極變，察人
 文以成化；然後能經緯區宇，彌綸彝憲，發輝事業，彪炳辭義。故知道沿聖以垂

文，聖因文而明道；旁通而無滯，日用而不匱。易曰：鼓天下之動者存乎辭；辭之所以能遂天下者，迺道之文也。

贊曰：道心惟微，神理設教，光采元聖，炳耀仁孝。龍圖獻體，龜書呈貌。天文斯觀，民胥以徼。

〔元黃〕（易）夫元黃者、天地之雜也：天元而地黃。

〔方圓〕（大戴禮記）天道曰圓，地道曰方。

〔日月星辰〕（易坤靈圖）至德之萌日月若聯璧。

〔炳蔚〕（易）大人虎變、其文炳也。（又曰）君子豹變、其文蔚也。

〔庖犧畫其始〕（易繫辭）庖犧氏之王天下也，仰則觀象于天，俯則觀法于地；觀鳥獸之文，與地之宜；近取諸身，遠取諸物：於是始作八卦，以通神明之德，以類萬物之情。

〔仲尼繫其終〕（易通卦驗）孔子作上象，下象，上象，下象，上繫，下繫，文旨，

說卦，序卦 雜卦，爲十翼。

〔河圖〕（易正義）伏羲氏有天下，龍馬負圖以出於河，遂法之，畫八卦，

〔洛書〕（周書洪範）天乃錫禹，洪範九疇。（注）易言河出圖，洛出書，聖人則之。蓋治水功成，洛龜呈瑞。

〔玉版〕（王子年拾遺記）帝堯在位，聖德光洽。河洛之濱，得玉版方尺，圖天地之形。

〔丹文綠牒〕（宋書志序）握河括地，綠文赤字之書，言之詳矣。

〔鳥迹〕（許氏說文序）黃帝之史蒼頡，見鳥獸蹏迹之迹，知分理之可相別異也，初作書契。

〔代繩〕 見徵聖篇「象夫」註。

〔三墳〕 書久亡。（元吳萊三墳辨）三墳書，近出僞書也。世或傳大抵言伏羲本山墳而作連山，神農本氣墳而作歸藏，黃帝本形墳而作乾坤。無卦爻，有卦象，文鄙而義陋。與周官太卜所掌異焉。

〔无肯載歌〕見章篇。

〔陳謨〕書有益稷篇。

〔九序惟歌〕書大禹謨篇文。

〔彌綯〕（王允論衡）德彌盛者文彌綯。

〔文王憂患〕（易傳）夏西之末，易道中微。文王拘於羑里。係以象辭，易道復興。

〔繇辭〕繇，音宙。（杜預左傳注）繇，卜兆辭也。（續文章緣起）繇，夏后作鑄鼎

繇；繇，卜辭也。

〔刪詩緝頌〕刪，（韻會）多官切，整飭貌。（書）周公居東二年，乃爲詩以貽王，

名之曰鴟鴞；王亦未敢誚公。（國語）周公之爲頌，曰「思文后稷，克配彼天，」

〔斧藻〕（揚子法言）吾未見好斧藻其德，若斧藻其粢者。

〔鎔鈞〕（董仲舒傳）猶泥之在鈞，唯甄者之所爲；猶金之在鎔，唯冶者之所鑄。一

顏師古曰：「鈞、造丸之法，其中旋轉者，鎔謂鑄器之模範也。」

〔千里應〕（易繫辭）君子居其室，出其言，善則千里之外應之。

〔席珍〕（禮記）儒有席上之珍以待聘。

〔風姓〕（史記）伏羲氏以風爲姓。

〔元聖〕（班固典引）縣象闈而文乖，犇倫敦而舊章闕，故先命元聖，使綴學立制。
。（注）元聖，孔子也。

〔素王〕（拾遺記）夫子未生時，有麟吐玉書於闕里，文云「水精之子，繼衰周而爲素王。」

徵聖第二

夫作者曰聖，述者曰明。陶鑄性情，功在上哲；夫子文章，可得而聞，則聖人之情見乎文辭矣。先王聖化，布在方冊；夫子風采，溢於格言。是以遠稱唐世，則煥乎爲盛；近褒周代，則郁成可從。此政化貴文之徵也。鄭伯入陳，以文辭爲功；宋置折俎，以多文舉禮。此事蹟貴文之徵也。襄美子產，則云言以足志，文以足

言泛論君子，則云情欲信，辭欲巧。此修身貴文之徵也。然則志足而言文，情信而辭巧，迺舍章之玉牒，棄文之金科矣。夫鑒周日月，妙極機神，文成規矩，思合符契，或簡言以達旨，或博文以該情，或明理以立體，或隱義以藏用，故春秋一字以褒貶，喪服舉輕以包重，此簡言以達旨也。邠詩聯章以積句，儒行縉說以繁辭，此博文以該情也。書契斷決以象夫，文章昭晰以象離，此明理以立體也。四象精義以曲隱，五例微辭以婉晦，此隱義以藏用也。故知繁略殊形，隱顯異術，抑引隨時，變通會適，徵之周孔，則文有師矣。是以子政論文，必徵於聖，稚圭勸學，必宗於經。易稱辨物正言，斷辭則備書，云辭尚體要，弗惟好異，故知正言所以立辯，體要所以成辭，辭成無好異之尤，辯立有斷辭之義。雖精義曲隱，無傷其正言，微辭婉晦，不害其體要，體要與微辭偕通，正言共精義並用，聖人之文章，亦可見也。顏闔以爲仲尼飾羽而畫，徒事華辭，雖欲訾聖，弗可得已。然則

聖文之雅麗，固銜華而佩實者也。天道難聞，猶或鑽仰；文章可見，胡甯勿思？若徵聖立言，則文其庶矣！

贊曰：妙極生知，睿哲惟宰，精理爲文，秀氣成采。鑒懸日月，辭富山海，百齡影徂，千載心在。

〔文辭爲功〕（左傳）鄭子產獻捷于晉，晉人問陳之罪，子產對之。仲尼曰：「志有之，言以足志，文以足言。晉爲伯，鄭入陳，非文辭不爲功。愷辭哉！」

〔多文舉禮〕（左傳）宋人享趙文子，司馬置折俎禮也。仲尼使舉是禮也，以爲多文辭。（注）舉，謂記錄之也。

〔情欲信辭欲巧〕（禮記表記篇文）。

〔玉牒〕（左思吳都賦）玉牒石記。（注）玉牒石記，皆典策類也。

〔金科〕（揚雄劇秦美新）金科玉條。（注）謂法令也，言金玉佞辭也。

〔幾神〕（易）惟幾也，故能成天下之務；惟神也，故不疾而速。不行而至。

〔褻貶〕（杜預春秋序）春秋以一字爲褻貶。

〔喪服舉輕包重〕如舉總不祭，則重於總之服，其不祭不言可知；舉小功小稅，則重於小功者，其稅可知；皆語約而義該也。

〔邪詩〕（詩傳）周成王立，年幼不能莅阼，周公以冢宰攝政，乃述后稷公劉之化，作詩以戒，謂之豳風。

〔儒行〕（禮記儒行篇）哀公問曰：『敢問儒行？』孔子曰：『遽數之不能終其物，悉數之乃留更僕未可終也。』

〔象夫〕（易繫辭）上古結繩而治，後世聖人易之以書契，百官以治，萬民以察，蓋取諸夫。

〔像離〕（易）離，麗也。日月麗乎天，百穀草木麗乎土，重明以麗乎正；乃化成天下。項安世曰：日月麗乎天而成明，百穀草木麗乎土而成文，故離爲文，又爲明。

〔四象〕（易繫辭）易有四象，所以示也。（朱子本義）四象，謂：陰，陽，老，少。

〔五例〕（春秋序）爲例之情有五：一曰微而顯，二曰志而晦，三曰婉而成章，四曰

盡而不污，五日愆惡而勸善。

〔子政〕（漢書）劉向，字子政。

〔稚圭〕（漢書）區衡，字稚圭，成帝即位，上疏勸經學。

〔顏闔〕（莊子）哀公問於顏闔曰：『吾以仲尼爲貞幹，國其有瘳乎？』曰：『仲尼

方且飾羽而畫，從事華辭，夫何足以上民！』

宗經第三

三極彝訓，其書言經也者，恆久之至道，不刊之鴻教也。故象天地，效鬼神，參物序，制人紀，洞性靈之奧區，極文章之骨髓者也。皇世三墳，帝代五典，重以八索，中以九邱，歲歷緜曖，條流紛糅。自夫子刪述，而大寶咸耀。於是易張十翼，書標七觀，詩列四始，禮正五經，春秋五例，義旣極乎性情，辭亦匠於文理。故能開學養正，昭明有融。然而道心惟微，聖謨卓絕，牆宇重峻，而吐納自深，譬萬

鈞之洪鐘，無錚錚之細響矣。夫易帷談天，入神致用，故繫稱旨遠辭文，言中事隱，韋編三絕，固哲人之矚淵也。書實記言，而訓詁茫味，通乎爾雅，則文意曉然。故子夏歎書昭昭若日月之明，離離如星晨之行，言昭灼也。詩主言志，詰訓同書，厲風裁興，藻辭譎喻，溫柔在誦，故最附深衷矣。禮以立體，據事削範，章條纖曲，執而後顯，採掇片言，莫非寶也。春秋辨理，一字見義，五石六鷁，以詳略成文。雉門兩觀，以先後顯旨，其婉章志晦，諒以邃矣。尙書則覽文如詭，而尋理卽暢。春秋則觀辭立曉，而訪義力隱，此聖人之殊致，表裏之異體者也。至根柢槃深，枝葉峻茂，辭約而旨豐，事近而喻遠，是以往者雖舊，餘味日新，後進追取而非晚前，修文用而未先，可謂太山徧雨，河潤千里者也。故論說辭序，則易統其首；詔策章奏，則書發其源；賦頌歌讚，則詩立其本；銘誄箴祝，則禮總其端；紀傳銘檄，則春秋爲根，並窮高以樹表，極遠以啟疆，所以百家騰躍，終入環內者也。若

稟經以造式，酌雅以富言。是仰山而鑄銅，賡海而爲鹽也。故文能宗經，體有六義：一則情深而不詭，二則風清而不雜，三則事信而不誕，四則義直而不回，五則體約而不蕪，六則文麗而不淫。楊子比雕玉以作器，謂五經之含文也。夫文以行立，行以文傳，四教所先，符采相濟，勸德樹聲，莫不師聖，而建言脩辭，鮮克宗經。是以楚豔漢侈，流弊不還；正末歸本，不其懿歟？

贊曰：三極彝道，訓深稽古；致化歸一，分教斯五。性靈鎔匠，文章奧府。淵哉鑠乎！羣言之祖。

〔三極〕（易）六爻之動，三極之道也。（孔穎達疏）是天地人三才，至極之道。

〔三墳五典八索九邱〕（孔安國尚書序）伏羲、神農、黃帝之書，謂之三墳；言大道也。少昊、顓頊、高辛、唐、虞，之書，謂之五典；言常道也。八卦之說，謂之八索，求其義也。九州之志，謂之九邱，邱，聚也，言九州所有，土地所生，風氣所宜，皆聚此書也。

〔紛糝〕（楚辭九辯）惟其紛糝，將落兮。（注）紛糝，衆雜也。

〔十翼〕見原道篇。

〔七觀〕（尚書大傳）六誓可以觀義，五誥可以觀仁，甫可以觀誠，洪範可以觀度，禹貢可以觀事，皋陶可以觀治，堯典可以觀美。

〔四始〕（詩序注）關雎者，風之始；鹿鳴者，小雅之始；文王者，大雅之始；清廟者，頌之始。（詩緯汎歷樞）大明在亥，水始也；四牡在寅，木始也；嘉魚在巳，火始也；鴻雁在申，金始也。

〔五經〕（禮記祭義）禮有五經。莫重於祭，五經謂吉，凶，軍，賓，嘉。

〔五例〕見徵聖篇。

〔養正〕（易）蒙以養正，聖功也。

〔萬鈞〕（西京賦）洪點萬鈞。（注）三十斤曰鈞。

〔錚錚〕（劉盆子傳）鐵中錚錚。說文）錚錚，金聲也。鐵之錚錚，言微有剛利也。

〔入神致用〕（易）精義入神，以致用也。

〔旨遠辭文言中事隱〕（易繫辭）其旨遠，其辭文，其言曲而中，其事肆而隱。

〔韋編〕（漢書）孔子晚而好易，讀之韋編三絕，故爲之傳。

〔驪淵〕（莊子）夫千金之珠，必在九重之淵，而驪龍頷下。

〔爾雅〕（爾雅序）爾雅者，所以通訓詁之指歸，敘詩人之興詠，纒絕代之離辭，辨同實而異號者也。釋詁一篇，周公所作。釋言以下，或言仲尼所增，子夏所足，叔孫通所益，梁文所補。

〔子夏歎書〕（尚書大傳）子夏讀書畢，見於夫子，夫子問焉：「子何爲於書？」子夏對曰：「書之論事也，昭昭如日月之代明，麗麗若參辰之錯行；上有堯舜之道，下有三王之義。商所受於夫子，志之於心，弗敢忘也。」

〔騶兪〕（詩序）主文而譎諫，言之者無罪，聞之者足以戒。

〔五石六鶴〕（春秋）僖公十六年正月；隕石於宋，五；六鶴退飛過宋都。（公羊傳）曷爲先言殞而後言石？殞石，記聞，聞其礮然，視之則石，察之則五，曷有先言六而後言鶴退飛？記見也。視之則六，察之則鶴，徐而察之，則退飛。

〔雉門兩觀〕（春秋）定公二年五月，雉門及兩觀災。冬十月。新作雉門及兩觀。（公羊傳）雉門及兩觀災何？兩觀微也。然則曷爲不言雉門災及兩觀？主災者，兩觀也。主災者兩觀，則曷爲後言之？不以微及大也。

〔婉章志晦〕 見「五例」注。

太山徧雨河潤千里」（公羊傳）觸石而出，膚寸而合，不崇朝而徧雨乎天下者，唯

太山爾。河海潤千里？（春秋考異郵）河者，水之氣，四瀆之精，所以流化，故曰「河潤千里。」

〔揚子〕（漢書）揚雄字子雲，著法言。

〔雕玉〕（法言）玉不雕瑤，璵不作器；言不文典，謨不作經。

正緯第四

夫神道闡幽，天命微顯；馬龍出而大易興，神龜見而洪範耀；故繫辭稱河出圖，洛出書，聖人則之，斯之謂也。但世負文隱，好生矯誕，真雖存矣，僞亦憑焉。

夫六經彪炳，而緯候稠疊；孝論昭皙，而鉤讖葳蕤。按經驗緯，其僞有四。蓋緯之成經，其猶織綜絲麻不雜，布帛乃成；今經正緯奇，倍擿千里，其僞一矣。經顯，聖訓也；緯舉，神教也。聖訓宜廣，神教宜約；而今緯多於經，神理更繁，其僞二矣。有命自天，迺稱符讖；而八十一篇皆託於孔子；則是堯造綠圖，昌制丹書，其僞三矣。商周以前，圖籙頻見；春秋之末，羣經方備；先緯後經，體乖織綜，其僞四矣。僞既倍擿，則義異自明。經足訓矣，緯何豫焉？原夫圖籙之見，迺昊天休命，事以瑞聖，義非配經。故河不出圖，夫子有歎；如或可造，無勞喟然。昔康王河圖，陳於東序，故知前世符命，歷代寶傳；仲尼所撰，序錄而已。於是伎數之士，附以詭術；或說陰陽，或序災異，無鳥鳴似語，蟲葉成字，篇條滋蔓，必假孔氏，通儒討覈，謂起哀平，東序祕寶，朱紫亂矣！至於光武之世，篤信斯術，風化所靡，學者比肩；沛獻集緯以通經，曹褒撰讖以定理；乖道謬典，亦已甚矣！是以桓譚疾其虛僞，尹敏

戲其深瑕，張衡發其僻謬，苟悅明其詭誕。四賢博練，論之精矣。若乃羲農軒皞之原山，瀆鍾律之要，魚白赤鳥之符，黃金紫玉之瑞，事豐奇偉，辭富膏腴，無益經典而有助文章。是以後來辭人，採摭英華，平子恐其迷學，奏令禁絕，仲豫惜其雜真，未許煨燔，前代配經，故詳論焉。

贊曰：滎河溫洛，是孕圖緯，神寶藏用，理隱文貴。世歷二漢，朱紫騰沸，芟夷譎詭，糝其雕蔚。

〔緯候〕

（後漢方術傳）緯候之部：緯，七緯也；候，尚書中候也。

〔葳蕤〕

（司馬相如封禪文）紛綸葳蕤。（注）言衆多也。

〔八十一篇〕

（隋經籍志）河圖九篇，洛書六篇，云自黃帝至周文土所受本文，又三十篇，云九聖之所增演。又七經緯三十六篇，並云孔氏所作：合爲八十一篇。

〔綠圖〕

（河圖挺佐補）黃帝至於翠嬭之川，鱸魚折溜而至，蘭葉朱文以授，黃帝曰

〔綠圖〕

〔丹書〕（尙書「帝命驗」）季秋之月，甲子赤爵，銜丹書，止於艷，集於昌戶，其書曰：敬勝怠者吉，怠勝敬者滅。（大戴禮）武王召尙父問曰：「黃帝顓頊之道存乎？」尙父曰：「在丹書。」王欲聞之，則齋矣。

〔圖籙〕（後漢方術傳）光武尤信讖言。士之赴趣時宜者，皆馳驟穿鑿，爭談之也。故王梁孫成，名應圖籙，越登槐鼎之任，鄭興賈逵，以附同稱顯；桓譚尹敏，以乖忤漏敗。（又謝夷吾傳）綜校圖籙。

〔東序〕（書顧命）河圖在東序。

〔符命〕（楊雄傳）爰清靜作符命。（翰林志）董景真曰：「吾聞帝王之興，必有符命。」

〔歷代寶傳〕（書顧名傳）河圖八卦，伏羲王天下，龍馬出河，遂則其文以畫八卦，謂之河圖，歷代傳寶之。

〔序災異〕（隋經籍志）漢末郎中郝萌集圖緯讖雜占爲五十卷，謂之春秋災異。宋均鄭元，並爲讖律之註。然其文辭淺俗，顛倒舛謬，不類聖人之旨。

〔鳥鳴似語〕（左傳）鳥鳴於亳社，如曰嘻嘻。甲午宋大災，宋伯姬卒。

〔蟲葉成字〕（漢書）昭帝時，上林柳樹斷，一朝起立生枝葉。有蟲食葉成文字，曰「公孫病已立。」宣帝本名病已。蓋帝將膺太位之徵。

〔假孔氏〕（隋經籍志）說者曰：「孔子既敍六經以明天人之道，知後世不能稽同其意，故別立緯及讖以遺來世，其書出於前漢。」

〔起哀平〕（書洪範疏）緯候之書，不知誰作？通人討覈，謂起哀平。

〔祕寶〕（班固典引）御東序之祕寶以流其古。

〔光武〕（東觀漢記）光武避正殿讀讖，坐廡下淺露中風苦欬也。

〔風化所靡〕（隋經籍志）光武以圖讖興，遂盛行於世，詔東平王蒼正五經章句，皆命從讖。俗儒趨時，益爲其學，篇卷第目，傳相增廣，言五經者，皆憑讖爲說。

〔沛獻〕（後漢書）沛獻王輔好經書，善說京氏易孝經，論語傳，及圖讖，作五經論，時號之曰沛王通論。

〔曹褒〕（後漢書）曹褒受命，次序禮事；依準舊典，雜以五經讖記之文，撰次天子至於庶人，冠婚吉凶，終始制度，以爲百五十篇。

〔桓譚〕（後漢書）帝方信讖，多以決定嫌疑，桓譚上疏曰：『觀先王之記述，咸以仁義正道爲本；非有奇怪虛誕之事。』

〔尹敏〕（後漢書）帝令尹敏校圖讖，敏對曰：『讖書非聖人所作，其中多近鄙別字，頗類世俗之辭，恐疑誤後生。』

〔張衡〕（後漢書）自中興以後，儒者爭學圖緯。張衡上疏曰：『立前於言，有徵於後，謂之讖書。白漢取秦，莫或稱讖。若夏侯勝、眭孟之徒，以道術立名，其所述著，無讖一言，劉向父子，領校祕書，閱定九流，亦無讖錄。成哀之後，乃始聞之。殆必虛僞之徒，以要世取資，宜收藏圖讖一禁絕之，則朱紫無所眩，典籍無瑕玷矣。』

〔荀悅〕（後漢書）荀悅作中鑿俗嫌篇曰：『世稱緯書，仲尼所作，臣叔父爽辨之，蓋發其僞也。有起於中興之前，終張之徒之作乎？』

〔山濤〕（顏延之曲水詩序）晷緯昭應，山濤效靈。

〔鐘律〕（漢藝文志）有鐘律災應，鐘律叢辰日苑，鐘律稍息。

〔白魚赤烏〕（史記）武王渡河，中流，白魚躍入王舟中，王俯取以祭。既渡，有火

自上復於下，至於下屋，流爲鳥，其色赤，其聲魄云。

〔黃金〕（禮斗威儀）君垂金而王，其政平，則黃金見深山。

〔紫玉〕（周書）王者不藏金玉，則紫玉見於深山。

〔未許煨燔〕 苟悅辨緯書爲僞，或曰：「燔之。」曰：「仲尼之作則否；有取焉，則

可。曷其燔？」

〔榮河〕（尚書中候）帝堯卽政，榮光出河，休氣四塞。

〔溫洛〕（易乾鑿度）帝盛德之應，洛水先溫，九日乃寒。

辨騷第五

自風雅寢聲，草或抽緒，奇文鬱起，其離騷哉？固已軒翥詩人之後，奮飛辭家之前；豈去聖之未遠，而楚人之多才乎？昔漢武愛騷，而淮南作傳，以爲國風好色而不淫，小雅怨誹而不亂，若離騷者，可謂兼之。蟬蛻穢濁之中，浮游塵埃

之外，矚然涅而不緇，雖與日月爭光可也。班固以爲露才揚己，忿懟沉江；羿澆二姚與左氏不合，崑崙懸圃，非經義所載；然其文辭麗雅，爲詞賦之宗，雖非明哲，可謂妙才王逸以爲詩人提耳，屈原婉順離騷之文，依經立義，騶虬乘翳，則時乘六龍，崑崙流沙，則禹貢敷土，名儒辭賦，莫不擬其儀表；所謂金相玉質，百世無匹者也。及漢宣嗟歎，以爲皆合經術，揚雄諷味，亦言體同詩雅；四家舉以方經，而孟堅謂不合傳，褒貶任聲，抑揚過實，可謂鑒而弗精，翫而未覈者也。將覈其論，必徵言焉；故其陳堯舜之耿介，稱湯武之祇敬，典誥之體也；譏桀紂之猖披，傷羿澆之顛隕，規諷旨之也；虬龍以喻君子，雲蜺以譬讒邪，比興之義也；每一顧而掩涕，歎君門之九重，忠怨之辭也；觀茲四事，同於風雅者也。至於託雲龍，說迂怪，豐隆求宓妃，鳩鳥媒娥女，詭異之辭也。康回傾地，夷羿彈日，木夫九首，土伯三目，譎怪之談也。依彭咸之遺則，從子胥以自適，狷狹之志也。士女

雜坐，亂而不分，指以爲樂；娛酒不廢，沉湎日夜，舉以爲歡；荒淫之意也。摘此四事，異乎經典者也。故論其典誥則如彼，語其夸誕則如此。固知楚辭者，體慢於三代而風雅於戰國，乃雅頌之博徒，而詞賦之英傑也。觀其骨鯁所樹，肌膚所附，雖取鎔經意，亦自鑄偉辭。故騷經九章，朗麗以哀志；九歌九辯，綺靡以傷情。遠遊天問，瓌詭而惠巧；招魂招隱，耀艷而深華。卜居標放言之致，漁父寄獨往之才；故能氣往轢古，辭來切今，驚采絕豔，難與並能矣。自九懷以下，遽躡其跡而屈宋逸步，莫之能追。故其敘情怨，則鬱伊而易感；述離居，則愴怏而難懷。論山水，則循聲而得貌；言節候，則披文而見時。是以枚賈追風，以入麗馬；揚沿波而得奇，其衣被詞人，非一代也。故才高者苑其鴻裁，中巧者獵其豔辭；吟諷者銜其山川，童蒙者拾其香草。若能憑軾以倚雅頌，懸轡以馭楚篇，酌奇而不失其真，翫華而不墮其實，則顧盼可以驅辭力，欬唾可以窮文致，亦不復乞靈於

長卿，假寵於子淵矣！

贊曰：不有屈原，豈見離騷驚才風逸，壯志煙高。山川無極，情理實勞。金相玉式，豔盜鎗毫。

〔離騷〕（屈原列傳）原名平，楚之同姓也，爲楚懷王左徒，王甚任之。上官大夫諂之，王怒而疏屈平，故憂愁幽思而作離騷。離騷者，猶離憂也。

〔軒翥〕（班固典引）甘露宵零於豐草，三足軒翥於茂樹。（注）軒翥，飛貌。

〔楚人多才〕（左傳）惟楚有才，晉實用之。

〔淮南〕（漢書）淮南王安好書，武帝使爲離騷傳，且受詔，日食時上。

〔蟬蛻〕（淮南子）蟬飲而不食，三十日而蛻。

〔羿澆〕（離騷）羿淫遊以佚田兮，又好射夫封狐。澆身被服強圍兮，縱欲而不忍。

（注）羿，有窮之君，夏時諸侯也。因夏桀亂，代之爲政，娛樂田獵，信任寒泥，使爲國相，泥殺羿而取羿妻。生澆，強梁多力，縱放其慾，不能自忍也。

〔二姚〕（離騷）及少康之末家兮，留有虞之二姚。（注）有虞，國名；姚，姓，舜後也，皆寒泥使堯殺夏后相，少康逃奔有虞，虞因妻以二女。

〔崑崙圃〕（天問）崑崙縣圃，其尻安在？（注）崑崙山名，其巔曰縣圃。

〔王逸〕（後漢書）王逸字叔師，爲侍中，著楚辭章句行於世。

〔騶虬乘鸞〕（離騷）騶玉虬以乘鸞兮，溘埃風余上征。

〔時乘六龍〕易「乾象」辭。

〔崑崙流沙〕（禹貢）崑崙析支渠搜。（又曰）餘波入于流沙。（離騷）忽吾行此流沙兮。

〔陳壽〕（離騷）彼堯舜之耿介兮，既遵道而得路。

〔稱湯武〕（離騷）湯武儼而祇敬兮，周論道而莫差。

〔譏桀紂〕（離騷）何桀紂之昌披兮？失惟捷徑以窟步！

〔虬龍〕（涉江）駕青虬兮驂白螭。（注）虬螭，神獸，宜於駕乘，以喻賢人，清白可信任也。

〔雲蜺〕（離騷）飄風屯其相離兮，帥雲蜺而來御。（注）飄風，無常之風，以興邪惡；雲蜺，惡氣，以喻佞人。

〔掩涕〕（離騷）長太息以掩涕兮。

〔君門〕（九辯）豈不鬱陶而思君兮？君之門以九重！（注）闔闔，局閉，道路塞也。

〔雲龍〕（離騷）駕八龍之婉婉兮，載雲旗之委蛇。（注）音已德如龍，可制御八方；已德如雲南，能潤施萬物也。

〔豐隆求宓妃〕（離騷）吾令豐隆乘雲兮，求宓妃之所在。（注）豐隆，雲師，一曰雷師。宓妃，神女也，以喻隱士。

〔鳩鳥媒妁女〕（離騷）望瑤臺之偃蹇兮，見有娥之佚女；吾令鳩爲媒兮，鳩告余以不好。（注）有娥，國名，謂帝嚳之妃契母簡狄也。配聖帝，生賢子，以喻貞賢也。鳩，連日也。羽有毒，可殺人，以喻讒賊。言我使鳩鳥爲媒，以求簡狄，其性讒賊，還詐告我言不好也。

〔康回傾地〕（天問）康回憑怒地何故以東南傾？（注）康回，共工名，怒觸不周山

地柱折故傾。

〔夷羿彈日〕（天問）羿焉彈日，鳥焉解羽。（注）淮南言堯時十日並出，草木焦枯

，堯命羿仰射十日，中其九日，日中九鳥皆死，墮其羽翼。說文「彈」，射也。

〔木夫九首〕（招魂）一夫九首，拔木九千些。（注）有丈夫一身九頭，強梁多力，

從朝至暮，拔大木九千株也。

〔土伯三目〕（招魂）土伯九約，其首鬢鬢些？參目虎首，其身若牛些。（注）土伯

后土之侯伯也，其貌如虎，而有三目，身又肥大，狀如牛也。

〔彭咸〕（離騷）願依彭咸之遺則。（注）彭咸，殷賢大夫，諫其君不聽，投水而死

則法也。

〔子胥〕（橘頌）浮江淮而入海兮，從子胥而自適。

（士女雜坐亂而不分）招魂句（注）言恣意調戲，亂而不分別也。

〔娛酒不廢沈湎日夜〕招魂句（注）言晝夜以酒相樂也。

〔博徒〕（信陵君傳）公子聞趙有處士毛公，藏於博徒。

〔九章〕 王逸曰：屈原放於江南之野，復作九章。章者，著明也。言已所陳忠信之道，甚著明也。

〔九歌〕 王逸曰：昔楚南郢之邑，其俗信鬼而好祀其祠，必作歌樂鼓舞。屈原因爲作九歌之曲，託以諷諫。

〔九辯〕 王逸曰：宋玉，屈原弟子，閔惜其師忠而放逐，故作九辯以述其志。

〔遠遊〕 王逸曰：遠遊者，屈原之所作也。屈原履方直之行，不容於世，遂敘妙思，託配仙人，與俱遊戲。

〔天問〕 王逸曰：天問者，屈原之所作也。屈原放逐，憂心愁悴，彷徨山澤，經歷陵陸。見楚有先王之廟，及公卿祠堂，圖畫天地山川神靈，及古賢聖怪物行事，因書其壁，呵而問之，以潔憤懣，舒寫愁思。

〔招魂〕 王逸曰：宋玉憐哀屈原，厥命將落，作招魂欲以復其精神，延其年壽。

〔大招〕 王逸曰：大招者，屈原之所作也。或曰景差，疑不能明也。屈原放流，恐命將終，所以不遂，故慣然大招其魂。又曰：招隱士者，淮南小山之徒，閔傷屈原，

雖身沉沒，名德顯聞，與隱處山澤無異；故作招隱士之賦以章其志也。

〔卜居〕 王逸曰：卜屠者，屈原之所作也。原放棄，乃往太卜之家；卜已居世，何所宜行？

〔漁父〕 王逸曰：漁父者，屈原所作也。漁父避世時，遇屈原，怪而問之，遂相應答。

〔九懷〕 王逸曰：九懷者，王褒之所作也。懷者，思也。褒讀屈原之文，追而鑿之，故作九懷以裨其詞，遂列於篇。褒，字子淵。

〔枚賈馬揚〕 (漢藝文志) 楚臣屈原離譏憂國，作賦以諷，有惻隱古詩之義。其後宋玉唐勒，漢興，枚乘司馬相如，下及揚子雲，競爲侈麗閎衍之辭，沒其諷諭之義。(又賈誼傳) 誼爲長沙王太傅，意不自得，及渡湘水，爲賦以弔屈原。

〔乞靈〕 (左傳) 願乞靈於臧氏。

〔長卿〕 (漢書) 司馬相如，字長卿。

〔假寵〕 (左傳) 君若苟無四方之虞，則願假寵以請於諸侯。

明詩第六

大舜云詩言志，歌永言，聖謨所析，義已明矣。是以在心爲志，發言爲詩，舒文載實，其在茲乎？詩者，持也——持人情性。三百之蔽，義歸無邪，持之爲訓，有符焉爾。人稟七情，應物斯感，感物吟志，莫非自然。昔葛天氏樂辭云：玄鳥在曲，黃帝雲門，理不空綺，至堯有大唐之歌，舜造南風之詩，觀其二文，辭達而已。及大禹成功，九序惟歌，太康敗德，五子咸怨，順美匡惡，其來久矣！自商暨周，雅頌圓備，四始彪炳，六義環深，子夏監絢素之章，子貢悟「琢磨」之句，故商賜二子，可與言詩，自王澤殄竭，風人輟采，春秋觀志，諷誦舊章，酬酢以爲賓榮，吐納而成身文。逮楚國諷怨，則離騷爲刺，秦皇滅典，亦造仙詩。漢初四言，韋孟首唱，匡諫之義，繼軌周人，孝武愛文，柏梁列韻，嚴馬之徒，屬辭無去，至成帝品錄，三百

餘篇朝章國采，亦云周備；而辭人遺翰，莫見五言，所以李陵班婕妤，見疑於後代也。按召南行露，始肇半章；孺子滄浪，亦有全曲。暇豫優歌，遠見春秋；邪徑童謠，近在成世。閱時取證，則五言久矣。又古詩佳麗，或稱枚叔，其孤竹一篇，則傅毅之詞，比采而推兩漢之作乎。觀其結體散文，直而不野，婉轉附物，怳悵切情，實五言之冠冕也。至於張衡怨篇，清典可味；仙詩緩歌，雅有新聲。暨建安之初，五言騰踊，文帝陳思，縱轡以騁節；王徐應劉，望路而爭驅。並憐風月，狎池苑，述恩榮，敘酬宴，慷慨以任氣，磊落以使才。造懷指事，不求纖密之巧；驅辭逐貌，唯取昭晰之能。此其所同也。乃正始明道，詩雜仙心，何晏之徒，率多浮淺。唯嵇志清峻，阮旨遙深，故能標焉。若乃應璩百一，獨立不懼，辭譎義真，亦魏之遺直也。齊世羣才，稍入輕綺，張潘左陸，比肩詩衢。采縛於正始，力柔於建安。或析文以爲妙，或流靡以自妍。此其大略也。江左篇製，溺乎玄風，嗤笑徇務之志，崇盛亡

機之談。袁孫已下，雖各有雕采，而辭趣一揆；莫與爭雄，所以景純前篇，挺拔而爲俊矣。宋初文詠，體有因革，莊老告退，而山水方滋，儷采百字之偶，爭價一句之奇；情必極貌，以寫物辭必窮力，而追新比近，世之所競也。故鋪觀列代，而情變之數可監；撮舉同異，而綱領之要可明矣。若夫四言正體，則雅潤爲本，五言流調，則清麗居宗。華實異用，唯才所安；故平子得其雅，叔夜含其潤，茂先凝其清，景陽振其麗。兼善則子建、仲宣偏美，則太冲、公幹然。詩有恆裁，思無定位，隨性適分，鮮能通圓。若妙識所難，其易也將至；忽之爲易，其難也方來。至於三六雜言，則出自篇什，離合之發，則明於圖讖。回文所興，則道原爲始；聯句共韻，則柏梁餘製，巨細或殊，情理同致，總歸詩囿，故不繁云。

贊曰：民生而志，詠歌所合，興發皇世，風流二南。神理共契，政序相參。英華彌綽，萬代永耽。

〔葛天氏樂詞玄鳥在曲〕（呂氏春秋）葛天氏之樂，三人摯牛尾，投足以歌，八闕：一曰載民，二曰玄鳥，三曰遂草木，四曰奮五穀，五曰敬大帝，六曰達帝功，七曰依地德，八曰總萬物之極。

〔雲門〕（周禮）大司樂奏黃鐘，歌大呂，舞雲門以祀天神。（史）黃帝命大容作雲門大卷樂。

〔大唐之歌〕（尚書大傳）維五紀，奏鐘石，論人聲，及乃鳥獸，咸穆於前，秋養耆老，而春食孤子，乃勃然詔樂，興於大麓之野。執事遠歸，二年謗然，乃作大唐之歌。——一作大章。（漢禮樂志）堯作大章。

〔南風〕（家語）舜彈五弦之琴，造南風之詩。其詩曰：「南風之薰兮，可以解吾民之愠兮。南風之時兮，可以阜吾民之財兮。」

〔九序〕 見虞書。

〔五子〕 見夏書。

〔順美〕（孝經）將順其美，匡救其惡。

〔四始〕 見宗經篇，

〔大義〕 (毛詩序) 詩有六義焉：一曰風，二曰賦，三曰比，四曰興，五曰雅，六曰頌。

〔王澤殄竭〕 (班固賦) 王澤竭而詩不作。

〔觀志〕 (左傳) 鄭伯享趙孟于垂隴，七子從，趙孟曰：「七子從君以寵武也。請皆賦以卒君貺武，亦以觀七子之志。」

〔賓榮〕 (左傳) 詩以言志。志趣其上，而公怨之，以爲賓榮，其能久乎？

〔身文〕 (左傳) 言身之文也。

〔仙詩〕 (史記) 秦始皇使博士爲仙人詩，令樂人弦歌之。

〔韋孟〕 (漢書) 韋孟爲楚元王傅，傅子。夷王及孫王戊荒淫不遵道，孟作詩諷諫。

〔柏梁〕 (任昉文章緣起) 七言詩，漢武帝柏梁殿聯句。

〔嚴〕 (嚴助傳) 助，會稽吳人，嚴夫子子也。(注) 夫子，嚴忌也。(藝文志) 莊

夫子賦二十四篇。(注)名忌，吳人。常侍郎，莊忽命賦十一篇。(注)忽奇者，或言莊夫子子，或言族家子莊助昆弟也，嚴助賦三十五篇。

〔馬〕 司馬相如，見前。

〔成帝品錄〕 (漢藝文志)成帝詔劉向校經傳子子詩賦。每一書已。向輒條其篇目，撮其指意，錄而奏之。歌詩二十八家，三百一十四篇。

〔五言〕 (鍾嶸詩品)夏歌曰「鬱陶久余心」楚辭曰「名余曰正則」雖詩體未全，然，是五言之濫觴也。逮漢李陵，始著五言之句矣。

〔李陵〕 (詩品)漢都尉李陵詩，其源出於楚辭，文多悽怨者之流。陵，名家子，有殊才，生命不諧，聲頰身喪。使陵不遭辛苦，其文亦何能至此？

〔健仔〕 (詩品)漢健仔班姬詩，其源出於李陵。團扇短章，辭旨清捷，怨深文綺，得匹婦之致。『侏儒』一節，可以知其工矣。

〔行露〕 「誰謂雀無角」云云四句，皆五言。

〔暇豫〕 (國語)驪姬通於優施，欲害申生而難里克。優施乃飲里克，酒中飲，優施

起舞曰：「暇豫之吾，吾不如烏鳥！人皆集於苑，已獨集於枯。」

〔邪徑〕（漢五行志）成帝時，歌謠曰：「邪徑敗良田，讒口害善人。桂樹華不實，黃雀巢其顛。故爲人所羨，今爲人所憐。」

〔枚叔〕 故詩十九首（文選注）並云故詩蓋不知作者，或云枚乘；然詩云「驅車上東門」，又云「遊戲宛與洛」，此辭兼東都，非盡是乘明矣。（徐陵玉臺新咏）謂「青青野草」。「西北有高樓」，「涉江采芙蓉」，「庭中有奇樹」，「迢迢牽牛星」，「東城高且長」，「明月何皎皎」七首，是乘作。乘字叔。

〔孤竹〕（後漢書）傳般，李武仲。孤竹一篇，謂十九首「冉冉孤生竹」篇也。

〔張衡怨篇〕 其辭曰：「猗猗秋蘭，植彼中阿。有馥其芳，有黃其葩。雖曰幽深，厥美彌嘉。之子云遙，我勞如何！」

〔仙詩緩歌〕（張衡同聲歌）素女爲我師，儀態盈萬方。衆夫所希見，天老教羲皇，（建安）（後漢獻帝紀）建安元年春正月癸酉，郊祀上帝於安邑，大赦天下，改元建安。下所云：文帝，陳思，王，徐，應，劉，俱當時作詩者也。

〔文帝陳思〕（詩品）魏文帝詩其源出於李陵，頗有仲宣之體。陳思王植詩，源出於國風，骨氣奇高，詞采華茂，情兼怨雅，體被文質，粲溢今古，卓爾不羣。故孔氏之門，如用詩則公幹升堂，思王入室，景陽潘陸，自可坐於廊廡之間矣。

〔王徐應劉〕（魏志）王粲，字仲宣。徐幹，字偉長。應瑒，字德璉。劉楨，字公幹。○（魏文帝與吳質書）偉長懷文抱質，恬淡寡欲，有箕山之志，可謂彬彬君子矣。德璉常斐然有述作之意，其才學足以著書，美志不遂，良可痛惜。公幹有逸氣，但未逾耳，五言詩之善者，妙絕時倫，仲宣續自善於辭賦，惜其體弱，不足起其文；至其所善，古人無以遠過。

〔正始〕（魏志）齊王芳，改元正始。

〔詩雜仙心〕言其皆宗老莊。

〔何晏〕（典略）何晏字平叔。鍾嶸曰：「正叔鴻雁之篇，風規見矣。」

〔嵇〕（晉書）嵇康，字叔夜。鍾嶸曰：「嵇康詩頗似魏文，過爲峻切，評直露才，傷淵雅之志，然託喻清遠，良有鑒裁，亦未失高流矣。」

〔阮〕（晉書）阮籍，字嗣宗。鍾嶸曰：「阮籍詩，其源出於小雅，無雕蟲之功；而詠懷之作，可以陶性靈，發幽思，言在耳目之內，情寄八荒之表，洋洋乎會於風雅，使人忘其鄙近，自致遠大，頗多感慨之詞，厥旨淵放，歸趣難求。」

〔應璩百一〕（魏志）應璩，字休璉。（魏氏春秋）齊王芳即位，曹爽輔政，多違法度，璩作百一詩以諷。序云：時謂爽曰：「公聞周公巍巍之稱，安知百慮有一失乎？」故以百一名篇。

〔張潘左陸〕（詩評序）晉太原中，三張二陸，兩潘一左，勃爾復興，躡武前王，風流未沫，亦文章之中興也。按三張：載字孟陽，協字景陽，亢字季陽。二陸：機字士衡，雲字士龍。兩潘，岳字安仁，尼字正叔。一左：思字太沖。

〔元風〕（沈約宋書）在晉中興，元風獨扇，爲學窮於柱下，博物止乎七篇，馳騁文辭，義殫於此。自建武暨於義熙，歷載將百，雖綴響聯詞，波屬雲委，莫不寄言上德，託意元珠，逾麗之詞。無聞焉耳！

〔嗤笑〕（千寶晉紀總論）學者以莊老爲宗，而黜六經；談者以虛薄爲辯，而賤名檢

；當官者以望空爲高，而笑勤恪。

〔袁〕（晉書）袁宏，字彥伯，有逸才。鍾嶸曰。「彥伯詠史，雖文體未遒，而鮮明
緊健，去凡俗遠矣。」

〔孫〕（晉書）孫統，字承公。弟綽，字興公。並任誕不羈，而善屬文。

〔景純〕（臧榮緒晉書）郭璞，字景純。著遊仙詩十四篇。

〔宋初〕（宋書）仲文始革孫許之風，叔源大變太元之氣。爰逮宋氏，顏謝騰聲，靈
源之與會標舉，延年之體裁明密，並方軌前哲，垂範後昆。

〔山水〕 顏謝騰聲，如選詩游覽諸作也。

〔茂先〕（晉書）張華，字茂先。

〔景陽〕（詩品）晉張協詩，雄於潘岳，靡於太沖，風流調達，實曠代之高手；詞彩
葱蒨，音韻鏗鏘，使人味之，聲響不倦。

〔子建仲宣〕（詩品）王粲詩，其源出於李陵，發愀愴之詞，文秀而質羸，在曹劉間
別構一體，方陳思不足，此魏文有餘。

〔太沖公幹〕（詩品）左思詩，其流出於公幹。文典以怨，頗爲精切，得飄諷之致。雖野於陸機，而深於潘岳。謝康樂常言：左太沖詩，潘安仁詩，古今難比。

〔三六難言〕（文章緣起）三言詩，晉夏侯湛所作；六言詩，漢谷永作。

〔出自篇什〕（華虞文章流別）詩之流也，有三言、四言、五言、六言、七言、九言。古詩率以四言爲體，而時一句二句，雜在四言之間；後世演之，遂以爲篇。三言者，「振振鷺，鷺于飛」之屬是也。五言者，「誰謂雀無角」之屬是也。六言者，「我姑酌彼金罍」之屬是也。七言者，「交交黃鳥止于桑」之屬是也。九言者，「澗酌彼行潦挹彼注茲」之屬是也。

〔離合〕（文章緣起）孔融作四言離合詩。

〔圖讖〕孔子作孝經及春秋，河洛成，告備於天，有赤虹下化爲黃玉，長三尺，上刻文云。「寶文出，劉季握。卯金刀，在軫北。李禾子，天下服。」合卯金刀爲「劉」，禾子爲「季」也。

〔回文所興道原爲始〕道原未詳。舊注引賀道慶。然道慶四書回文之前，已有璇璣圖

詩，不可謂之始矣。（唐武后璇璣圖序）前秦苻堅時扶風竇滔妻蘇氏，名蕙，字若蘭，潛鎮襄陽，絕蘇氏音問，蘇氏因織錦爲迴文，五彩相宣，縱廣八寸，題詩二百餘首，縱橫反覆，皆爲文章。又（雜體詩序）晉傅咸有迴文反覆詩二首，反覆其文，以示憂心展轉也。是又在竇妻前。

〔聯句〕 見「柏梁」注

樂府第七

樂府者：聲依永，律和聲也。鈞天九奏，既其上帝；葛天八闋，爰乃皇時。自咸英以降，亦無得而論矣。至於塗山歌於候人，始爲南音；有娥謠乎飛燕，始爲北聲。夏甲歎於東陽，東音以發殷整思於西河，西音以興音聲推移，亦不一概矣。匹夫庶婦，謳吟土風，詩官採言，樂盲被律，志感絲篁，氣變金石，以是師曠，覘風於盛衰，季札鑒微於興廢，精之至也。夫樂本心術，故響浹肌髓，先王慎焉，務塞

淫濫敷訓胄子，必歌九德，故能情感七始，化動八風。自雅聲浸微，溺音騰費，秦燔樂經，漢初紹復，制氏紀其鏗鏘，叔孫定其容與。於是武德興乎高祖，四時廣於孝文，雖摹韶夏，而頗襲秦舊，中和之響，聞其不還。暨武帝崇禮，始立樂府，總趙代之音，撮齊楚之氣，延年以曼聲協律，朱馬以騷體製歌。桂華雜曲，麗而不經；赤雁羣篇，靡而非典。河間薦雅而罕御，故汲黯致譏於天馬也。至宣布雅頌，詩效鹿鳴，邇及元成，稍廣淫樂，正音乖俗，其難也如此。暨後郊廟，惟維雅章，辭雖典文，而律非夔曠。至於魏之三祖，氣爽才麗，宰割辭調，音靡節平。觀其北上，衆引秋風列篇，或述酣宴，或傷羈戍，志不出於淫蕩，辭不離於哀思。雖三調之正聲，實韶夏之鄭曲也。逮於晉世，則傅玄曉音，創定雅歌，以詠祖宗。張華新篇，亦充庭萬。然杜夔調律，音奏舒雅；荀勗改懸，聲節哀急。故阮咸譏其離聲，後人驗其銅尺，和樂精妙，固表裏而相資矣。故知詩爲樂心，聲爲樂體，樂體在聲，聲

師務調其器；樂心在詩，君子宜正其文。好樂無荒，晉風所以稱遠；伊其相謔，鄭國所以云亡。故知季札觀辭，不直聽聲而已。若夫豔歌婉變，怨志訣絕，淫辭在曲，正響焉生？然俗聽飛馳，職競新異，雅詠溫恭，必欠伸魚睨，奇辭切至，則增髀雀躍；詩聲俱鄭，自此階矣！凡樂辭曰詩，詩聲曰歌，聲來被辭，辭繁難節。故陳思稱李延年閑於增損古辭，多者則宜減之，明貴約也。觀高祖之詠大風，孝武之歎來遲，歌童被聲，莫敢不協。子建士衡，咸有佳篇，並無詔伶人，故事謝絲管俗稱乖調，蓋未思也。至於軒岐鼓吹，漢世饒挽，雖戎喪殊事，而並總入樂府，繆襲所制，亦有可算焉。昔子政品文，詩與歌別，故略具樂篇，以標區界。

贊曰：八音摛文，駢辭爲體。謳吟垌野，金石雲陛。韶響難追，鄭聲易啟。豈惟觀樂於焉識禮。

〔鈞天九奏〕（史記）趙簡子疾寤，語大夫曰：『我之帝所甚樂，與百神遊於鈞天廣

樂九奏萬舞，不類三代之樂，其聲動人心。」

〔囑天八閔〕 見明詩篇。

〔咸英〕 〔樂緯〕黃帝樂曰「咸池」！帝嚳樂曰「六英」。

〔塗山〕 〔呂氏春秋〕禹行功，見塗山之女，禹未之遇而巡省南土，女令妾待禹於塗

山之陽。作歌曰：「侯人兮猗實！」始作爲南音。

〔有娥〕 〔呂氏春秋〕有娥氏有二佚女，爲之九成之臺，飲食必以鼓。帝令燕往視之

，鳴者諠隘。二女愛而爭搏之，覆以玉筐。少選，發而視之，燕遺二卵，北飛，遂

不返。二女作歌一終曰：「燕燕往飛。」實始作爲北音。

〔夏中〕 〔呂氏春秋〕夏后氏孔甲，田於東陽蒼山。天大風，晦盲，孔甲迷惑，入於

民室。主人方乳。或曰：「之子是必有殃！」后曰：「以爲余子，孰敢殃之？」子

長成人，幕動折掠，斧斫斬其足。孔甲曰：「嗚呼！有疾病矣夫！」乃作破斧之歌

，實始爲東音。

〔殷整〕 〔呂氏春秋〕周昭王親將征荆，辛餘靡爲右。王祛於漢中，辛餘靡振王

北濟。周公乃侯之於西霍殷鼈甲，徙宅西河，猶思故處，實始作爲西音。

〔師曠〕（左傳）晉人聞有楚師，師曠曰：「不窳吾！」驟歌北風，又歌南風。南風不競，多死聲，楚必無功。

〔季札〕（左傳）吳公子札來聘請觀周樂，爲之歌鄭，曰：「美哉！其細已甚，民弗堪也！是其先亡乎？」爲之歌齊，曰：「美哉！泱泱乎大風也哉！表東海者，其太公乎？國未可量也。」

〔淫濫〕（樂記）流辟邪，散狄成，滌濫之音作而民淫亂。

〔九德〕（漢禮樂志）周詩既備，而其器用張陳。周官具焉，朝樂習業以教國子，皆學歌九德，誦六時，習六舞五聲八音之和。故帝舜命夔曰：「女典樂，教胄子！」

〔七始〕（禮樂志）七始華始，肅倡和聲。（注）七始，天地四時人之始；華始，萬物英華之始也。以爲樂名，如六英也。（王應麟玉海）黃鐘林鐘太簇爲天地人之始，姑洗蕤賓南呂應鐘爲四時之始。

〔八風〕（易緯）八節之風，謂之八風。（左傳）夫舞，所以節八音，而行八風。（

杜注：八風，八方之風也。以八音之器，播八方之風，手之舞之，足之蹈之，節其制而敘其情。

〔溺音〕（樂記）子夏曰：「今君之所好者，其溺音乎？」文侯曰：「敢問溺音何從出也？」子夏曰：「鄭音好濫淫志，宋音燕女溺志，衛音趨數煩志，齊音敖辟喬志：此四者，皆淫於色而害於德，是以祭祀弗用也。」

〔制氏〕（禮樂志）漢興樂家，有制氏以雅樂釋律，世世在大樂官，但能紀其鉦鏘鼓舞，而不能言其義。

〔叔孫〕（禮樂志）叔孫通因秦人，制宗廟樂。

〔武德〕（禮樂志）武德舞，高祖四年作，以象天下樂已行武以除亂也。

〔四時〕（禮樂志）四時舞著，孝文所作，以明示天下之安和也。

〔始立樂府〕（禮樂志）武帝定郊祀之禮，乃立樂府，采詩夜誦，有趙代秦楚之謳。

（按）孝惠二年，夏侯寬已爲樂府令，則樂府之立，未必始於武帝也。

〔延年〕（漢書佞幸傳）李延年善歌，爲新變聲。上欲造樂，令司馬相如等作詩頌，

延年輒承意，弦歌所造詩，爲之新聲曲。女弟李夫人，產昌邑王，絲是貴爲協律都尉。

〔桂華〕（禮樂志）安世樂房中歌十七章，其七曰桂華。

〔赤雁〕（禮樂志）郊祀歌象，載瑜十八太始三年，行幸東海，獲赤雁作。

〔河間廣雅〕（禮樂志）河間獻王有雅材，以爲治道非禮樂不成，因獻所集雅樂。天子下太樂宮常存肄之，歲時以備數，然不常御。常御及郊廟，皆非雅聲。

〔汲黯〕（史記樂書）武帝得神馬渥洼水中，歌曲曰：「太一貢兮天馬下。」後伐大宛

得千里馬，歌詩曰：「天馬來兮從西極。」汲黯進曰：「凡王者作樂，上以承祖宗

，下以化兆民，今陛下得馬，詩以爲歌，協於宗廟，先帝百姓，豈能知其音耶？」

〔壽效鹿鳴〕（王褒傳）宣帝時天下殷富，數有嘉應，上頗作歌詩，欲興協律之事。

於是益州刺史王褒，欲宣風化於衆庶，聞王褒有俊才，請與相見，使褒作中和樂職，宣布詩述。好事者令依鹿鳴之聲，習而歌之。

〔稱席淫樂〕（禮樂志）成帝時，鄭聲尤甚，黃門名倡，丙疆景武之屬，富顯於世，

貴戚五侯，定陵富平外戚之家，淫侈過度，至與人主爭女樂。

【三祖】（鍾嶸詩品）魏武帝魏明帝詩、曹公古直，甚有悲涼之句；韻不如丕；亦稱三祖。

【哀思淫蕩】按魏太祖苦寒行，「北上太行山」云云，通篇寫征人之苦。文帝燕歌行，「秋風蕭瑟天氣涼」云云，亦託辭於思婦。所謂或傷羈戍，辭不離於哀思也。他若文帝於譙作孟津諸作，則又或述酣宴，志不出於淫蕩之證也。

【三調】（晉樂志）有因絲竹金石，造歌以被之，魏世三調歌辭之相是也。又（唐樂志曰）平調清調瑟調，皆周房中曲之遺聲，漢世謂之三調。又有楚調，漢房中樂也，與前三調，總謂之相和調。

【傅玄】（晉樂志）秦始皇二年，詔郊祀明堂，禮樂權用魏儀，遵周室，肇稱殷禮之義，但改樂章而已。使傅玄爲之詞云。

【張華】（晉樂志）使郭夏宋識等造正德大豫二舞，其樂章，張華所作。

【庭萬】詩邶風簡兮篇。「公庭萬舞。」（公羊傳）萬者何，干舞也。（何休注）干，謂楯也。能爲人扞難，而不使害人，故聖王貴之，以爲武樂，萬者，其篇名。

〔杜夔〕（晉樂志）魏武平荊州，獲漢雅樂郎河南杜夔，能識舊法，以爲軍謀祭酒，使創定雅樂。

〔荀勗阮咸〕（晉樂志）荀勗以杜夔所制律呂，校太樂總章鼓吹八音，與律呂乖錯，乃制古尺，作新律呂，以調聲韻。勗又作新律，自謂宮商克諧。然論者猶謂勗暗解。時阮咸妙達八音，論者謂之神解。咸常心譏勗新律聲高，以爲高近哀思，不合中和。每公會樂作，勗意咸謂之不調，以爲異己，出咸爲始平相。後有田父耕於野，得周如玉尺，勗以校已可治鐘鼓金石絲竹，皆短校一米，於此伏咸之妙，徵歸。

〔好樂無荒〕詩唐風蟋蟀篇。

〔晉風〕（左傳）季札觀樂，爲之歌唐，曰：「思深哉！其有陶唐氏之遺民乎？不然，何憂之遠也？」（注）晉，本唐國。

〔伊其相醜〕詩鄭風溱洧篇。

〔豳歌〕（樂府）古豳歌古辭，一曰妍歌。

〔欠伸魚睨〕（鮑昭謝見原疏）大喜猝至，小願所圖。魚鰓雞睨，且悚且慚。

〔拊髀雀躍〕（莊子）雲將東遊，過扶搖之枝，而適遭鴻濛。鴻濛方將拊髀雀躍而游。

〔歌大風〕（史記）高帝還歸過沛，悉召故人父老子弟，縱酒發沛中兒得百二十人，教之歌。酒酣，高祖擊筑自爲歌，詩曰：「大風起兮雲飛揚，威加海內兮歸故鄉，安得猛士兮守四方？」

〔歎來遲〕（漢書外戚傳）李夫人卒，帝思念不已？方士少翁言能致其神？迺夜張燈燭，設帷帳，陳酒肉，而令上居他帳遙望，見好女如李夫人之貌，上愈益相思，悲感。爲作詩曰：「是邪非邪，立而望之，偏何嫋嫋其來遲？」令樂府諸音家絃歌之，〔軒岐鼓吹〕（崔豹古今注）短簫饒歌，軍樂也。黃帝使岐伯作漢樂，有黃門鼓吹，天子以燕樂羣臣。短簫饒歌。鼓吹之一章耳。

〔漢書饒挽〕（宋樂志）漢鼓吹饒歌十八曲。（譙周法訓）挽歌者，高帝召田橫。至尸鄉自殺，從者不敢哭，爲此歌以寄哀音焉。（古今注）薤露蒿里，並喪歌也。言人命如薤上之露，易晡滅也。亦謂人死魂魄歸乎蒿里。至孝武時，李延年乃分爲二

曲：雍露送王公貴人，蒿里送士大夫庶人；使挽柩者歌之，亦呼爲挽歌。

【藝襲】（文章志）繆襲字熙伯。作魏鼓吹曲及挽歌。

詮賦第八

詩有六義，其二曰賦。賦者，鋪也。鋪，采摛文，體物寫志也。昔邵公稱公卿獻詩，師箴，腹賦，傳云：登高能賦，可爲大夫。詩序則同義，傳說則異體，總其歸塗，實相枝幹。劉向云：明不歌而頌，班固稱古詩之流也。至如鄭莊之賦，大隧，士蔭之賦，狐裘，結言拉韻，詞自己作，雖合賦體，明而未融。及靈均唱騷，始廣聲兒。然賦也者，受命於詩人，拓宇於楚辭也。於是荀况禮智，宋玉風釣，爰錫名號，與詩畫境，六義附庸，蔚成大國。述客主以首引，極聲貌以窮文，斯蓋別詩之原始，命賦之厥初也。秦世不文，頗有雜賦。漢初詞人，順流而作，陸賈扣其端，賈誼振其緒。枚馬同其風，王揚騁其勢，皋朔已下，品物畢圖，繁積於宣時，校閱於成世，進御

之賦，千有餘首。討其源流，信興楚而盛漢矣。夫京殿苑獵，述行序志，並體國經野，義尚光大。既履端於倡序，亦歸餘於總亂。序以建言，首引情本。亂以理篇，迭致文契。按那之卒章，閔馬稱亂。故知殷人輯頌，楚人理賦。斯並鴻裁之寰域，雅文之樞轄也。至於草區禽族，庶品雜類，則觸興致情，因變取會。擬諸形容，則言務纖密，象其物宜。則理貴側附。斯又小制之區畛，奇巧之機要也。觀夫苟結隱語，事數自環。宋發巧談，實始淫麗。枚乘菟園，舉要以會新。相如上林，繁類以成豔。賈誼鵬鳥，致辨於情理。子淵洞簫，窮變於聲兒。孟堅兩都，明綯以雅瞻。張衡二京，迅發以宏富。子雲甘泉，構深璋之風。延壽靈光，含飛動之勢。——凡此十家，並辭賦之英傑也。及仲宣靡密，發端必適。偉長博通，時逢壯采。太沖安仁，策勳於鴻規。士衡子安，底績於流制。景純綺巧，縛理有餘。彥伯梗概，情韻不匱。——亦魏晉之賦首也。原夫登高之旨，蓋覩物興情，情以物興，故義必明雅。物以

情觀，故詞必巧麗，麗詞雅義，符采相勝，如組織之品，朱紫畫繪之著，立黃文雖新而有質，色雖糅而有本，此立賦之大體也。然逐末之儔，蔑棄其本，雖讀千賦，愈惑體要。遂使繁華損枝，膏腴害骨，無貴風軌，莫益勸戒。此揚揚所以追悔於雕蟲，貽誚於霧縠者也。

贊曰：賦自詩出，分歧異派，寫物圖兒，蔚似雕畫，枿滯必揚，言庸無隘。風歸麗則，辭翦美裊。

〔召公〕（國觀）召公曰：「故天子聽政，使公卿至於列士獻詩，瞽獻典，史獻書，師箴，瞍賦，矇頌，百工諫。」

〔登高能賦〕（漢藝文志）傳曰：「不歌而頌，謂之賦，登高能賦，可以爲大夫。」

〔古詩之流〕（班固兩都賦序）賦者，古詩之流也。

〔鄭莊〕（左傳）鄭莊公威穎考叔之言，與武姜隧而相見，公入而賦大隧之中，其樂也融融。

〔士蔦〕（左傳）晉獻公使士蔦爲夷吾城屈，不慎，置薪焉，讓之，退而賦曰：「狐裘尨茸，一國三公，吾誰適從？」

〔宋融〕（左傳）明夷之謙，明而未融。

〔靈均〕屈原字。（史記）屈原，名平，憂愁幽思，而作離騷。

〔詩人〕（藝文志）春秋之後，聘問歌詠，不行於列國。舉詩之士，逸在布衣。而賢人失志之賦作矣。

〔括字〕（西京雜記）相如曰：「賦家之心，包括宇宙，總覽人物。」（藝文志）大儒孫卿及楚臣屈原離譏憂國，作賦以風。

〔荀况〕（史記）荀卿，趙人，名况。著有禮賦，智賦。

〔宋玉〕（宋玉）風賦見文選，釣賦見賦苑。

〔雜賦〕（藝文志）秦時雜賦九篇。

〔陸賈〕（藝文志）陸賈賦三篇。

〔賈誼〕（藝文志）賈誼賦七篇。

〔枚〕（藝文志）枚乘賦九篇。

〔馬〕（藝文志）司馬相如賦二十九篇。

〔王〕（藝文志）王褒賦十六篇。

〔揚〕（藝文志）揚雄賦十二篇。

〔臯〕（藝文志）枚臯賦百二十篇。

〔朔〕（漢書）東方朔有皇太子生祿屏風殿上柏柱平樂觀賦。

〔成世〕（兩都賦序）武宣之世，言語侍從之臣，時時間作，或以抒下情而通諷諭，或以宣上德而盡忠孝，雍容揚揚，著於後嗣，亦雅頌之亞也。故孝成之世，論而錄之。蓋奏御者，千有餘篇。

〔興楚盛漢〕（吳訥文章辨體）古今言賦，自騷之外，咸以兩漢爲古，蓋非晉魏以還所及。

〔京殿〕文選：兩都，二京，靈光，景福之類是也。

〔苑獵〕上林，甘泉，長楊，羽獵之類是也。

〔述行〕北征，東征之類是也。

〔序志〕幽通，思元之類是也。

〔履端〕（左傳）先王之正時也，履端於始，歸餘於終。

〔總亂〕（王逸楚辭注）亂理也，所以發理詞指；總撮其要也，極意陳詞，文彩紛華，然後結括一言。以明所起也。

〔那之卒章〕（國語）閔馬父曰；「正考父校商之名頌十二篇於周太師，以那爲首，其輯之亂曰：『自古在昔，先民有作，溫恭朝夕，執事有恪。』」

〔草區禽族〕（藝文志）雜禽獸六畜昆蟲賦十八篇，雜器械草木賦三十三篇。

〔荀結隱語〕（荀子禮賦注）言禮之功用甚大，時人莫知，故假爲隱語，問之先王。
〔宋發巧談〕（文選）宋玉有高唐賦，神女賦，好色賦。

〔淫麗〕（藝文志）揚子曰：「詩人之賦麗以則，詞人之賦麗以淫。」

〔菀園〕（漢書）枚乘字叔。游梁，梁客皆善屬詞賦，乘尤高。菀園，苑名。（賦苑）有枚乘菀園賦。

〔上林〕（司馬相如傳）相如請爲天子游獵之賦，賦奏天子，以爲即亡是公言上林，廣大侈靡，多過其實。

〔鵬鳥〕（賈誼傳）誼爲長沙傅三年，有鵬飛入誼舍，止於坐隅；鵬似鴉，不祥鳥也。誼既以謫居長沙，長沙卑濕，誼自傷悼，以爲壽不得長，迺爲賦以自廣。

〔洞簫〕（王褒傳）太子喜褒所爲甘泉及洞簫頌，令後宮貴人左右皆誦讀之。

〔兩都〕（後漢書）班固字孟堅，上兩都賦，盛稱洛邑制度之美。

〔二京〕（後漢書）張衡字平子，永元中，天下承平日久，自王侯以下，莫不踰侈。衡乃擬班固兩都作二京賦，因以諷諫。

〔甘泉〕（漢書）楊雄，字子雲，正月從上甘泉還，奏甘泉賦以風。

〔靈光〕（後漢書）王逸子延壽，字文考。遊魯，作靈光殿賦。蔡邕亦造此賦未成，及見延壽所爲，遂輟翰。

〔仲宣偉長〕（魏志）王粲，字仲宣。徐幹，字偉長。（文選）曹子建與楊德祖書曰：「昔仲宣獨步於漢南，偉長擅名於青土。」

〔太沖〕（臧榮緒晉書）左思，字太沖。欲作三都賦，乃詣著作郎張載，訪岷卬之節，遂構思十稔，門庭瀟灑皆著，紙筆得句卽疏之，賦成，張華見而咨嗟。都邑豪貴，競相傳寫。

〔安仁〕（晉書）潘岳，字安仁。弱冠辟司空太尉府，舉秀才，高步一時。所著有耕藉，射雉，西征，秋興，閒居，懷舊諸賦。

〔上衡〕（臧榮緒晉書）陸機，字士衡。與弟雲勤學，聲溢四表。機妙解情理，作文賦。

〔子安〕（晉書）成公綏字子安，少而俊才，口吃。張華一見甚善之。時人以貧賤不重其文。仕至中臺郎，著有嘯賦。

〔景純〕郭璞，字景純。（晉中興書）璞以中興王宅江外，著乃江賦，述川瀆之美。

〔彥伯〕（晉秋陽）袁宏字彥伯，賦苑有袁彥伯東征賦。

〔讀千賦〕（桓譚新論）余素好文，見子雲善爲賦，欲從之學；子雲曰，「能讀千首賦，則善爲之矣」。

〔雕蟲霧縠〕（揚子法言）或問吾子少好賦，曰：『然，童子雕蟲篆刻。』俄而曰：

『壯夫不爲也。』或曰：『霧縠之組麗，』曰：『女工之蠶矣！』

頌讚第九

四始之頌，至居其極。頌者，容也。——所以美盛德而述形容也。昔帝嚳之世，咸墨爲頌，以歌九韶。自商已下，文理允備，夫化偃一國，謂之風。風正四方，謂之雅。容告神明，謂之頌。風雅序人事，兼變正頌，主告神，義必純美。魯國以公旦次編，商人過前王追錄，斯乃宗廟之正歌，非讌饗之常詠也。時邁一篇，周公所製，哲人之頌，規式存焉。夫民各有心，勿壅惟口，晉與之稱，原田魯氏之刺，裘鞞直言不詠，短辭以諷。邱明子高，並謀爲誦，斯則野誦之變體，浸被乎人事矣。及三閭橘頌，情采芬芳，比類寓意，又覃及細物矣。至於秦政刻文，爰頌其德。漢之惠景，亦有述容，沿世並作，相繼於時矣。若夫子雲之表，充國孟堅之序，戴侯武

仲之美顯宗史岑之述熹后或擬清廟或範駟那雖淺深不同詳略各異其與德顯容典章一也至於班傳之北征西巡變爲序引豈不褻過而謬體哉馬融之廣成上林雅而似賦何弄文而失質乎又崔瑗文學蔡邕樊渠並致美於序而簡約乎篇攀虞品藻頗爲精覈至云雜以風雅而不變旨趣徒張虛論有似黃白之僞說矣及魏晉辨頌鮮有出轍陳思所綴以皇子爲標陸機積篇惟功臣最顯其褻貶雜居固末代之訛體也。

原夫頌惟典雅辭必清鑠敷寫似賦而不入華侈之區敬慎如銘而異乎規戒之域揄揚以發藻汪洋以樹義惟纖曲巧致與精而變其大體所底如斯而已。

讚者明也助也昔虞舜之祀樂正重讚善唱發之辭也及益讚於禹伊陟讚於巫咸並颺言以明事嗟歎以助辭也故漢置鴻臚以唱拜爲讚卽古之遺

語也。至相如屬筆，始讚荆軻，及遷史固書，託讚褒貶，約文以總錄，頌體以論辭，又紀傳後評，亦同其名，而仲洽流別，謬稱爲述，失之遠矣。及景純注雅，動植必讚，義兼美惡，亦猶頌之變耳。然本其爲義，事生獎歎，所以古來篇體促而不廣，必結言於四字之句，盤桓乎數韻之辭，約舉以盡情，昭灼以送文，此其體也。發源雖遠，而致用蓋寡，大抵所歸，其頌家之細條乎。

贊曰：容體底頌，勳業垂讚，鏤彩摛文，聲理有爛，年積逾遠，音徽如旦，降及品物，炫辭作翫。

〔咸墨〕 墨，應作黑。（呂氏春秋）帝嚳命咸黑作爲聲，歌九招六列六英。

〔變正〕 （詩序）王道衰，政教失，而變風變雅作矣！

〔頌主告神〕 （詩人序）頌者美盛德之形容，以其成功，告於神明者也。

〔公旦〕 （詩傳）成王賜魯天子之禮樂以祀周公，故有魯頌。

〔商人〕（詩序）商頌那，祀成湯也。烈祖，祀中宗也。元鳥，祀高宗也。長發，大禘也。殷武，祀高宗也。皆前代祭祀宗廟之樂。

〔時邁〕（國語）周文公之詩曰：載輯干戈，載櫜弓矢。我求懿德，肆于時夏，允王保之。（韋昭注）文公，周公旦之諡也，頌時邁之詩。武王既伐紂，周公爲作此詩。巡守告祭之樂歌。

〔壅口〕（國語）民慮之於心而宣之於口，成而行之，胡可壅也？若壅其口，其與能幾何？

〔原田〕（左傳）晉侯聽輿人之頌曰：「原田每每舍其舊而新是謀。」

〔裘繹〕（孔叢子）子順曰：「先君初相魯，魯人謗頌之曰：『廣裘而芾，投之無戾；芾而廣裘，投之無郵。』（按呂氏春秋）同芾作繹。（高誘注）繹，小兒。此子順述孔子之事，非子高也？子高，孔穿之子。」

〔三閭橘頌〕（離騷序）屈原與楚同姓，仕於懷王爲三閭丈夫；著九章。內一篇曰橘頌。

〔秦政〕（史記）秦始皇者，名政，東行郡縣，上鄒嶧山，立石，與魯諸儒生義刻石頌秦德。

〔惠景〕（漢藝文志）李思孝景皇帝頌十五篇。

〔表充國〕（趙充國傳）充國字翁孫。功德與霍光等列，書未央宮。成帝時，西羌嘗有警，上思將帥之臣，追美充國，迺召黃門郎揚雄，即充國劉歆而頌之。

〔序戴侯〕（後漢書）竇融字周公。光武八年，與大軍會高平，封安豐侯。卒諡戴。（文章流別）有班固安豐戴侯頌。

〔美顯宗〕（後漢書）傅毅字武仲，追美孝明帝功德最盛，而廟頌未立，乃依清廟作顯宗頌十篇。

〔述熹后〕（文選注）范曄後漢書曰：王莽末，沛國史岑，字孝山，以文顯。（文章志）七志並載岑出師頌，而集林又載岑和熹鄧后頌。計莽末以訖和熹，百有餘年。又（東觀漢記）東平王蒼上光武中興頌，明帝問校書郎：「此與誰等？」對曰：「前世史岑之比。」斯則莽末史岑，明帝時已云前世，不得爲一熹之頌明矣。蓋有二

史岑：字子孝者，仕王莽；字孝山者，當和熹。書典散亡，未詳得里，諸家遂以孝山之文，載於子孝之集。

班固（後漢書）竇憲遷大將軍，以傅毅爲司馬，班固爲中護軍，憲府文章之盛，冠於當世。毅所著詩賦誄頌諸作，凡二十八篇。固所著賦銘誄頌諸作，凡四十一篇。

融（馬融傳）融字季長。鄧太后臨朝，鄧騭兄弟輔政，俗儒世士，以文德可興，武功宜廢；融以爲文武之道，聖賢不墜，五材之用，無或可廢，上廣成頌以諷諫。太后怒，遂令禁錮之。安帝親政，出爲河間王長史。時車駕東巡岱宗，融上東巡頌，召拜郎中。

崔瑗（崔瑗傳）瑗所著賦碑銘箴頌七。蘇南陽文學官志歎辭移社文悔祈草書執七言凡五十七篇，其南陽文學官志諸能爲文者，皆自以弗及。

樊渠（蔡邕樊忠渠頌）略曰：陽陵縣東，上殊辛螿，嘉穀不植，而涇水長流。京兆尹樊君諱陵，字德雲，遂樹柱累石，委薪竹土，基跌工堅，清流浸潤，昔日鹵田，化爲甘壤；農民熙怡悅豫，謂之樊惠渠云。

〔藝文〕（藝文傳）虞字仲洽，撰古文類聚，區分爲三十卷，名曰流別集，各爲之論辭，愜當，爲世所重。

〔雜以風雅〕（文章流別論）楊雄充國頌，頌而似雅；傅毅顯宗頌，雜以風雅之意；馬融之廣成上，純爲今賦之體，而謂之頌。

〔黃曰僞語〕（呂氏春秋）相劍者曰：『白所以爲堅也；黃所以爲物也。黃曰雜則堅，白物，良劍也。』難者曰：『黃白雜則不堅，且白物，焉得爲利劍也？』

〔陳思〕曹植，字子建，封陳思王。集有皇子生頌。

〔陸機〕陸機集，有漢高祖功臣頌。

〔樂正重讚〕（尚書大傳）舜爲賓客，禹爲主人。樂正進，贊曰：『尚考大室之義，

唐爲虞賓，至今衍於四海，成禹之變。垂於萬世之後。』於是俊、百工，相和而歌。

慶雲。

〔益贊於禹〕見書大禹謨篇。

〔伊陟〕（書）在太戊時，則有著伊陟臣履，格于上帝，巫咸又王家。（注）伊陟伊

尹之子。巫氏，咸名。（史記封禪書）伊陟贊巫咸。

【鴻臚】（漢書注）鴻，風也；臚，傳也。所以傳聲贊導九賓也。

【相如】（文章緣起）司馬相如荆軻贊，世已不傳。厥後班孟堅漢史，以論爲贊。至宋范曄，更以韻語。

【謬稱爲述】（漢書注）顏師古曰：「史遷云：『爲某事作某本紀，某列傳。』班固謙不敢言作，而改言述，蓋避作者之謂聖，而取述者之謂明也。但後之學者不曉此，爲漢書敘目。見有述字，乃呼爲漢書述；失之遠矣！摯虞尙有此惑，其餘曷足怪乎？」

【景純注雅】（郭璞傳）璞，字景純。注釋爾雅，別爲書義圖讚。

祝盟第十

天地定位，祀徧羣神。六宗既禋，三望咸秩。甘雨和風，是生黍稷。兆民所仰，美報興焉。犧盛惟馨，本於明德。祝史陳信，資乎文辭。昔伊耆始蜡，以祭八神。其

辭云：土反其宅，水歸其壑，昆蟲無作，草木歸其澤。則上皇祝文，爰在茲矣。舜之
祠田云：荷此長耜，耕彼南畝，四海俱有，利民之志，頗形於言矣。至於商履，聖敬
日躋，立牡告天，以萬方罪己，卽郊禋之祠也。素車禱旱，以六事責躬，則雩祭之
文也。及周之太祝，掌六祝之辭，是以庶物咸生，陳於天地之郊，旁作穆穆，唱於
迎日之拜，夙興夜處，言於祔廟之祝，多福無疆，布於少牢之饋，宜社類禡，莫不
有文。所以寅虔於神祇，嚴恭於宗廟也。春秋已下，黷祀詔祭，視幣史辭，靡神不
至。至於張老成室，致善於歌哭之禱，蒯瞶臨戰，獲佑於筋骨之請，雖造次顛沛，
必於祝矣。若夫楚辭招魂，可謂祝辭之組纒也。漢之羣祀，肅其旨禮，旣總碩儒
之儀，亦參方士之術。所以祕祝移過，異於成湯之心；偃子毆疫，同乎越巫之祝。
禮失之漸也。至如黃帝有祝邪之文，東方朔有罵鬼之書，於是後之譴呪，務於
善罵，唯陳思誥咎，裁以正義矣。若乃禮之祭祀，事止告饗，而中代祭文，兼讚言

行，祭而兼讚，蓋引神而作也。又漢代山陵，哀策流文，周喪盛姬，內史執策，然則策本書贈，因哀而爲文也。是以義同於誄，而文實告神，誄首而哀末，頌體而祝儀。太史所作之讚，因周之祝文也。凡羣言發華，而降神務實，脩辭立誠，在於無媿；祈禱之式，必誠以敬，祭奠之楷，宜恭且哀。此其大較也。班固之祀濠山，祈禱之誠敬也；潘岳之祭庾婦，奠祭之悲哀也。舉彙而求，昭然可鑒矣。

盟者，明也。騂毛白馬，珠盤玉敦，陳辭乎方明之下，祝告於神明者也。在昔三王，詛盟不及，時有要誓，結言而退。周襄屢盟，以及要契，始之以曹沫，終之以毛遂。及秦昭盟夷，設黃龍之詛，漢祖建侯，定山河之誓，然義存則克終，道廢則渝。始崇替在人，况何預焉？若夫臧洪歆辭，氣截雲峴，劉琨鐵誓，精貫霏霜，而無補於晉漢，反爲仇讎，故知信不由衷，盟無益也。夫盟之大體，必序危機，獎忠孝，共存亡，戮心方，祈幽靈以取鑒，指九天以爲正，感激以立誠，切至以敷辭，此其

所同也。然非辭之難，處辭爲難。後之君子，宜在殷鑒。忠信可矣，無恃神焉！

贊曰：祀欽明，祝史惟談；立誠在肅，脩辭必甘。季代彌飾，絢言朱藍。神之來格，所貴無慚。

〔六宗〕（書）禮六宗。（孔安國傳）一四時，二寒暑，三日，四月，五星，六水

旱。（漢郊祀志注）六宗：星，辰，風伯，雨師，司中，司命。一說云乾坤六子。

又一說：天宗三：日，月，星辰；地宗三：泰山，河，海，或曰：天地間游神也。

〔三望〕（左傳）僖公三十一年，卜郊不從，乃免牲，猶三望。（注）望，祭山川也。

〔伊耆〕（禮記郊特牲）伊耆氏始爲蜡。蜡也者，歲十二月，合聚萬物而索饗之也。

八神：先嗇一，司嗇二，百種三，農四，郵表五，貓虎六，坊七，水庸八。

〔聖賢日躋〕詩四頌長發篇。

〔元牡〕見書湯誓。

〔素車〕（尸子）湯之救旱也，素車白馬布衣，身嬰白茅，以身爲牲，禱曰：「政不

節與，民失職與！苞直行與，讒夫昌與！宮室崇與，女謁盛與！」

【零禁】（左傳）龍見而零（注）旱祭也。又曰：霧霜風雨之災則禁之。（說文）禱雨爲零，禱晴爲祭。

【太祝】（周禮春官）太祝掌六祝之辭，以事鬼神，曰順祝，年祝，吉祝，化祝，瑞祝，筴祝。

【迎日】（大戴禮）孝昭冠辭：皇皇上天，昭臨下土。庶物羣生，各得其所，靡今靡古。維予一人，某敬拜皇天之祐。又曰：明，光於上下；勤，施於四方。旁作穆穆。維予一人，某敬拜迎於郊。以正月朔日迎日於東郊。

【耐廟】（儀禮）明日以其班耐用嗣尸曰：孝子某孝顯相，夙興夜處，小心畏忌，不惰其身，不寧用尹祭。嘉薦普淂，普薦洩酒，適爾皇祖某甫，以隣耐爾孫某甫。

【多福無疆】（儀禮）少牢饋食禮主人，酌尸尸酢，主人祝嘏，主人曰：皇尸命工祝，承致多福無疆于汝孝孫。

【宜社】（王制）天子將出，類乎上帝，宜乎社，造乎禴。諸侯將出，宜乎社，造乎

禱。(注)宜，祭名。

〔新禱〕 (詩)是類是禱。(傳)師祭也，類於上帝，禱於所征之地。

〔張老成室〕 (檀弓)晉獻文子成室，晉大夫發焉，張老曰：『美哉輪焉！美哉奐焉！歌於斯，哭於斯，聚國族於斯。』

〔崩潰〕 (左傳)衛太子禱曰：『曾孫崩潰敢昭告皇祖文王烈祖康叔文祖襄公：鄭勝亂從，晉午在難，使鞅討之，崩潰不敢自佚，備持矛焉。敢告無絕筋，無折骨，無面傷，以集大事。』

〔秘祝〕 (漢郊祀志)文帝詔曰：『秘祝之官，移過於下，朕甚弗取；其餘之！』

〔偃子〕 (後漢禮儀志)大儺謂之逐疫，選中黃門子弟，十歲以上，十二以下，百二十人，爲偃子。

〔越巫〕 (郊祀志)粵人勇之言。粵人俗鬼，而其祠皆見鬼，數有效。昔東甌王敬鬼，壽百六十歲；後世怠慢，故衰耗。武帝乃命粵巫立粵祝祠。

〔祝邪〕 (山海經)東望山有獸，名白澤，能言語。王者有德，明照幽遠則至。(軒

韓記：帝於桓山得白澤神獸，能言達於萬物之情，因問天地鬼神之事，帝令寫爲圖，作祝邪之文以祝之。

【罵鬼】（王延壽夢賦序云）臣遂得東方朔，與臣作罵鬼之書。（按）朔與延壽隔世久遠。或朔本有書，延壽得之則可，曰「與臣作」，謬矣。倘作書亦夢中事，使無所不可；然彥和又豈以烏有爲實錄乎？非後人傳寫之誤，卽前代有傳會失實者。

【誥咎】（曹子建誥咎文序）五行致災，先史咸以爲應政而作，天地之氣，自有變動，未必政治之所興致也。於時大風發屋拔木，意有感焉，聊假上帝之命，以誥咎祈福。

【哀策】（文章緣起）漢樂安相李尤，作和帝哀策。

【執策】（穆天子傳）天子西至於重壁之台。盛姬告病，天子哀之，於是觴觶而哭，內史執策。（注）策，所以書贈賻之事。

【祭瘦婦】（潘岳集）有爲詒婦祭瘦新婦文。

【駢毛】（左傳）瑕禽曰：昔平王東遷，吾七姓從王牲，用備具，王賴之，而賜之駢

毛之盟。一注一赤牛也。

〔白馬〕（漢書）王陵曰：高皇帝刑白馬而盟曰：『非劉氏而王者，天下共擊之。』

〔珠盤玉敦〕（周禮天官）玉府若合諸侯，則珠盤玉敦。

〔方明〕（滄律歷志）太甲元年，以冬至越，蒞祀先生於方明。（注）方明者，神明

之象也，以木爲之，方四尺，畫六采，東青西白，南赤北黑，上元下黃。

〔詛盟〕（穀梁傳）：詛盟不及三王。

〔結書〕（公羊傳）古者不盟，結言而退。

〔要契〕（左傳）使王叔氏要伯與合與，王叔氏不能舉其契。（注）要合要辭。理曲

無以爲答，故不能其契要之辭。

〔曹沫〕（國語）曹沫爲魯將三北，魯莊公要齊桓公會於柯而盟，沫執匕首，劫桓公

於壇，盡歸魯之侵地。

〔毛遂〕（史記）秦圍邯鄲，平原君求救於楚，議日中不決，毛遂按劍歷階而上曰：

『從之利害，兩言而決：合從者爲楚，非爲趙也。』楚王曰：『唯唯。』遂謂左右

曰：『取雞狗馬之血來。』遂奉銅盤而跪進之。楚王曰：『王當歃血。次者吾君，次者遂。』遂定從於殿上。

〔秦昭〕（常璩巴志）秦昭襄王與夷人刻石盟曰：『秦犯夷，輸黃龍一雙；夷犯秦，輸清酒一鍾。』

〔山河〕（史記高祖功臣年表）封爵之誓曰，『黃河如帶，泰山如礪。國以永寧，愛及苗裔。』

〔臧洪〕（臧洪傳）洪字子原。太守張超請爲功曹時，董卓圖危社稷，超與洪西至陳留，見兄邈計事。邈與語，大異之，邈先有謀，約會超至定議，乃與諸將守。會酸棗，設壇場，將盟，旣而莫敢先登，咸共推洪。洪升壇歃血，辭氣慷慨，聞其言者，無不激揚。

〔劉琨〕（劉琨傳）琨字越石。建武元年，琨與段匹磾討石勒，匹磾推琨爲大都督，歃血載書檄諸方守俱集襄國。琨匹磾進屯固安，以俟衆軍。匹磾從弟未波，納勸厚賂，獨不進，乃沮其計。琨匹磾以勢弱而退。

銘箴第十一

昔帝軒刻輦几以弼違，大禹勒筍屨而招諫；成湯盤盂著日新之規，武王
戶席題必戒之訓；周公慎言於金人，仲尼革容於欵器；則先聖鑒戒，其來久矣。
故銘者，名也。觀器必也正名，審用貴乎盛德。蓋臧武仲之論銘也。曰：天子令德，
諸侯計功，大夫稱伐，夏鑄九牧之金鼎，周勒肅慎之楛矢，令德之事也。呂望銘
功於昆吾，仲山鏤績於庸器，計功之義也。魏顆紀勳於景鐘，孔惺表勤於衛鼎，
稱伐之類也。若乃飛廉有石槲之錫，靈公有蒿里之謚，銘發幽石，吁可怪矣。趙
靈勒跡於番吾，秦昭刻博於華山，夸誕示後，吁可笑也。詳觀衆例，銘義見矣。至
於始皇勒岳，政暴而文澤，亦有疏通之美焉。若班固燕然之勒，張昶華陰之碣，
序亦盛矣。蔡邕銘思，獨冠古今。橋公之鉞，吐納典謨。朱穆之鼎，全成碑文。溺所

長也。至如敬通雜器，準矔戒銘，而事非其物，繁略違中。崔駰品物，讚多戒少；李尤積篇義，儉辭碎著龜神物，而居博弈之中，衡斛嘉量，而在白杵之末。——會名品之未暇，何事理之能閑哉？魏文九寶，器利辭鈍。唯張載劍閣，其才清采，迅足駸駸，後發前至，勒銘岷漢，得其宜矣。

箴者，所以攻疾防患，喻鍼石也。斯文之興，盛於三代，夏商二箴，餘句頗存。及周之辛甲，百官箴一篇，體義備焉。迄至春秋，微而未絕。故魏絳諷君於后羿，楚子訓民於在勤，戰代以來，棄德務功，銘辭代興，箴文委絕。至揚雄稽古，始範虞箴，作卿尹州牧二十五篇。及崔胡補綴，總稱百官，指事配位，鑿鑑可徵，信所謂追清風於前古，攀辛甲於後代者也。至於潘勗符節，斐而失淺，溫瞻傳臣，博而患繁。王濟國子，引廣事雜，潘尼乘輿，義正體蕪。凡斯繼作，鮮有克衷。至於王朗雜箴，乃置巾履，得其戒愼，而失其所施；觀其約文舉要，憲章戒銘，而水火井

辭繁辭不已，志有偏也。

夫箴誦於官，銘題於器，名目雖異，而警戒實同。箴全禦過，故文資確切；銘衆褒讚，故體貴弘潤。其取事也必覈以辨，其摛文也必簡而深。此其大要也。然矢言之道，蓋闕庸器之制久淪，所以箴銘異用，罕施於代。惟秉文君子，宜酌其遠大焉。

贊曰：銘實表器，箴惟德軌。有佩於言，無鑒於水。秉茲貞厲，敬言乎履。義典則弘，文約爲麗。

〔與几〕（皇王大紀）帝軒作與几之箴，以警宴安。

〔筮簋〕（鬻子）大禹爲銘於筮簋曰：「教人以心者擊鼓，教以義者擊鐘，教以事者振鐸，語以愛者擊磬。」

〔戶席〕（大戴禮）尚父道丹書之言。武王聞之，惕若恐懼。退而爲戒，書於席四端。

於機，於鑑，於盟盤，於楹，於枝，於帶，於履屨，於觴豆，於戶，於牖，於劍，於弓，於矛，盡爲銘焉，以戒後世子孫。

〔僉人〕（家語）孔子觀周入后稷之廟，有金人焉，三緘其口，而銘其背曰：「古之慎言人也，無多言。多言多敗。」

〔歌器〕（荀子）孔子觀於魯威公之廟，有歌器焉，問於守者，爲宥坐之器，虛則欬，中則正，滿則覆。歎曰：「烏有滿而不覆者哉？」

〔論銘〕（左傳）季武子以所得於齊之兵作林鐘而銘魯功焉。臧武仲曰：「非禮也。夫銘天子，令德諸侯，言時計功，大夫稱伐，今稱伐，則下等也；計功，則借人也，言時，則妨民多矣！何以銘爲？」

〔金鼎〕（左傳）王孫滿對楚子曰：「昔夏之有德，遠方圖物，貢金九牧，鑄鼎象物。」

〔楛矢〕（國語）仲尼曰：「昔武王克商，道河九夷八蠻，肅慎氏貢楛矢。先王欲昭其令德之致遠也，故銘其筭曰：『肅慎氏之筭矢。』」

〔呂望〕（史記）太公望呂尚者，東海上人。（蔡邕銘論）呂尚作周太師，其功銘於

昆吾之鼎。

〔仲山〕

〔寶憲傳〕南單於遺憲古鼎，其傍銘曰：「仲山甫鼎其萬年，子子孫孫永保用。」

〔庸器〕

〔周禮〕典庸器掌藏樂器。庸器（注）庸器，伐國所獲之器，若崇鼎、貫鼎、

及其兵物所鑄銘也。

〔魏顆〕

〔國語〕昔克路之役，秦來圖，敗晉功，魏顆以其身却退秦師於輔氏，親止

杜回，其勳銘於景鐘。

〔孔伋〕

〔禮記祭統〕有衛孔伋之鼎銘。

〔飛廉〕

〔秦本紀〕蜚廉爲紂石北方，還無所報，爲壇霍太山而報，得石棺。銘曰：

「帝令處父，不與殷亂，賜爾石棺。」以華氏死，遂葬於霍太山。

〔靈公〕

〔莊子〕衛靈公死，卜葬於沙邱，掘之數仞，得石槨焉，洗而視之，有銘焉

曰：「不馮其之，靈公奪而埋之。」

〔蒿里〕

見樂府「饒挽」注。

〔趙靈〕

〔韓子〕趙主父令工施鉤梯而緣番吾，刻疎人跡其上，廣三尺，長五尺，而

勒之曰：「主父嘗遊於此。」

〔秦昭〕（韓子）秦昭王令工施鉤梯而緣華山，以松柏之心爲傅箭，長八尺，綦長八

寸，而勒之曰：「陽王與天神博於此。」

〔勒岳〕（秦始皇本紀）始皇上泰山，立石封祠，祀刻石頌秦德焉而去。

〔燕然〕（竇憲傳）南單于請兵北伐，拜憲車騎將軍大破單于，登燕然山刻石勒功，

紀漢威德，令班固作銘。

〔華陰〕（古文苑）華陰掌關碑銘，張昶爲北地太守段熲作。

〔橋公之鉞〕（蔡中郎集）橋元黃鉞銘：「帝命將軍，秉茲黃鉞，威靈振耀，如火之

烈。公之在位，羣狹斯柔。齊斧罔設，人士斯休。」

〔朱穆之鼎〕（蔡中郎集）忠文朱公名穆，字公叔。延熹六年，卒。肆其孤用，作茲

寶鼎，銘載休功，俾後裔求用享祀，以知其先之德。（按）伯喈作朱公叔墳前石碑，

前用散體，後系四言韻語，至鼎銘則純作散體，大篇不著韻語，所謂全成碑文也。

〔敬通〕（馮衍傳）衍字敬通，所著賦誄銘說雜文，五十篇。

〔崔駰〕（崔駰傳）駰字亭伯。所著詩賦銘頌書記表七依婚禮結言達旨酒警 合二十一篇。

〔李尤〕（後漢書）李尤，字伯仁。所著詩賦銘誄頌七歎哀典，凡一十八篇。（文章流別論）尤自山河郡邑，至刀筆筆契，無不有銘，而文多穢病。

〔九寶〕（典論）魏太子丕，造寶劍寶刀三，匕百三，皆因姿定名。其文曰：「選咨良金，命彼國工，精而鍊之，至於百辟，恨不遇薛燭青萍也！」

〔劍閣〕（張載傳）載父收，蜀郡太守。載至蜀省父：道經劍閣，以蜀人恃險好亂，因著銘以作誡。張敏見而奇之，乃表上其文；武帝遣使鑄之於劍閣焉。

〔夏〕（逸周書文傳所引）夏箴云：「中不容利，民乃外次。」

〔商〕（呂氏春秋名類篇）引商箴云：「天降災布祥，并有其職。」

〔百官〕（左傳）魏絳謂晉侯曰：「昔周辛甲之爲太史也，命百官箴玉闕。」

〔在勤〕（左傳）楚自兌庸以來，其君無日不討國人而訓之箴之曰：「民生在勤，勤則不匱。」

〔虞箴〕（揚雄自序）「箴莫善虞箴。」作州箴。

〔崔胡〕（文章流別論）揚雄依虞箴作十二州十二官箴傳於世，不具九官。崔氏累世

彌縫其闕，胡公又以次其首尾而爲之解，署曰百官箴。

〔潘勗〕（衛覬傳）建安末，河南潘勗與覬，並以文章顯。（文章志）勗字元茂，初名芝，改名勗。

〔溫嶠〕（晉書）溫嶠遷太子中庶子，在果宮數陳規諷，獻寺臣箴。

〔王濟〕（王濟傳）濟字武子，文辭秀茂，累官侍中，以忤旨左遷園子祭酒。

〔潘尼〕（晉書）潘尼爲乘輿箴。

〔王朗〕（王朗傳）朗字景興，歷官御史大夫，所著奏議論記，咸傳於世。

〔确切〕确，堅正也。（崔實傳）指切時要，言辯而确。

誄碑第十二

周世盛德，有銘誄之文。大夫之材，臨喪能誄。誄者，累也。累其德行，旌之不

朽也。夏商已前，其詳靡聞。周雖有誄，未被于士。又賤不誄，貴幼不誄，長在萬乘，則稱天以誄之，讀誄定謚，其節文大矣。自魯莊戰乘邱，始及于士。逮尼父卒，哀公作誄，觀其懇遺之切，嗚呼之歎，雖非叔作，古式存焉。至柳妻之誄，忠子則辭哀而韻長矣。暨乎漢世，承流而作，揚雄之誄元后，文實煩穢，沙麓撮其要，而擊疑成篇，安有累德述尊，而澗略四旬乎？杜篤之誄，有譽前代，吳誄雖工，而他篇頗疏，豈以見稱光武，而改盼千金哉？傅毅所制，文體論序，孝山崔瑗辨絜，相參觀其序事如傳，辭靡律調，固誄之才也。潘岳構意，專師孝山，巧於序悲，易入新切，所以隔代相望，能微厥聲者也。至如崔駰誄趙，劉陶誄黃，並得憲章，工在簡要，陳思明名，而體實繁綏，文皇誄宋，旨言自陳，其乖甚矣。若夫殷臣誄湯，遺褒元鳥之祥，周史歌文，上闕后稷之烈，誄述祖宗，蓋詩人之則也。至於序述哀情，則觸類而長，傅毅之誄北海，云日日幽光，雰霧杳冥，始序致感，遂爲後式，景而

效者，彌取於工矣。詳誅夫之爲制，蓋選言錄行，傳體而頌文，榮始而哀終。論其人也，暖乎若可覲，道其哀也，悽焉如可傷。比其旨也。

碑者，埤也。上古帝皇，紀號封禪，樹石埤岳，故曰碑也。周穆紀跡于弇山之石，亦古碑之意也。又宗廟有碑，樹之兩楹，事止麗牲，未勒勳績，而庸器漸缺。故後代用碑以石代金，同乎不朽，自廟徂墳，猶封墓也。自後漢以來，碑碣雲起，才鋒所斷，莫高蔡邕觀楊賜之碑，骨鯁訓典，陳郭二文，詞無擇言。周乎衆碑，莫非清允，其敘事也該而要，其綴采也雅而澤。清詞轉而不窮，巧義出而卓立，察其爲才，自然而至。孔融所創，有慕伯喈；張陳兩文，辨給足采，亦其亞也。及孫綽爲文，志在碑誄，溫王郗庾辭多枝雜，桓彝一篇，最爲辨裁。

夫屬碑之體，資乎史才，其序則傳，其文則銘，標序盛德，必見清風之華，昭紀鴻懿，必見峻偉之烈。此碑之制也。夫碑實銘器，銘實碑文，因器立名，事光於

誄，是以勒石讚勳者，入銘之域；樹碑述已者，同誄之區焉。

贊曰：寫實追虛，碑誄以立銘德，慕行文采，允集觀風，似面聽辭，如泣石黑，鐫華，頽影豈忒？

〔大夫之材〕 見詮賦篇「登高能賦」注。

〔賤不誄貴〕 (禮記) 賤不誄貴，幼不誄長，禮也。惟天子稱天以誄之，諸侯相誄，非禮也。

〔魯莊〕 (檀弓) 魯莊公及宋人戰于乘邱。縣贄父御，卜國爲右，馬驚敗績，公隊佐車。授綬公曰：『未之卜也。』縣贄父曰：『他日不敗績而今敗績，是無勇也。』遂死之。圉人浴馬，有流矢在白肉，公曰：『非其罪也。』遂誄之。士之有誄，自此始也。

〔哀公〕 (左傳) 孔子卒，哀公誄之曰：『旻天不弔，不整遺一老，俾屏子一人以在位，梵梵余在疚！嗚呼哀哉！尼父無自律。』

〔柳妻〕 (說苑) 柳下惠死，門人將誄之，妻曰：『將誄夫子之德耶？則二三子不如

姿知之也。』乃誄曰：『夫子之不代兮，夫子之不竭兮。夫子之信成而與人無害兮，柔屈從俗不強察兮。蒙恥救民德彌大兮，雖遇三黜終不弊兮。豈弟君子永能厲兮？嗟乎惜哉，乃下世兮！庶幾遐年，今遂逝兮！嗚呼，哀哉！鬼魂泄兮！夫子之諡宜爲惠兮！』

〔誄元后〕（漢書）王莽建國五年，元后崩，詔楊雄作誄曰：『太陰之精，沙麓之靈。作合於漢，配元生成。』

〔杜篤〕（後漢書）杜篤字季雅。大司馬吳漢薨，光武詔諸儒誄之，篤爲誄最高，帝美之。

〔改盼千金〕（國策）蘇代說淳于髡曰：『人有賣駿馬者，比三日立市，人莫之知。伯樂遠而視之，去而顧之，一旦而馬價十倍。』

〔孝山〕（後漢書）蘇順，字孝山，和安間以才學見稱。所著賦論誄哀辭雜文，凡十六篇。

〔潘岳〕（潘岳傳）有揚荊州誄楊仲武誄夏侯常侍誄馬汧督誄。

〔劉陶〕（劉陶傳）陶字子奇，濟北貞王勃之後，著書數十萬言。

〔自陳〕（曹子建集）文皇誅至「咨遠臣之眇眇兮，感凶問以恒驚。」以下皆自陳之辭。

〔北海〕（後漢書）北海靖王興，齊武王伯升子也。求平七年薨。（古文苑）博毅此誄，其文不全，亦無白日幽光之語。

〔封禪〕（管子）古者封禪泰山，禪梁父者七十二家。

〔弇山〕（穆天子傳）天子觴西王母於瑤池，遂驅升乎弇山，乃紀迹於弇山之石而樹之槐，眉曰「西王母之山。」

〔麗牲〕（祭義）牲入廟門麗于碑。（說文注）古宗廟立碑繫牲，後人因於上紀功德。（孫何碑解）碑者，乃葬祭饗聘之際，所植一大木耳。而其字從石者，將取其堅且久，未聞勒銘其上也。今喪葬令其螭首龜趺，泊丈尺品秩之制，又易之以石者，後儒增耳。

〔碑記〕（後漢書注）方者謂之碑。圓者謂之碣。

【楊賜】（楊賜傳）賜字伯獻，歷官太尉，卒諡文烈。（蔡中郎集）有司空文烈侯楊公碑。

【陳郭】（蔡中郎集）有陳太邱碑，郭有消碑。

【孔融】（孔融傳）融字文舉，蚤蔡邕素善。邕卒後，有虎賁士貌類於邕，融每酒酣，引與之同坐曰：『雖無成人，尙有典型。』所著詩頌碑文，凡二十五篇。

【張陳兩文】孔子舉有衛尉張儉碑銘。陳文無考。融歿，曹子建之前，非陳思王也。

【孫綽】（孫綽傳）綽字興公，歷官著作郎，於時文士，綽爲其冠。溫王郗庾諸公之薨，必須綽爲碑文，然後刊石。（世說新語）孫興公作庾公誄多寄託之辭。旣成，示庾道恆，庾見慨然，送還之曰：『先君與君，自不至於此。』

【桓彝】（桓彝傳）彝字茂倫，歷官宣城內史。在郡，蘇峻反，爲其將韓晃所害。綽爲碑文。

哀弔第十三

賦憲之謚短折曰哀。哀者，依也。悲實依心，故曰哀也。以辭遣哀，蓋不淚之

悼故不在黃髮，必施天昏。昔三良殉秦，百夫莫贖。事均天橫，黃鳥賦哀。抑亦詩人之哀辭乎？暨漢武封禪而霍侯暴亡，帝傷而作詩，亦哀辭之類矣。及後漢汝陽王亡，崔瑗哀辭，始變前式。然履突鬼門，怪而不辭，駕龍神雲，仙而不哀。又卒章五言，頗似歌謠，亦彷彿乎漢武也。至於蘇慎張升，並述哀文，雖發其情華，而未極心實。建安哀辭，惟偉長善行女一篇，時有惻怛及潘兵繼作，實踵其美，觀其慮善辭變，情洞悲苦，敘事如傳，結言摹詩，促節四言，鮮有緩句，故能義直而文婉，體舊而趣新。金鹿澤蘭，莫之或繼也。原夫哀辭大體，情主于痛傷，而辭窮乎愛惜。幼未成德，故譽止於察惠；弱不勝務，故悼加乎膚色。隱心而結文，則率愜，觀文而屬心，則體奢。奢體爲辭，則雖麗不哀；必使情往會悲，文來引泣，乃其貴耳。

叩者，至也。詩云：神之弔矣。言神至也。君子令終定諡，事極理哀，故賓之慰。

主，以至到爲言也。壓溺乖道，所以不弔矣。又宋水鄭火，行人奉辭，國災民亡，故同弔也。及晉築虎臺，齊襲燕城，史趙蘇秦，翻賀爲弔；虐民搆敵，亦亡之道。凡斯之例，弔之所設也。或驕貴而殞身，或狷忿以乖道；或有志而無時，或美才而兼累；追而慰之，並名爲弔。自賈誼浮湘，發憤弔屈，體同而事覈，辭清而理哀，蓋首出之作也。及相加之弔二世，全爲賦體，桓譚以爲其言惻愴，讀者歎息。及平章要切，斷而能悲也。楊雄弔屈，思積功寡，意深文略，故辭韻沉隄。班彪蔡邕，並敏于致語，然影附賈氏，難爲並驅耳。胡阮之弔夷齊，襄而無聞；仲宣所制，譏呵實工。然則胡阮嘉其清，王子傷其隘，各其志也。禰衡之弔平子，綉麗而輕清；陸機之弔魏武，序巧而文繁。降斯以下，未有可稱者矣！

夫弔雖古義，而華辭未造。華過韻緩，則化而爲賦。固宜正義以繩理，昭德而塞違，割析褒貶，哀而有正，則無奪倫矣。

贊曰：辭定所表在彼弱弄，苗而不秀，自古斯慟。雖有通才，迷方告控，千載可傷，寓言以送。

〔短折〕（汲冢周書）蚤孤短折曰哀，恭仁短折曰哀。

〔天昏〕（左傳）札撻天昏。（注）天死曰札，小殺曰撻，短折曰天，未名曰昏。

〔三良〕（左傳）秦伯任好卒，以子車氏之三子爲殉，皆秦之良也。國人哀之，爲之

賦黃鳥（詩秦風黃鳥篇是也。）

〔穉子侯〕（霍病去病）薨，子嬪嗣。嬪字子侯，上愛之，幸其壯而將之爲奉車

都尉，從封泰山，薨。（漢武帝）嬪死，上甚悼之，乃自爲歌詩。

〔哀辭〕（文章流別論）哀辭者，誄之流也。

〔張升〕（後漢書）張升字彥真，著賦誄頌碑書。凡六十篇。

〔行女〕（曹子建集）行女哀辭。三年之中，二子頻喪。（文章流別論）建安中，文

帝與臨淄侯各失稚子，徐幹劉楨等爲哀詞。是偉長亦有行女篇也。

〔金鹿澤蘭〕（潘岳集）金鹿哀辭。金鹿，岳之幼子也。又爲任子咸妻作孤女澤蘭哀詞。澤蘭，子咸之女也。

〔厭溺〕（檣弓）死而不弔者，三：畏，厭，溺。

〔宋水〕（左傳）莊公十一年秋，宋大水。公使弔焉，曰：「天作淫雨，害於桑盛，若之何不弔？」

〔鄭火〕（左傳）昭公十八年，宋衛陳鄭皆火，陳、救，許不弔災。

〔麗臺〕（左傳）游吉相鄧伯以加晉，亦智麗祁也。史趙見子太叔曰：「甚哉其相蒙也！可弔也，而又賀之。」

〔翻賀爲弔〕（國策）燕易王初立，齊宣王因燕喪而攻之，取十城。蘇秦爲燕說齊王，再拜而賀，因仰而弔曰：「燕雖弱小，秦王之少婿也。大王利其十城而與強秦爲讐，是食鳥喙之類也。」齊王曰：「善。」歸燕之十城。

〔浮湘〕（賈誼傳）誼，長沙王傅，音不自得，及度湘水，爲賦以弔屈原。

〔弔二世〕（司馬相如傳）武帝過宜春宮，相如奏賦，以哀二世行失。（注）宜春

本秦之離宮。胡亥於此爲閹樂所殺，故感其處而哀之也。

〔弔屈〕（揚雄傳）雄作書往往摭離騷文而反之，自崐山投誚江流，以弔屈原，名曰

反離騷。

〔沉腿〕（左傳）沉溺直腿之疾。

〔蔡邕〕（蔡邕集）平屈，文卒壞覆而不振，顧抱石其何補？

〔胡阮〕（文選思舊賦）（注）胡廣弔夷齊文曰：援翰錄弔以舒懷兮。（魏志）阮瑀

胡元瑜。爲魏武管記室。弔伯夷文曰：余以王事，適彼洛師、瞻望首陽、敬弔伯夷

。求仁得仁，見歎仲尼。沒而不朽，身滅名飛。

〔禰衡〕（後漢書）禰衡字正平。弔平子文：『余今反國，命駕言歸。路由西鄂，追

弔平子。』平子張衡字也。衡楚西鄂人。

〔弔魏武〕（陸機弔魏武文）悼總之冥冥，怨西陵之茫茫。登雀臺而羣悲，貯美日

其何望？

〔弱弄〕（左傳）弱不好弄。

〔苗而不秀〕（揚子法言）育而不茁者，吾家之童烏乎？（世說新語）王戎子萬子，有大成之風，苗而不秀。

〔告控〕（左傳）翳焉傾覆，無所控告。

雜文第十四

智術之子，博雅之人，藻溢於辭，辭盈乎氣，苑囿文情，故日新殊致。宋玉含才，頗亦負俗，始造對問，以申其志，放懷寥廓，氣實使之。及枚乘檄，豔首製七發，腴辭雲構，夸靡風駭，蓋七發所發，發乎嗜欲，始邪末正，所以戒膏粱之子也。揚雄覃思文潤，業深綜述，碎文瓌語，肇爲連珠，其辭雖小而明潤矣。凡此三者，文章之枝派，暇豫之末造也。

自對問以後，東方朔效而廣之，名爲客難，託古慰志，疏而有辨，揚雄解嘲，難以諧謔，迴環自釋，頗亦爲工。班固賓戲，含懿采之華，崔駰達旨吐典言之裁。

張衡應問，密而兼雅；崔實客議，整而微質。蔡邕釋誨，體奧而文炳；景純客傲，情見而采蔚。雖迭相祖述，然屬篇之高者也。至於陳思客問，辭高而理疎；庾默客咨，意榮而文悴。斯類甚衆，無所取裁矣。原茲文之設，迺登憤以表志，身挫憑乎道勝，時屯寄於情泰。莫不淵岳其心，麟鳳其采。此立本之大要也。

自七發以下，作者繼踵，觀枚氏首唱，信獨拔而偉麗矣！及傅毅七激，會清要之工；崔駰七依，入博雅之巧；張衡七辨，結采綿靡；崔瑗七厲，植義純正；陳思七啟，取美於宏壯；仲宣七釋，致辨於事理；自桓麟七說以下，左思七諷以上，枝附影從，十有餘家，或文麗而義賤，或理粹而辭駁，觀其大抵所歸，莫不高談宮館，壯語畋獵，窮環奇之服，饌極燕媚之聲，色甘意搖，骨體豔詞，動魂識，雖始之以淫侈，而終之以居正，然諷一勸百，勢不自反。子雲所謂先騁鄭衛之聲，曲終而奏雅者也。唯七厲敘賢，歸以儒道，雖文非拔羣，而意實卓爾矣。

自連珠以下，擬者間出。杜篤、賈逵之曹，劉珍、潘勗之輩，欲穿明珠，多貫魚目，可謂壽陵匍匐，非復邯鄲之步。里醜捧心，不關西施之嘖矣。唯士衡運思，理新文敏，而裁章置句，廣於舊篇，豈慕朱仲四寸之璫乎？夫文小易周，思閑可瞻，足使義明而詞淨，事圓而音澤，磊磊自轉，可稱珠耳。

詳夫漢來雜文，名號多品，或典誥誓問，或覽略篇章，或曲操弄引，或吟諷謠詠，總括其所名，並歸雜文之區，甄別其取義，各入討論之域，類聚有貫，故不曲述。

贊曰：偉矣前修，學堅多飽，負文餘力，飛靡弄巧，枝辭攢映，疇若參朞。慕嘖之心，於焉祇攪。

〔負俗〕

（漢武帝紀）士或有負俗之累，而立功名。

〔對問〕

（文選）宋玉對楚王問，楚襄王問於宋玉曰：「先生其有遺行與，何士民衆庶」

不譽之甚也？」對曰：「唯然，有之。願大王寬其罪，使得具其辭。」

〔七發〕（文選注）七發者，說七事以啟發太子也。猶楚詞七諫之沉。枚乘事梁孝王，恐孝王反，故作七發以諫之。

〔連珠〕（傅元叙連珠曰）連珠者，興於漢章之世。班固賈逵傅毅三子，受詔作之。

其文體辭麗而言約。不指說事情，必假喻以達其旨，而覽者微悟，合於古詩勸興之義；欲使歷歷如貫珠，易觀而可悅，故謂之連珠也。（按）文章緣起：「連珠，揚

雄作。是連珠非始於班固也。嗣後潘勗擬連珠，魏王粲放連珠，晉陸機演連珠，

宋顏延之範連珠，齊王儉暢連珠，梁簡文帝儀探物作豔體連珠。（又陳懋仁文章緣起

注）（北史李先傳）魏帝召外讀韓子連珠二十二篇。韓子，韓非子。書中有聯語，

先列其目而後著其解，謂之連珠。據此，則連珠又兆韓非矣。

〔客難〕（東方朔傳）朔上書陳農戰疆國之計，辭數言，終不見用，朔因著論設客

難，已用位卑以自慰諭。

〔解嘲〕（揚雄傳）哀帝時，丁傅董賢用事，諸附離之者，或起家至二千石。時雄方

草太元，有以自守，泊如也。或嘲雄以元可白，而雄解之，號曰「解嘲」。

〔賓戲〕（班固漢書敘傳）固永平中爲郎，典校秘書，專篤志於博學，以著述爲業。或譏以無功，又感東方朔揚雄自論以不遭。蘇張范蔡之時，曾不折之以正道，明君子之所守，故聊復應焉。其辭曰「賓戲」

〔論旨〕（崔駰傳）駰常以典籍爲業，未遑仕進之事。或譏其太元靜，將以移名失實，因擬揚雄解嘲，作論旨以答焉。

〔應問〕（張衡傳）衡不慕當世所居之官，輒積年不徙，自去史職。五載復還。乃設客問作應問以見其志。

〔客譏〕客疑作答。（崔實傳）實因窮困，以醱釀販鬻爲業，時人多以此譏之。建寧中，病卒，所著碑論箴銘答七言詞文表記書，凡十五篇。

〔釋誨〕（蔡邕傳）邕閒居翫古，不交當世。感東方朔客難，及揚雄班固崔駰之徒設疑以自通，乃斟酌羣言，陸其是而矯其非，作釋誨以戒厲云爾。

〔客傲〕（郭璞傳）璞字景純，好卜筮，縉紳多笑之。又自以才高位卑，乃著客傲。

〔庚賦〕（晉書）庚賦，字子嵩。

〔首唱〕（傅元七謨序）昔枚乘七發，而斯文之士，作者紛焉。通儒大才，馬季長張平子，亦引其源而廣之。馬作七厲，張造七辨。

〔七激〕（後漢文苑傳）傅毅以顯宗求賢不篤，士多隱處，作七激以爲諷。

〔七依七辨〕法詳下。

〔崔瑗七厲〕崔瑗傳有七蘇，無七厲。

〔七啟七釋〕曹子建七啟序：「昔枚乘作七發，傅毅作七激，張衡作七辨，崔駰作七依，辭各美麗，余有慕之焉，遂作七啟；并命王粲作馬。」粲字仲宣，作者曰七釋。

〔七說〕（摯虞文章志）桓文任者十八篇，有七說一篇。

〔曲終奏雅〕（漢書）揚雄以爲靡麗之賦，勸百風一，猶騁鄭衛之音，曲終奏雅，不

口說乎！

〔杜篤〕（後漢文苑傳）杜篤所著賦誄弔書讚七言女誡，及雜文，凡十八篇。

〔賈逵〕（賈逵傳）逵作詩頌誄書連珠酒令，凡九篇。

〔劉珍〕（後漢文苑傳）劉珍著誄頌珠，凡七篇。

〔魚目〕（參同）魚豈爲珠？蓬蒿不成櫛。

〔陵〕（莊子秋水篇）子獨不聞夫壽陵餘子之學行於邯鄲與？未得國能，又失其故，行矣，直匍匐而歸矣！

〔里醜〕（莊子天運篇）西施病心而曠其里。其里之醜人見而美之，歸亦捧心而曠其里。

〔四寸璫〕（列仙傳）朱仲者，會稽市販珠人。魯元公主以七白金從仲求珠，仲乃獻四寸珠而去。一風俗通）耳珠曰璫。

〔典〕（爾雅）典，經也。（後漢文苑傳）李尤著詩賦銘誄頌七歎哀典凡二十八篇。

〔誥〕（爾雅）誥，誓謹也。注。皆所以約勤謹戒衆。（文章緣起）誥。漢司隸從事馮衍作。

〔誓〕（文章起）誓，漢蔡邕作艱誓。

〔問〕對問。

〔覽〕（呂不韋傳）不韋使其客人著所聞集論以爲八覽，六論，十二紀，二十餘萬言，號曰呂氏春秋。

〔略〕（漢藝文志）劉歆總羣書而奏七略。

〔篇〕（漢藝文志）凡將一篇，司馬相如作。急就一篇，黃門令史游作。元尙一篇，將作大匠李長作。

〔章〕（藝文志）蒼頡七章者，秦丞相李斯所作也。爰歷六章者，車府令趙高所作也。博學七章者，太史令胡毋敬所作也。

〔典〕鼓吹典：一曰短簫鏡歌。蔡邕禮樂志：短簫鏡歌，軍樂也，黃帝岐伯所作，以建威揚德，風敵勸士也。晉書樂志：武帝令傅玄製鼓吹曲二十二篇，以代魏曲。

〔操〕（風俗）閉塞憂愁而作，命其曲曰操。操者，言遇災遭害困厄窮迫，雖怨恨失意，猶守禮義，不懼不懾，樂道而不失其操者也。

〔弄〕（琴書）蔡邕正好琴，道入溪，訪鬼谷先生所居山，有五曲，一曲製一弄。

〔引〕（古今注）竊篋引，朝鮮津卒霍里子高妻麗玉所作也。

〔吟〕（古今樂錄）張永元嘉抄錄有吟歎四曲，一曰大雅吟。

〔諷〕七諷。

〔謠〕（爾雅）歌謂之謠。（程天子傳）有白雲謠，黃澤謠。

〔詠〕（辨樂論）神農教民食穀，有豐年之詠，夏候湛作離和詠。

諧隱第十五

芮良夫之詩云：自有肺腸，俾民卒狂。夫心險如山，口壅若川，怨怒之情不
一，歡謔之言無方。昔元棄甲，城者發睥目之謳；臧紇，喪師國人造侏儒之歌。
並嗤戲形貌，內怨爲俳也。又蠶蟹鄙諺，狸首淫哇，苟可箴戒，載于禮典。故知諧
辭譏言，亦無棄矣。諧之言皆也，辭淺會俗，皆悅笑也。昔齊威酣樂而淳于說甘
酒，楚襄讌集而宋玉賦好。意在微諷，有足觀者。及優旃之諷漆城，優孟之諫
葬馬，並譎辭飾說，抑止昏暴。是以子長編史，列傳滑稽，以其辭雖傾回，意歸義

正也。但本體不雅，其流易弊。於是東方枚臯，舖糟啜醢，無所匡正，而詆嫚嫖弄，故其自稱爲賦，迺亦俳也。見視如倡，亦有悔矣。至魏文因俳說以著笑書，薛綜憑曼會而發嘲調，雖拊推席，而無益時用矣。然而懿文之士，未免枉轡潘岳醜婦之屬，束皙賣餅之類，尤而效之。善以百數。魏晉滑稽，盛相驅扇，遂乃應瑒之鼻，方於盜削卵張華之形，比乎握春杵，曾是莠言，有虧德音，豈非溺者之妄笑，胥靡之狂歌歟？

讒者，隱也。源辭以隱意，譎譬以指事也。昔還社求拯於楚師，喻賀井而稱麥麴；叔儀乞糧于魯人，歌佩玉而呼庚癸；伍舉刺荆王以大鳥齊，客譏薛公以海魚莊姬，託辭于龍尾，臧文謬書於羊裘，隱語之用，被于紀傳。大者興治濟身，其次弼違曉惑，蓋意生于權譎，而事出于機急，與夫諧辭可相表裏者也。漢世隱書十有八篇，歆固編文，錄之歌末。昔楚莊齊威性好隱語，至東方曼倩，尤巧

辭述。但謬辭詆戲無益規補。自魏代已來，頗非俳優，而君子嘲隱，化爲謎語。謎也者，廻互其辭，使昏迷也。或體目文字，或圖像品物，織巧以弄思，淺察以銜辭。義欲婉而正，辭欲隱而顯。荀卿蠶賦，已兆其體。至魏文陳思，約密而之高貴，鄉公博舉品物，雖有小巧，用乖遠。大夫觀古之爲隱，理周要務，豈爲幼稚之戲謔。博髀而抹笑哉？然文辭之有諧讖，譬九流之有小說，善裨官所采，以廣視聽。若效而不已，則髡朔之入室，旃孟之石交乎？

贊曰：古之嘲隱，振危釋憊。雖有絲麻，無棄管蒯。會義適時，頗益諷誠。空戲滑稽，德音大壞。

〔芮良夫〕（詩桑柔傳）芮伯刺厲王之詩。左傳：周芮良夫之詩。

〔心險〕（莊子）孔子曰：凡人心險於山川。

〔口壅〕（詞語）召公曰：『防民之口，甚於防川。川壅而潰，傷人必多；民亦如

之。』

〔華元〕（左傳）宋華元獲於鄭，宋以兵車文馬贖之宋城。華元爲植城者諷曰：「睥其目，饜其腹，棄甲而復！于思于思，棄甲復來。」

〔臧紇〕（左傳）臧紇救鄆侵邾，敗於狐駘，國人誦之曰：「臧之狐裘，敗我於狐駘。我君小子，朱儒是使。朱儒朱儒，使我敗於邾！」

〔蠶蟹〕（檀弓）成人有子，死而不爲衰者，問子臯將爲成宰，遂爲衰。成人曰：「蠶則積而蟹有匡，范心冠而蟬有綏，兄則死而子臯爲之衰！」

〔狸首〕（檀弓）原壤之母死，孔子助子沐槨，原壤發木歌曰：「狸首之斑然，執女手之卷然！」

〔說甘酒〕（滑稽列傳）齊威王好爲長夜之飲，置酒後宮，召淳于髡賜之酒，問曰：「先生能飲幾何而醉？」對曰：「臣飲一斗亦醉，一石亦醉，故曰酒極則亂，樂極則悲，萬事盡然。言不可極。極之而哀，以諷諫焉。」王曰：「善。」乃罷長夜之飲。

〔賦好色〕（文選）大夫登徒子侍于楚襄王，短宋玉，玉著登徒子好色賦。王稱善。

〔諷漆城〕（滑稽列傳）秦二世欲漆其城，優旃曰：「善！漆城蕩蕩，寇來不能上，即欲射之，易爲漆耳！顧難爲陰室！」於是二世笑之，以其故止。

〔諫葬馬〕（滑稽列傳）楚莊王有所愛馬死，欲以棺槨大夫禮葬之，優孟曰：「以楚國堂堂之大，何求不得，而以大夫禮葬之？薄！請以人君禮葬之。諸侯聞之，皆知大王賤人而貴馬也！」於是王乃使以馬屬太官，無令天下久聞也。

〔滑稽〕（史記滑稽列傳注）崔浩云：滑，音骨，稽，音酒器也。轉注：吐酒終日不已。言出口成章，辭不窮竭。若滑稽之吐酒。故揚雄酒賦云：「鴟夷滑稽，腹大如壺，盡日盛酒，人復藉沽」是也。又姚察云：滑稽，猶俳諧也。滑讀如字。稽，音計也。言諧語滑利，其計智疾出，故云滑稽。

〔東方枚臯〕（枚臯傳）自言爲賦不如相如。又言爲賦遇俳，見視如倡。自侮類俳也。故其賦有詆諆不方朔，又自詆諆其文。

〔鋪糟啜醢〕（林辭）衆人皆醉，何不鋪其糟而飲醢？

〔薛綜〕（薛綜傳）綜字敬文，仕吳。守謁者射，蜀使張奉來聘綜，嘲之曰：「有

犬爲獨，無犬爲獨。橫皇勾身，蟲入其腹。」

〔束哲〕（束哲傳）束嘗爲勸農及麪諸賦，文頗鄙俗，時人薄之。

〔溺者〕（左傳）吳王曰：「溺人必笑，吾將有問也。」

〔胥靡〕（書傳）胥靡，刑人護道，說賢而隱代，胥靡築之以供食。（疏）胥相也，靡隨也。古者相隨坐輕刑之名。（又漢書注）師古曰：聯繫使相隨而服役之，故謂之胥靡，稱今之役囚徒以鎖聯綴耳。

〔曾井麥麩〕（左傳）楚子園蕭，無社，與司馬卯言，號申叔展。叔展曰：「有麥藏乎？」曰：「必有。」「山鞠窮乎？」曰：「無。河魚腹疾奈何？」曰：「目於曾井而拯之，」

〔佩玉庚癸〕（左傳）哀公十三年夏，公會單平公，晉定公，吳夫差于黃池。吳申叔儀乞糴於公孫有山氏，曰：「佩玉藥兮，全無所繫之，旨酒一盛兮，余與褐之父睨之。」對曰：「梁則矣，纊則有之。若登首山以呼曰庚癸乎，則諾！」杜注，庚，西方、主穀。癸，北方、主水。

〔大鳥〕（楚世家）莊王即位，三年不出號令。伍舉曰：「願有進。」隱曰：「有鳥在於阜，三年不蜚不鳴，是何鳥也？」莊子曰：「三年不蜚，蜚將冲天；三年不鳴，鳴將驚人。舉退矣！吾知之矣！」

〔海魚〕（戰國策）靖郭君將城薛，曰：「毋爲客通！」齊人有請者，曰：「臣請三言而已矣。」因見之。客趨而進曰：「海大魚。」君曰：「客有於此？」客曰：「君不用大魚乎？網不能止，鉤不能牽，薄面失水，則螻蟻得意焉。今夫齊，亦君之水也。君長齊，奚以薛爲？夫齊雖隆薛之城到於天，猶之無益也。」君曰：「善。」乃輟城薛。

〔龍尾〕（列女傳）楚莊姬上隱語於王曰：「大魚失水，有龍無尾；牆欲內崩，而王不視。」王問之，對曰：「魚失水，離國五百里也。龍無尾，年三十無太子也。牆崩不視，禍將成而王不改也。」

〔羊裘〕（列女傳）臧文仲使於齊，齊拘之。文仲微使人遺公書，謬其辭曰：「斂小器，投諸台食，獵犬組羊裘琴之合甚思之。」母見書而泣曰：「吾子拘而有木治

矣！」

〔漢世隱書〕（漢藝文志）隱書十八篇。師古曰：「劉向別錄云：隱書者，疑其言以相問對者，以慮思之，可以無不諭。」

〔性好隱語〕（滑稽列傳）齊威王之時喜隱。素隱曰：「喜隱，謂好隱語。」

〔曼儻〕（東方朔傳）舍人恚曰：「朔擅詆欺天子官，常棄市。」上問朔何故詆之，對曰：「臣非敢詆之，乃與爲隱耳。」舍人不服，因曰：「臣願復問朔隱語。朔應聲輒對，變詐鋒出，莫能窮者。」

〔謎〕（古詩）鮑照有井字謎。

〔蠶賦〕（賦苑）荀卿蠶賦，通篇皆形似之言，至末語，始云「夫是之謂蠶理。」

〔高世鄉公〕（晉陽秋）高世卿公，神明爽儻，德音宣朗。景王曰：「上何如主也？」

鍾會對曰：「才同陳思，武類太祖。」景王曰：「若如卿言，社稷之福也。」

〔九流〕（漢藝文志）有儒家者流，道家者流，陰陽家者流，法家者流，名家者流，墨家者流，縱橫家者流，雜家者流，農家者流，小說家者流，諸子十家，其可觀

九家而已。

【稗官】（藝文志）小說家書流，蓋出於稗官，街談巷語，消聽塗說之所造也。如

淳曰：「王者欲知閭風俗，故主稗官，使稱說之。」師古曰：稗官，小官。漢名

臣奏：唐林省置史公卿大夫至都官稗官，各減什三是也。

【不交】（中記）乘仇讎而得石交。

史傳第十六

開闢草昧，歲紀緜邈，居今識古，其載籍乎軒轅之世，史有倉頡，主文之職，其來久矣。曲禮曰：史記筆，左右史者，使之也。執筆左右，使之記也。古者左史記事者，右史記言者，言經則尚書，事經則春秋。唐虞流于典謨，商夏被于誥誓。自周命維新，姬公定法，紬三正以班歷，貫四時以聯事，諸侯建邦，各有國史，彰善癉惡，樹之風聲。自平王微弱，政不及雅，憲章散紊，彝倫攸斁，昔者夫子閔王道之缺，傷斯文之墜，靜居以歎鳳，臨衢而泣麟，於是就太師以正雅頌，因魯史以修

春秋舉得失以表黜陟，徵存亡以標勸戒。褒見一字，貴踰軒冕；貶在片言，誅深斧鉞。然睿旨幽隱，經文婉約。邱明同時，實得微言。乃原始要終，創爲傳體。傳者，轉也。轉受經旨，以授於後，實聖文之羽翮。記籍之冠冕也。

及至從橫之世，史職猶存。秦并七王，而戰國有策，蓋錄而弗敘，故卽簡而爲名也。漢滅嬴項，武功積年。陸賈稽古，作楚漢春秋。爰及太史談，世惟執簡。子長繼志，甄序帝勳。比堯稱典，則位雜中賢。法孔題經，則文非元聖。故取式呂覽，通號曰紀。紀綱之號，亦宏稱也。故本紀以述皇王，列傳以總侯伯。八書以鋪政體，十表以譜年爵。雖殊古式，而得事序焉。爾其實錄無隱之旨，博雅宏辯之才，愛奇反經之尤，條例躋落之失。叔皮論之詳矣。

及班固述漢，因循前業，觀司馬遷之辭思，實過半。其十志該富，讚序弘麗，儒雅彬彬，信有遺味。至於宗經知聖之典，端緒豐贍之功，遺親攘美之罪，徵賄

鬻筆之愆，公理辨之究矣。觀夫左氏綴事，附經間出，於文爲約，而氏族難明。及史遷各傳，人始區詳而易覽，述者宗焉。及孝惠委機，呂后攝政，班史立紀，違經失實。何則？庖犧以來，未聞女帝者也。漢運所值，難爲後法。牝雞無晨，武王首誓，婦無與國。齊桓著盟，宣后亂秦。呂氏危漢，豈唯政事難假，亦名號宜慎矣。張衡司史，而感同遷固。元帝主后，欲爲立紀，謬亦甚矣。尊子弘雖僞，要當孝惠之嗣。孺子誠微，實繼平帝之體。二子可紀，何有於二后哉？至於後漢紀傳，發源東觀。袁滂所製，偏駁不倫。薛譙之作，疎謬少信。若司馬彪之詳實，華嶠之華當，則其冠也。及魏代三雄，記傳互出，陽秋魏略之屬，江表吳錄之類，或激抗難徵，或疎闊寡要。唯陳壽三志，文質辨洽，荀張比之於遷固，非妄譽也。至於晉代之書，繁乎著作。陸機肇始而未備，王韶續末而不終。干寶述紀，以審正得序。孫盛陽秋，以約舉爲能。按春秋經傳舉例，發凡自史。漢以下莫有準，至鄧璨晉紀始立。

條例，又擺落漢魏憲章殷周；雖湘川曲學，亦有心典謨及安國立例，乃鄧氏之規焉。

原夫載籍之作也，必貫乎百代，被之千載，表徵盛衰，殷鑒興廢，使一代之制，共日月而長存；王霸之跡，並天地而久大。是以在漢之初，史職爲盛，郡國文計，先集太史之府，欲其詳於悉體國，必閱石室，啟金匱，抽裂帛，檢殘竹，欲其博練於稽古也。是立義選言，宜依經以樹則，勸戒與奪，必附聖以居宗。然後銓評昭整，苛濫不作矣。然紀傳爲式，編年綴事，文非泛論，按實而書，歲遠則同，異難密，事積則起，訖易疎，斯固總會之爲難也。或有同歸一事，而數人分功，兩記則失於複重，偏舉則病於不周。此又銓配之未易也。故張衡摘史班之外濫，傅玄譏後漢之尤煩，皆此類也。若夫追述遠代，代遠多僞，公羊高云：傳聞異辭，荀况稱錄遠略，近蓋又疑，則闕貴信史也。然俗皆愛奇，莫顧實理，傳聞而欲偉其事，

錄遠而欲詳其跡，於是棄同卽異，穿鑿傍說，舊史所無，我書則傳，此訛濫之本源而述遠之巨蠹也。至於記編同時，時同多詭，雖定哀微辭，而世情利害勳榮之家，雖庸夫而盡飾，述敗之士，雖令德而常嗤吹霜煦露，寒暑筆端，此又同時之枉，可爲歎息者也。故述遠則誣矯如彼，記近則回邪如此，析理居正，唯素臣乎？若乃尊賢隱諱，固尼父之聖旨，善纖瑕不能玷瑾瑜也。奸慝懲戒，實良史之直筆，農夫見莠，其必鋤也。若斯之科，亦萬代一準焉。至於尋繁領雜之術，務信棄奇之要，明白頭訖之序，品酌事例之條，曉其大綱，則衆理可貫，然史之爲任，乃彌綸一代，負海內之責，而羸是非之尤，秉筆荷擔，莫此之勞，遷固通矣。而歷詆後世，若任情失正文，其殆哉？

贊曰：史肇軒黃，體備周孔，世歷斯糾，善惡偕總，騰褒裁貶，萬古魂動，辭宗邱明，曰歸南董。

〔倉頡〕（叙世本）（注）黃帝之世，始立史官。倉頡沮誦，居其職矣。

〔左右史〕（注）藻、動、左史書之，言、右史書之。

〔言經則尚書〕王肅曰：上所言下，爲史書，故曰尚書。

〔事經則春秋〕（注）侯年表）孔子西觀周室，論史，記舊聞，興於魯，而次春秋以制義，法王道備人事浹。左邱明因孔子史記，具論其語，成左丘春秋，虞卿上采春秋，下觀近世，爲虞氏春秋，呂不韋集六國時事，爲呂氏春秋。

〔三正〕（書甘誓）怠棄三正。（注）三正，子丑寅之正也。

〔四時〕（杜預春秋序）記事者以年繫日，以日繫月，以月繫時，以時繫年。史之所記，必表年以首事。年有四時，故錯舉以爲所記之名。

〔泣麟〕（孔叢子）叔孫氏之車子曰鉏商，樵於野而獲獸焉，衆莫之識，以爲不祥；棄之五父之衢。孔子行觀，泣曰：『麟也。麟出而死，吾道窮矣！』

〔創爲傳體〕（春秋序）邱明受經，仲尼，以爲經者，不刊之書也，故傳或先經以始事，或後經以終義，或依經以辯理。或鉅經以合異，隨義而發其例之所重。

〔戰國有策〕（戰國策劉向序）國策或曰國事，或曰短長，或曰事語，或曰長書，或曰修書。臣向以爲戰國時游士輔所用之國爲之策謀，宜爲戰國策，其事繼春秋以後，訖林漢之起，二百四十五年間之事，皆定以殺青，書可繕寫，得三十三篇。

〔楚漢春秋〕（史記索隱）陸賈撰，記項氏與漢高祖初起之事，名楚漢春秋。

〔世惟執簡〕（太史公自序）司馬喜生談，談爲太史公，仕於建元元封之間。有子曰遷。太史公發憤，且卒，執遷手而泣曰：『余元，周室之太史也。自上世嘗顯功名，虞夏典天官事，後世中衰，絕於予乎！汝復爲太史，則續吾祖矣！』談卒，三歲，而遷太史令。

〔子長繼志〕（司馬遷傳）太史公仍父子相繼襲其職，曰：『余維先人，罔羅天下，放失舊聞，王迹所興，原始察終，日盛觀衰，論考之行，事略三代，錄秦漢，上紀軒轅，下至於茲，著十二本紀，既科條之矣，並時異世，年差不明，作十表禮樂，損益律歷，改易兵權山川鬼神天人之際，承敝通變，作八書二十八宿，環北辰三十輻，共一轂，運行無窮，輔弼股肱之臣配焉，忠信行道，以奉主上，作三十世家。扶義倣』

儻，不令其失時立功名於天下，作七十列傳。凡百三十篇。爲太史公書。遷字子長。

〔呂覽〕 注見雜文篇。

〔寶錄無隱〕 (司遷傳贊) 劉向揚雄皆稱遷有良史之材，服其善序事理。其文直，其事覈，不虛美，不隱惡；故曰之寶錄。

〔愛奇〕 (楊子法言) 多愛不忍，子長也。仲尼多愛，愛義也，子長多愛，愛奇也。
(史記敘傳) 但美其長，不愛其短，故曰愛奇。

〔條例〕 (檀超傳) 超與江淹掌史職，上表，立條例。

〔叔皮論之〕 (班彪傳) 字叔皮。斟酌前史，而譏正得失；其略論曰：「遷之所紀，探經摭傳，分散百家之事，甚多疎略。論學術，則崇黃老，而簿五經，序貨殖，則輕仁義，而羞貧窮；道游俠，則賤守節，而貴俗功；此其大敝傷道也。又曰：「一人之精，文重思煩，故其言刊落不盡，尙有盈辭，多不齊一。」

〔述漢〕 (漢書敘傳) 罔探纂前記，綴斬所聞，以述漢書。起於高祖，終於孝平王莽之誅，十有二世，一百三十年，綜其行事，爲春秋考紀表志傳，凡百篇。

〔十志〕 律歷，禮樂，刑法，食貨，郊祀，天文，正行，地理，溝洫，藝文。

〔遺親攘美〕 史記必稱曰談太史公，漢書多踵彪所作後傳而曾不及之。

〔徵賄鬻筆〕 〔陳壽傳〕 丁儀丁廙有盛名於魏。壽謂其子曰：「可覓千斛米見與，當

爲公作佳傳。」丁不與之，竟不爲立傳。

〔公理〕 〔後漢書〕 仲長統字公理，著論曰昌言。略曰：「數子之言，當世得失皆究

矣。然多謬通方之訓，好申一隅之說。」

〔委機攝政〕 〔漢外戚傳〕 惠帝以戚夫人事，因病，歲餘不能起，日飲，爲淫樂，不

聽政，七年而崩。迺立孝惠孫宮子爲帝，太后臨朝稱制。

〔立紀〕 漢書高后紀第三。

〔牝雞〕 見書牧誓。

〔婦無與國〕 〔梁傳〕 葵邱之盟曰：「毋使婦與國事。」

〔亂秦〕 〔匈奴列傳〕 秦昭王時義渠戎王，與宣太后亂，有二子。

〔危漢〕 〔高后紀〕 太后以惠帝無子，取後宮美人子名之，以爲太子。惠帝崩，太子

立爲皇帝，年幼，太后臨朝稱制，迺立兒子呂台產祿台子通，四人爲王，封諸呂。六人爲列侯。四年夏，少帝白知非皇后子，出怨言，皇太后幽之永巷，立恆山王弘爲皇帝。太后崩。祿產謀作亂，悉捕諸呂，皆斬之。大臣相與陰謀，以爲少帝及三弟爲王者，皆非孝惠子，復共誅之，尊立文帝。

〔元后〕（張衡傳）衡以爲王莽本傳也應載篡事而已。至於編年月紀災祥，宜爲元后本紀。

〔子宏〕（呂氏本紀）惠帝二年，常山王不疑薨，以其弟襄成侯山爲常山王，更名義。孝惠崩，太子立爲帝，太后以帝病久不已，不龍繼。嗣帝廢位，立常王義爲帝，更名曰弘。

〔孺子〕（王莽傳）平帝崩時，元帝世絕，而宣帝曾孫有見王五人。莽惡其長大，曰：「元帝不得相爲。」後迺選元孫中最幼庶戚侯子嬰。年二歲，託以爲卜相最吉，立之。

〔東觀〕（東觀漢記）一百四十三卷，起光武至靈帝，劉珍等撰。

〔袁張〕後漢書一百一卷，袁山松撰，後漢南記，五十八卷，張整撰。

〔薛謝〕後漢記一百卷，薛整撰，後漢書一百三十卷，無書紀，謝承撰。

〔司馬彪〕（司馬彪傳）彪討論經書，綴其所聞，起於世祖，終於孝獻，編年一百，錄世十二通，綜上下貫庶事爲紀志傳，凡八十篇，號曰續漢書。

〔華嶠〕（華嶠傳）傳以漢紀煩瑣；慨然有改作之意。起於光武，終於孝獻，爲帝紀十二卷，皇后紀二卷，十典十卷，傳七十卷，及三譜序傳目錄；凡九十七卷。嶠以皇后配天作合，前史作外戚傳以繼末編，非其義也，故易爲皇后紀，以次帝紀。又改志爲典，以有堯典故也，而改名漢。後書奏之，詔朝臣會議。時中書監荀勗令和嶠；太常張華，侍中王濟咸以嶠文質事覈，有遷回之規，實錄之風，藏之祕府。

〔三雄〕（潘岳詩）三雄鼎作。（注）三雄，即三國之主。

〔陽秋〕魏陽秋異同八卷，孫壽著。

〔魏略〕魏略，十卷，魚豨著。

〔江表〕（虞溥傳）溥撰江表。溥卒後，子勃上於元帝，詔藏於祕書。

〔吳錄〕 吳錄三十卷，張勃撰。

〔三志〕 (陳壽傳)壽撰魏吳蜀三國志，張華深善之，謂壽曰：當以晉書相付耳。

〔著作〕 (晉書)元康二年，詔著作舊屬中書令秘書。既典文籍，宜改爲秘書著作，於是改隸秘書著作郎一人，謂之大著作，專掌史任。

〔肇始〕 晉紀四卷，陸機撰。

〔續末〕 (王韶之傳)韶之私撰晉安帝陽秋及成時，人謂宜居史職。即除著作佐郎，使續後事。

〔干寶〕 (干寶傳)寶字令升，王坦之薦之元帝，領國史。著晉紀。自言帝訖於愍帝，凡二十卷。其書簡略，直而能婉，咸稱良史。

〔孫盛〕 (孫盛傳)盛字安國，累遷秘書監。著晉陽秋，詞直而理正，咸稱良史。

〔舉例發凡〕 (春秋序)發凡以言例。(注)如隱公七年，凡諸侯同盟，于是稱名之類，有五十條，皆以「凡」字發明類例。

〔鄧粲〕 (鄧粲傳)荊州刺史桓冲，請爲別駕，粲以父爲有忠信言而世無知者，乃著

元明紀十篇

〔湘川〕 鄒粲，長沙人。

〔先集太史〕 （漢信注）太史公武帝置天下、計書先上太史，副上丞相。

〔石室金匱〕 （太史公自序）遷爲太史令，紬史，記石室金匱之書。

〔詮評〕 謝承曰：詮，陳壽曰：評。

〔張衡〕 （張衡傳）衡條上司馬遷班固所叙，與典籍不合者，十餘事。

〔傅元〕 （傅元傳）元雖顯貴，而著述不廢。撰論經國九流及三史故事，評斷得失，

各爲區例，名爲傅子。

〔公羊高〕 （漢藝文志）公羊傳十一卷。（注）公羊子，齊人。師古曰：「名高。」

傳曰：「所見異辭，所聞異辭，所傳聞又辭異。」

〔定哀微辭〕 （史記）孔子著春秋，隱桓之間則章，至定哀之際則微，謂其切當世之

文，可罔褒忌諱之辭也。

〔素臣〕 （春秋序）說者以仲尼自衛反魯修春秋，立素王邱明爲素臣。

〔南董〕 齊南史氏·晉董狐。

諸子第十七

諸子者，入道見志之書，太上立德，其次立言。百姓之羣居，苦紛雜而莫顯；君子之處世，疾名德之不章，唯英才特達，則炳曜垂文，其姓氏懸諸日月焉。昔風后力牧伊尹，咸其流也。篇述者，蓋上古遺語，而戰伐所記者也。至鬻熊知道，而文主諮詢，餘文遺事，錄爲鬻子。子自肇始，莫先於茲。及伯陽識禮，而仲尼訪問，爰序道德，以冠百氏。然則鬻惟文友，李實孔師，聖賢並世，而經子異流矣。逮及七國力政，俊七蠶起，孟軻膺儒以罄折，莊周述道以鞞翔，墨翟執儉確之教，尹文課名實之符，野老治國於地利，騶子養政於天文，申商刀鋸以制理，鬼谷脣吻以策勳，尸佼兼總於難術，青史曲綴以街談，承流而枝附者，不可勝算。並飛辯以馳術，鑿祿而餘榮矣。暨於暴秦烈火，勢炎岷岡，而煙燎之毒，不及諸子。

逮漢成留思，子政讎校，於是七略芬菲，九流鱗萃，殺青所編，百有八十餘家矣。迄至魏晉，作者間出，闢言兼存，瑣語必錄，類聚而求，亦充箱照軫矣。然繁辭雖積，而本體易總，述道言治，枝條五經，其純粹者入矩，躋駢者出規。禮記月令，取乎呂氏之紀，三年間喪，寫乎荀子之書，此純粹之類也。若乃湯之間棘，云蚊睫有雷霆之聲，惠施對梁王，云蝸角有伏尸之戰，列子有移山跨海之談，淮南有傾天折地之說，此躋駢之類也。是以世疾諸混，同虛誕，按歸藏之經，大明迂恠，乃稱羿弊十日，嫦娥奔月，殷湯如茲，况諸子乎？至如商韓六蠱五蠹，棄孝廢仁，輟藥之禍，非虛至也。公孫之白馬孤犢，辭巧理拙，魏牟比之鴉鳥，非妄貶也。昔東平求諸子史記，而漢朝不與，蓋以史記多兵謀，諸子而雜詭術也。然洽聞之士，宜撮綱要，覽華而食實，棄邪而採正，極師參差，亦學家之壯觀也。研夫孟荀所述，理懿而辭雅，管晏屬篇，事覈而言諫，列御寇之書，氣偉而采奇，鄒子之說

心奢而辭壯，墨翟隨巢，意顯而語質，尸佼尉繚，術通而文鈍，騶冠絲絲，亟發深言，鬼谷眇眇，每環奧義，情辨以澤，文乎擅其能，辭約而精，尹文得其要，慎到析密理之巧，韓非著博喻之富，呂氏鑒遠而體周，淮南汎採而文麗，斯則得百氏之華采，而辭氣文之大略也。若夫陸賈典語，賈誼新書，揚雄法言，劉向說苑，王符潛夫，崔實政論，仲長昌言，杜夷幽求，咸敍經典，或明政術，雖標論名，歸乎諸子。何者？博明萬事爲子，適辨一理爲論，彼皆蔓延雜說，故入諸子之流。夫自六國以前，去聖未遠，故能越世高談，自開戶牖。兩漢以後，體勢漫弱，雖明乎坦途，而類多依採。此遠近之漸變也。嗟夫！身與時舛，志共道申，標心於萬古之上，而送懷於千載之下，金石靡矣！聲其銷乎？

贊曰：大夫處世，懷寶挺秀，辨雕萬物，智周宇宙。立德何隱？含說必授。條流殊述，若有區囿。

〔風后〕

（萍藝文志）風后，十三篇。（注）圖二卷，黃帝臣依託也。

〔力牧〕

（藝文志）力牧，二十二篇。（注）六國時所作，託之力牧。力牧，黃帝

相。

〔伊尹〕

（藝文志）伊尹五十一篇。（注）湯相。（又）伊尹說二十七篇。（注）其

語淺薄，似依託也。

〔鬻熊〕

（子略）鬻熊年九十，見文王，王曰：『老矣！』鬻熊曰：『使臣捕獸逐麋

，已老矣；使臣坐策國事，尙少也。』文王師焉。著書二十二篇，名曰鬻。

〔伯陽〕

（史記）老子者，姓李氏，名耳。字伯陽。孔子適周，問禮於老子，謂弟子

曰：『老子其猶龍耶！』老子居周久之。見周之衰，遂去。至關，關令尹喜曰：『

子將隱矣！彊爲我著書。』迺著書上下篇，言道德之意五千餘言而去。

〔孟軻〕

（史記）孟軻，鄒人也，愛業子思之門人，述唐虞三代之德，是以所如者不

合，退而與萬章之徒，序詩書，述仲尼之意，作孟子七篇。

〔莊周〕

（史記）莊子名周，其學本歸於老子之言，故著書十餘萬言，大抵率寓言也。

。楚威王厚幣迎之，許以爲相，周笑曰：『無污我！我當遊戲污濁之中自快，無爲有國者所羈。』

〔墨翟〕（史記）墨翟，宋之大夫，善守禦，爲節用。（藝文志），墨子七十一篇。

〔儉確〕（太史公自序）墨者亦尚堯舜道，言其德行曰：堂高二尺，土階三等，茅茨不剪，采椽不刮，食土簋，啜土刑，糲梁之食，藜藿之羹；夏日葛衣，冬日鹿裘。其送死：桐棺三寸，舉音不盡。其哀教喪禮必以此。萬民爲之率，使天下法若此。

〔尹文〕（劉向別錄）尹文子學本莊老，其書自道以至名，自名以至法，以名爲根，以法爲柄，凡二卷，僅五千言。（藝文志）尹文子一篇。（注）說齊宣王先公孫龍。師古曰：劉向云：「與宋鉞具遊稷下。」

〔野老〕（藝文志）野老十七篇。（注）應劭曰：年老居田野相民之耕種，故曰野老。

〔騶子〕（史記）齊有三騶子，騶衍深觀陰陽消息，而作怪迂之變，終始大聖之篇，

十餘出言。藝文志：騶十四十九篇，（注）名衍，齊人，爲燕昭王師，居稷下，號談天衍。

〔申〕（史記）申不害相韓昭侯，學本黃老，而主刑名；著書二篇，號曰申子。

〔商〕（商君傳）衛鞅既破魏遠，秦封之於商十五邑，號爲商君。（藝文志）商君二十九篇。

〔鬼谷〕（蘇秦傳）東事師於齊，而習之鬼谷先生。（注）扶風池陽，潁川陽城，並有鬼谷墟，蓋是其所居，因爲號，又曰鬼谷子。書云蘇秦欲神祕其道，故假名鬼谷。

〔尸佼〕（藝文志）尸子二十篇。（注）名佼，魯人，秦相商君師之。鞅死，佼逃入蜀。

〔青史〕（藝文志）青史子五十七篇。（注）古史官記事也。

〔讎校〕（藝文志）成帝使謁者陳農求遺書於天下，詔光祿大夫劉向等校之，每一書已，向輒條其篇目，撮其旨意，錄而奏之。（魏都賦）讎校箋籀。

〔七略〕（藝文志）劉向卒，哀帝復使向子侍中奉車都尉。歆卒父業，歆於是總其書而奏其七略，故有輯略，六藝略，諸子略，詩賦略，兵書略，術數略，方技略。

〔九流〕 注見王緯篇。

〔殺青〕（吳郡傳）殺青簡以寫經書（注）以火炙簡令汗，取其青，易書，復不蠹，謂之殺青。

〔百有八十餘家〕（藝文志）凡諸子百八十九家，四千三百二十四節。

〔闡言〕（藝文志）闡言十篇。注：不知作者。（廣韻）闡言，逸言也。

〔充箱〕（韓詩外傳）成王之時，有三苗貫桑而生，同爲一秀，大幾滿車，長充幾箱。

〔照軫〕（田敬仲完世家）梁王曰：寡人國小，尚有徑寸之珠，照車前後，各十二乘者十枚。

〔月令〕禮記「月令第六」，孔穎達正義，鄭目錄云：名曰月令者，以其紀十二月政之所行也。呂不韋集諸儒所著爲十二月紀，合十餘萬言，名爲呂氏春秋，篇首皆有

月令，與此篇同。

〔三年間喪〕 荀子禮論，前半褚先生補史記禮書採入；其後半，皆書喪禮三年之喪一段，與禮記三年間同文。

〔蚊蚋〕 (列子) 江浦之麼蟲，名曰集螟，羣飛而集於蚊蚋，弗相觸也；徐以氣聽，碎然聞之，若雷霆之聲。

〔惠施〕 (藝文志) 惠子一篇。(注) 名施，與莊子同時。

〔蝸角〕 (莊子) 有國於蝸之左角者，曰觸氏。有國於蝸之右角者，曰蠻氏。時相與爭地面戰，伏尸數萬，遂北，旬有五日而後反。(按) 此係戴晉人語，今云惠施，誤也。

〔列子〕 (藝文志) 列子八篇。(注) 名禦寇。先莊子，莊子稱之。

〔移山〕 (列子) 太行王屋二山，方七百里，高萬仞。愚公懲出入之迂也，聚室而謀移之。

〔跨海〕 (列子) 渤海中有五山：岱輿，員嶠，方壺，瀛洲，蓬萊，龍伯之國有大人

，舉足不盈數步，而暨五山之所。

【淮南】（漢書）淮南王安爲人好書，招致賓客衣術之士數千人，作爲內書二十一篇，外書甚衆。又有十篇八卷，言神仙黃白之術，亦二十萬餘言。

【傾天折地】（淮南天文訓）昔者共工與顓頊爭爲帝？怒而觸不周之山，天柱折，地，維絕。

【歸藏】（帝王世紀）般人因黃帝易曰歸藏，皇甫謐曰歸藏易，以純坤爲首。坤爲地，萬物莫不歸而藏於其中，故曰「歸藏。」

【羿弊十日】 注見辨騷篇。

【奔月】（歸藏易）嫦娥以西王母不死之藥服之，遂奔月，爲月精。

【韓】（史記）韓非者，韓之諸公子也，喜刑名法術之學，爲人口吃而善著書。作孤憤五蠹內外儲說林說難十萬餘言。

【六蠹】（商子）農商官三者，國之常食官也，農闢地，商致物，官法民。三官生蠹六：曰歲，曰食，曰美，曰好，曰志，曰行。六者有，撲必削。

【五蠹】（韓非子五蠹篇）學者，言古者，帶劍者，近御者，及商工之民；此五者，邦之蠹也。

【轘】（左傳杜預注）車裂曰轘。（商君傳）秦孝公卒，太子立。公子虔之徒告商君欲反，秦惠王車裂商君以徇。

【樂】（史記）秦攻韓，韓王遣非使秦，李斯使人遺非藥，使自殺。

【公孫】（列子）公孫龍誑魏王曰：「白馬非馬，孤犢未嘗有母。」按列子述魏公子牟正深悅公孫龍之辯，所謂承其餘竅者也。莊子秋水篇，則異是。龍問牟：「吾自以爲至達已。今聞莊子之言，無所開吾喙，何也？」公子牟有罔井之竈，謂東海之鼈之喻。是鴉鳥當作井竈矣。

【東平】（漢書）東平思王宇，宣帝子，成帝時來朝，上疏求諸子及太史公書。大將軍王鳳以諸子書或反經術，或明鬼神，太史公書有戰國縱橫之謀，不許。

【管晏】藝文志。晏子八篇。（注）名嬰諡平仲。（又）管子八十六篇。（注）名夷吾。

〔隨巢〕（文志）隨巢子六篇。（注）墨翟弟子。

〔尉繚〕（文志）尉繚二十九篇。（注）六國時人。師古曰：「尉姓，繚名也。」

〔鶡冠〕（鶡冠篇）鶡冠子一篇。（注）楚人，居深山，以鶡爲冠。

〔文子〕（藝文志）文子九篇。（注）老子弟子，與孔子同時，而稱周平王問，似依

託者也。

〔慎到〕（史記）慎到學黃老道德之術，因發明序其指意，著十二論。

〔呂氏〕注見雜文篇。

〔陸賈〕（史記）高帝謂陸生曰：「試爲我著秦所以失天下，吾所以得之者何，及古成敗之國。」陸生迺羅述存亡之徵，凡著十二篇，每奏一篇，高帝未嘗不稱善，左右呼萬歲，號其書曰新語。

〔賈誼〕（藝文志）賈誼五十八篇。

〔法言〕（揚雄傳）雄見諸子，各以其知舛馳，雖小辯終破大義，故人時有問雄者，

常用法應之，譏以爲十三卷，象論語，號曰法言。

〔說苑〕（漢書）劉向探傳記行事，著新序說苑凡五十篇。

〔潛夫〕（王符傳）符耿介不同於俗，隱居著書以譏當時失得，不欲章顯其名，故號

曰潛夫論。

〔政論〕（崔實傳）實字子真，明於政體，論當世使事數十條，名曰政論，指切時要，言辨而確，當世稱之。

〔昌言〕注見史傳篇。

〔幽求〕（晉書）杜夷字行齊，廬江人。懷帝時，舉方正。著幽求子二十篇。

論說第十八

聖哲繫訓曰經，述經敘理曰論，論者，倫也。倫理無爽，則聖意不墜。昔仲尼微言，門人追記，故仰其經目，稱爲論語。蓋羣論立名，始於茲矣。自論語已前，經無論字——六韜二論，後人追題乎？——詳觀論體條流多品，陳政則與議說

合契，釋經則與傳注參體，辨史則與贊評齊行，銓文則與敍引共紀，故議者宜言說者，說語傳者，轉師注者，主解贊者，明意評者，平理序者，次事引者，眉辭入名區分，一揆宗論論也者，彌綸羣言，而研精一理者也。是以莊周齊物以論爲名，不韋春秋六論昭列，至石渠論藝，白虎通講，聚述聖言通經，論家之正體也。及班彪王命，嚴尤三將，敷述昭情，善入史體，魂之初霸，術兼名法，傳殿王粲，校練名理，迄至正始，務欲守文，何晏之徒，始盛元論，於是聃周當路，與尼父爭塗矣！詳觀蘭石之才性，仲宣之去代，叔夜之辨聲，太初之本元，輔嗣之兩例，平叔之二論，並師心獨見，鋒穎精密，蓋人倫之英也。至如李康運命同論，衡而適之；陸機辨亡，效過秦而不及；然亦其美矣。次及宋岱郭象，銳思於幾神之區，夷甫裴頠，交辨於有無之域，並獨步當時，流聲後代，然滯有者，全繫於形用，貴無者，專守於寂寥，徒銳偏解，莫詣正理，動極神源，其般若之絕境乎？逮江左羣談，惟

立是務，雖有日新，而多抽前緒矣。至如張衡譏世，韻似俳說；孔融孝廉，但談嘲戲；曹植辨道，體同書抄；言不持正，論如其已。原夫論之爲體，所以辨正，然否窮于有數，追于無形迹，堅求通，鈎深取極，乃百慮之筌蹄，萬事之權衡也。故其義貴圓通，辭忌枝碎，必使心與理合，彌縫莫見其隙，辭共心密，敵人不知所乘。斯其要也。是以論如析薪，貴能破理；斤利者越理而橫斷，辭辨者反義而取通。覽文雖巧，而檢跡如妄。唯君子能通天下之志，安可以曲論哉！若夫注釋爲詞，解散論體，雜文雖異，總會是同。若秦延君之注堯典，十徐萬字；朱普之解尚書，三十萬言。所以通人惡煩，羞學章句。若毛公之訓詩，安國之傳書，鄭君之釋禮，王弼之解易，要約明暢，可爲式矣。

說者悅也。兌爲口舌，故言咨悅懌。過悅必僞，故舜驚讒說。說之善者，伊尹以論味隆殷，太公以辨鈞興周，及燭武行而紓鄭，端木出而存魯，亦其美也。暨

戰國爭雄，辨士雲踊，從橫參謀，長短角勢，轉丸騁其巧辭，飛鉗伏其精術。一人之辨，重於九鼎之寶；三寸之舌，強於百萬之師。六印磊落以佩，五都隱賑而封。至漢定秦楚，辨士弭節，酈君既斃於齊，鑊蒯子幾入乎漢鼎。雖復陸賈籍甚，張釋傅會，杜欽文辨，樓護唇舌，頡頏萬乘之階，抵噓公卿之席，並順風以託勢，莫能逆波而泝洄矣。夫說貴撫會，弛張相隨，不專緩頰，亦在刀筆。范曄之言事，李斯之止逐客，並煩情入機，動言中務，雖批逆鱗，而功成計合。此上書之善說也。至於鄒陽之說吳，梁喻巧而理至，故雖危而無咎矣。敬通之說鮑，鄧事緩而文繁，所以歷騁而罕遇也。凡說之樞要，必使時利而義貞，進有契於成務，退無阻於榮身，自非譎敵，則唯忠與信，披肝膽以獻主，飛文敏以濟辭，此說之本也。而陸氏直稱說煒燁，以譎誑，何哉？

贊曰：理形於言，敘理成論，詞深人天，致遠方寸，陰陽莫貳，鬼神靡遞，說爾

飛鉗呼吸沮勸

〔六韜〕（漢藝文志）周史六韜六篇。（注）惠襄之間，或曰顯王時，或曰孔子問焉。師古曰：「即」之六韜也。著言震天下及軍旅之事。按六韜有霸典文論文師武論。

〔齊物〕莊周著齊物論。

〔六論〕呂不韋輯呂氏春秋，有開春，慎行，貴值，不苟，似順，士容，六篇。

〔石渠〕翟酺傳孝宣論六經於石渠。（注）宣帝詔諸儒講五經於殿中，兼平公羊、穀梁同異，上親臨決焉。時更崇穀梁，故言此六經也。石渠閣名。

〔白虎〕（章帝紀）建初四年，詔諸生諸儒會白虎觀，講議正經同異，帝親臨稱制臨決，如孝宣甘露石渠故事，作白虎詠奏。

〔王命〕（班彪傳）隗囂擁衆天水，問彪曰：『往者周亡，戰國並爭，天下分裂，意者縱橫之事復起於今乎？』彪既疾囂言，又傷時方艱，乃著王命論。

〔三將〕（王莽傳）大司馬嚴尤非莽攻伐四夷，數諫不從，著古名將樂毅自起不用之

意，及言邊事。凡三篇，以風諫莽。《通志》嚴尤三將軍論一卷。

〔傅巖〕《魏志》傅巖字蘭石。常論才性同異。鍾會集而論之。

〔王粲〕《魏志》王粲，著詩賦論議，垂六十篇。

〔聃周〕《史記》老子者，姓李氏，名耳，字伯陽，諡聃。著書上下篇，言道德之

意五千餘言。莊子者，名周，著書十餘萬言，大抵率寓言也。

〔叔夜〕《稽康傳》康字叔夜，作聲無哀樂論，略曰：『以殊方異俗，歌哭不同，使

錯而用之，或聞哭而歡，或聞歌而感，斯非音聲之無常哉？』

〔太初〕《魏志》夏侯元，字太初。《注》元嘗著樂教張良及本無肉刑論。按本元本

無，未知孰是？

〔輔嗣〕《魏志》鍾會與山陽王弼並知名，弼好論儒道，辭才逸辯，注易及老

《注》弼字輔嗣。

〔平叔〕《魏志》何晏好老莊言，作道德論。《注》晏，字平叔。

〔運命〕李康著運命論。

〔論衡〕（下充傳）充以爲俗儒守文，多失其真，乃閉門潛思，著論衡八十五篇。

〔辯亡〕（陸機傳）機以祖父世爲將相。有大勳於江表，深慨孫皓舉棄之，乃論機

所以得，皓所以亡。又欲述其祖父功業，作辯亡論二篇。

〔過秦〕賈誼著過秦論。

〔宋岱〕（通志）晉荊州刺史宋岱通易論一卷。

〔郭象〕（郭象傳）象字子元，好老莊，能清言，閑居以文論自娛。著碑論十二篇。

〔夷甫〕（王衍傳）衍字夷甫，好清談。魏正始中，何晏王弼等祖述老莊立論，以爲

天地萬物，皆以無爲爲本，衍甚重之。惟裴頠以爲非，著論以譏之。

〔交辨有無〕（晉諸公贊）自魏太常夏侯元等著追德論，後進度數之徒，希慕簡曠

。裴頠疾世俗尙虛無之理，作崇有論以折之。時人莫能難。惟夷甫來理如小屈

。時人卽以王理難裴，理還復伸。

〔般若〕（曇霍傳）霍持一錫杖，令人跪曰：「此是波石眼。」（廣韻）般若，梵語

。謂智慧也。

〔辯道〕曹愷善辯道論二篇。

〔筌蹄〕（莊子雜篇）筌者，所以在魚得魚而忘筌，蹄者，所以在兔得兔而忘蹄。

（注）筌，魚筍也；蹄，兔網也。

〔秦廷君〕（漢儒林傳）張山拊事小夏侯建爲博士論石渠，授信都秦恭延君；恭，宣師

法，至百萬言。（桓譚新論）秦廷君但說一粵若稽古，一即三萬言。

〔朱普〕（儒林傳）尚書陽氏學平當授九江朱普公文。（桓榮傳）榮習歐陽尚書事

博士九江朱普。

〔毛公〕（儒林傳）毛公，趙人也，治詩，爲河間獻王博士。

〔安國〕（儒林傳）孔氏有古文尚書，孔安國以今文字讀之，因以起其家。逸書得十

餘篇，蓋尚書茲多於是矣。

〔鄭君〕（鄭元傳）鄭元好學，注儀禮禮記，備答臨孝存周禮難，凡百餘萬言。

〔口舌〕（易象）兌說也。（說卦傳）兌爲口舌。

〔論味〕（呂氏春秋）伊尹說湯以至味曰：『凡味之末，水最爲始。五味三材，沸

變；火之爲紀，時疾時徐；滅腥去臊，除羶必以其勝，無失其理；調和之事，必以甘酸苦辛鹹，先後多少，其齊甚微，皆有自起。」

〔辨釣〕（呂氏春秋）呂尙坐茅以漁，文王勞而問取，尙曰：「魚求於餌，乃牽其縶，人食於祿，乃服於君。以餌取魚，以祿取人，以小釣釣川而擒其魚，以中釣釣國而擒其萬國諸侯。」

〔紆鄭〕（左傳）秦晉圍鄭，鄭伯使燭之武夜縋而出，說秦伯與鄭盟。晉亦去之。

〔存魯〕（仲尼弟子傳）端木賜字子貢。至齊說田常曰：「名存亡魯，實困疆齊，智者不疑也。」

〔轉丸〕 鬼谷子有轉丸篇，文闕。

〔飛鉗〕 鬼谷子著飛鉗篇。

〔九鼎三寸〕（平原君傳）平原君曰：「毛先生一至楚，而使趙重於九鼎大呂。毛先生以三寸之舌，彊於百萬之師。」

〔六印〕（蘇秦傳）秦喟然歎曰：「使我有雒陽負郭田二頃，吾豈能佩六國相印。」

乎？」

〔五都〕（張儀傳）秦惠王封儀五邑。

〔隱賑〕（爾雅）賑，富也。（註）謂隱賑富有。蜀都賦：居邑隱賑。

〔鄆君〕（鄆生傳）淮陰侯聞鄆生伏軾下，得七十餘城，迺夜度兵襲之。齊王田廣以爲

鄆生賣已，遂烹鄆生。

〔蒯通〕（淮陰侯傳）蒯通之曰：「吾悔不用蒯通之計，乃爲兒女子所詐！」高祖

捕通，欲烹之，通曰：「秦失其鹿，天下共逐之。欲爲陛下所爲者甚衆，願力不能

及，又可盡烹之耶？」迺釋通之罪。

〔陸賈〕（陸賈傳）陸生游漢廷公卿間，名聲籍甚。

〔張釋〕（張釋之傳）釋之言便宜事。文帝曰：「卑之無甚高論，令今可施行也。」

於是釋之言秦漢間事。文帝稱善。

〔杜欽〕（杜欽傳）帝舅大將軍王鳳以外戚輔政，求賢知自助，奏請欽爲大將軍軍武

庫令。後爲議郎，以病免徵語。大將軍幕府國家政謀，鳳常與欽慮之。京兆尹王章

言鳳專權蔽王之過，欽令鳳上疏謝罪，乞骸骨。文指甚哀。鳳心慚，稱病篤欲遂退。欽復鳳起視事。章死，詔衆庶寬之，以譏朝廷。欽欲其過，復鳳舉直言極諫，其補過將美，皆此類也。

〔唇舌〕（漢游俠傳）樓字君卿，與谷永俱爲五侯上客。長安號曰谷子雲筆札，樓君卿唇舌，言其見信用也。

〔抵讎〕疑作抵戲。（杜周傳贊）業因勢而抵隗。（注）隗，音隗。一說：隗讀與戲同音許，宜反險也。言擊其危險之處。鬼谷有抵讎篇也。

〔綏頰〕（魏豹傳）灌王問魏豹反，謂酈生曰：「綏頰往說魏豹；能下之，吾以萬戶封若。」（注）綏頰，徐言譬喻也。

〔刀筆〕（蕭相國世家）史公曰：蕭相國何，於秦時爲刀筆吏。（劉盆子傳注）古者記事於簡策，謬誤者以刀削而除之，故曰刀筆。

〔范雎〕（苑雎傳）王稽載雎入秦，說昭王廢王后，逐穰侯，拜爲相。

〔李斯〕（李斯傳）斯西說秦，秦王拜斯爲客卿。命韓人鄭國來間秦，以作法誅渠。

已而覺，秦宗室大臣請一切逐客，斯上書，秦王乃除逐客之令。

〔逆鱗〕（韓非說難）龍喉下有逆鱗徑尺，嬰之則必殺人。人主亦有逆鱗；說者能無
嬰人主之逆鱗，則幾矣。

〔鄒陽〕（鄒陽傳）吳王濞，陰有邪謀，陽奏書諫，爲其事尚隱，惡指斥言，故先引
秦爲喻，因道胡越齊趙淮南之難，然後迺致其意。吳王不內其言，去之梁。羊勝公
孫詭等疾陽，惡之孝王。孝王怒，下陽吏，將殺之，迺獄中上書，書奏孝王，立
出之。

〔敬通〕（馮衍傳）衍字敬通。更始二年，遣鮑永行大將軍事，安集北方。衍因以計
說永，永素重衍，乃以衍爲立漢將軍。（劉峻廣雅交誦注）馮衍與鄧禹書曰：「衍
以爲寫神愾意，則卿成之說，碧雞之辯，不足難也。」

詔策第十九

皇帝御寓，其言也神淵嘿黼辰。而響盈四表，唯詔策乎。昔軒轅唐虞，同稱

爲命命之爲義，制性之本也。其在三代，事兼誥誓，誓以訓戎，誥以敷政。命喻自天，故授官錫允。易之姤象，后以施命誥四方。誥命動民，若天下之有風矣。降及七國，並稱曰令。令者，使也。秦并天下，改命曰制。漢初定儀則，則命有四品：一曰策書，二曰制書，三曰詔書，四曰戒敕。敕戎州部，詔誥百官，制施赦命，策封王侯。策者，簡也。制者，裁也。詔者，告也。敕者，正也。詩云：畏此簡書。易稱君子以制度數。禮稱明君之詔書。稱敕天之命，並本經典以立名目。遠詔近命，習秦制也。記稱絲綸，所以應接羣后。虞重納言，周貴喉舌。故兩漢詔誥，職在尙書。王言之大，動入史策。其出如綽，不反若汗。是以淮南有英才，武帝使相如視草。隴右多文士，光武加意於書辭。豈直取美當時，亦敬慎來葉矣。觀文景以前，詔體浮新。武帝崇儒，選言弘奧。策封三王，文同訓典。勸戒淵雅，垂範後代。及制誥嚴助，卽云厭承明虛，蓋寵才之恩也。孝宣璽書，賜太守陳遂，亦故舊之厚也。逮光武撥亂，留

意斯文而造次喜怒，時或偏濫。詔賜鄧禹，稱司徒爲堯敕。責侯霸種黃鉞一下；若斯之類，實乖憲章。暨明帝崇學，雅詔間出。安和政弛，禮閣鮮才，每爲詔敕，假手外請。建安之末，文理代興，潘勗九錫，典雅逸羣。衛覬禪誥，符命炳燿。弗可加已。自魏晉誥策，職在中書，劉放張華互管斯任。施命發號，洋洋盈耳。魏文帝下詔，辭義多偉。至於作威作福，其萬慮之一弊乎。晉氏中興，唯明帝崇才，以溫嶠文清，故引入中書。自斯以後，體憲風流矣。夫王言崇祕，大觀在上，所以百辟其刑，萬邦作孚。故授官選賢，則義炳重離之輝；優文封策，則氣含風雨之潤。敕戒恆誥，則筆吐星漢之華；治戎變伐，則聲有洊雷之威。眚災肆赦，則文有春露之滋；明罰敕法，則辭有秋霜之烈。此詔策之大略也。戒敕爲文，實詔之切者。周穆命郊父受敕憲，此其事也。魏武稱作敕戒，當指事而語，勿得依違，曉治要矣。及晉武敕戒，備告百官，敕都督以兵要，戒州牧以董司，警郡守以恤隱，勒牙門以

禦衛，有訓典焉。

戒者，慎也。禹稱戒之用休，君父至尊，在三罔極。漢高祖之敕太子，東方朔之戒子，亦顧命之作也。及燕援已下，各貽家戒。班姬女戒，足稱母師也。教者，效也。言出而民效也。契敷五教，故王侯稱教。昔鄭弘之守南陽，條教爲後所述，乃事緒明也。孔融之守北海，文教麗而罕於理，乃治體乖也。若諸葛孔明之詳約，庾稚恭之明斷，並理得而辭中，教之善也。自教以下，則又有命。詩云：有命在天，明爲重也。周禮曰：師氏詔王爲輕命，今詔重而命輕者，古今之變也。

贊曰：皇王施令，寅嚴宗誥，我有絲言，兆民尹好。輝音峻舉，鴻風遠蹈。騰義飛辭，渙其大號。

〔皇帝〕（獨斷）漢天子正號曰皇帝。皇帝，至尊之稱。皇者，煌也。盛德煌煌，無

所不照。帝者，諦也，能行天道，事天審諦。

〔黼辰〕（禮記）天子負黼辰，南鄉而立。（書傳）黼，屏風，畫爲斧文。置戶闕間。

〔誓以訓戒〕書甘誓、湯誓、秦誓，牧誓，費誓，秦誓是也。

〔詔以敷政〕書召詔、洛詔是也。

〔命以授官〕書僉子之命、蔡仲命，畢命，冏命是也。

〔制策詔戒〕（獨斷）天子之言曰：「制詔其命令，一曰策書，二曰制書，三曰詔書，四曰戒書。策書，策者，簡也，以命諸侯王三公。制書：帝者制度之命也。其文曰，制詔三公，敕令贖令之屬是也。詔書者，詔語也，有三品。其文曰告某官，官如故事，是爲詔書。戒書，戒敕。刺史太守及三邊營官被敕。文曰有詔敕某官；是爲戒敕也。世皆名爲策書，失之遠矣！」

〔絲綸〕（緇衣）王言如絲，其出如綸；王言如綸，其出如紼。

〔尚書〕漢官儀：尚書，唐虞官也。龍作納言。詩云：惟仲山甫王之喉舌。秦改稱尚書，漢亦尊此官，典機密也。

〔反汗〕（楚元王傳）劉向曰：『易曰：渙汗其大號，言號令如汗，汗出而不反者也。』

今出善令，未能踰時而反，是反汗也。』

〔視草〕（淮南王傳）武帝以安辯博善爲文辭，每爲報書，及賜，帝召司馬相如等視

草迺道。

〔加意〕（隗囂傳）囂賓客掾史，多文學士，每所上事，當世上大夫皆諷誦之，故帝

有所辭答，尤加意焉。

〔策封三王〕（三王世家）有齊王策，燕王策，廣陵王策。太史公曰：『封立三王，

天子恭讓，羣臣守義，文辭爛然，甚可觀也。』褚先生曰：『孝武帝之時，同日拜

三子爲王，爲作策以申戒之。』

〔厭承明廬〕（嚴助傳）助以對策擢中大夫，上問所欲，對願爲會稽太守。武帝賜書

曰：制詔會稽太守君厭承明之廬，勞侍從之事，出爲郡吏。（注）承明廬在石渠閣

外，

〔陳遂〕（游俠傳）陳遵祖父遂，宣帝微時，與有故，相隨博奕，數百進，及帝即

位，用途，稍遷至太原太守，迺賜綵電書曰：「制詔太原太守，官尊祿厚，可以備博進矣。」

〔稱堯〕（鄧禹傳）帝以關中未定，而鄧禹久不進兵，下敕曰：「司徒堯也，亡賊桀也，宜面時進計，鎮慰西京，係百姓之心。」

〔黃鉞〕（光武賜侯霸書）崇山幽都何可偶，黃鉞一下無處所，欲以身試法耶？

〔禮閣〕（蕭惠傳）王儉朝宗貴，望惠基同在禮閣，非公事不私覲焉。

〔潘勗〕（文章志）潘勗字元茂，相魏公：九錫策命，勗作也。

〔九錫〕（韓詩外傳）諸侯有德，天子錫之：一錫車馬，二錫衣服，三錫虎賁，四錫樂器，五錫納陛，六錫朱戶，七錫弓矢，八錫鈇鉞，九錫秬鬯。（魏志）建安十入年，使御史大夫郝慮持節策命曹操爲魏公，加九錫。

〔衛覬禪詔〕（衛覬傳）覬還漢朝爲侍郎。勸贊禪代之義，爲文詔之詔。

〔中書〕（劉放傳）黃初初，改秘書爲中書，以放爲監。（王獻之啟瑯琊爲王中書監表）中書職掌詔命，非輕才所能獨征。自晉建國，常命宰相參領。中興以來，益重

其任。故能言詞微，德音固塞者也。

〔劉放〕（魏氏傳）於善爲書，檄三祖詔命，多放所爲。

〔張華〕（張華傳）華遷長史，兼中書郎，朝議奏，多見施用。

〔威福〕（蔣濟傳）文帝詔夏候曰：「卿腹心一將，特當任之，作威作福，殺人活

人。」濟以示濟。帝濟：「天風教何如？」對曰：「但見亡國之語耳！」帝作色問故

，濟具以答，因曰：「作威作福，書之曰戒。天子無戲言，唯陛下察之。」於是帝

遣取前詔。

〔崇才〕（晉世帝紀）欽賢愛客，雅好文辭。當時名臣自王導、庾亮輩，溫嶠、桓彝、阮放

等，咸見禮待。

〔文清〕（晉書）大審初，詔溫嶠曰：「卿既以令望忠元之懷，著於周旋，且文清而

旨遠，宜居深密。欲即以爲書，令朝端咸以爲宜。」

〔重難〕（夏陽）象曰：「繼，麗也。重明以麗乎正。象曰：『兩作難，大人以繼明照

于四方。』

〔游雷〕（易雷卦）象曰游雷震。（程傳）游。重裂也。上下皆震，故爲游雷。雷重仍則威益盛。

〔救憲〕（穆天子傳）丙寅，天子屬官效器，乃命正公郊父受救憲，則仲八駿之乘，以飲於枝寺之中。

〔在三〕（國語）民生于三，事之如一，父生之，師教之，君食之。故一事之。惟其所，則致死焉。

〔救太子〕（漢高祖）救太子。吾遭亂世，當秦禁學，自喜謂讀書無益。洎踐祚以來，時方省書，乃使人知作者之意，追思昔所行，多不是。又云：汝見蕭曹張陳諸公侯，吾同時人倍年於汝者，皆拜。

〔戒子〕（東方傳贊）朔戒其子，以向容首陽爲拙，柱下爲工；飽言安步，以仕易農，依隱玩世，詭時不逢。

〔馬援〕（馬援傳）援誡兄子嚴敦書曰：『吾欲汝曹聞人過失，如聞父母之名，耳可得聞，口不可得言也。好議論人長短，妄是非正法，此吾所大惡也。汝曹知吾惡之』

甚矣。所以復言者，施衿結褵，申父母之戒，欲使汝曹不忘之耳。」

〔班姬〕（後漢女傳）扶風曹叔妻者，班彪之女也，名昭，博學高才，作女誡七篇，有助內訓。

〔鄭弘〕（鄭弘傳）弘爲南陽太守，條教法度，爲後所述。

〔孔融〕（九升春秋）孔融守北海，教令辭氣，溫雅可玩，而誦論事考實，難可施行。

〔諸葛孔明〕（諸葛亮傳）陳壽等言論者，或怪亮文彩不豔，而過於丁寧周至，臣愚以爲咎繇大賢也，周公聖人也；考之尚書；咎繇之謨略而雅，周公之誥煩而悉。何則？咎繇與舜禹共談，周公與羣下矢誓故也。亮所與言，盡衆人凡士，故其文指，不得及遠也。然其聲教遺言，皆經事綜物，公誠之心，形於文墨，足以知其人之意理，而有輔於當世。

〔庾稚恭〕（庾翼傳）翼字稚恭，代亮鎮武昌，勞謙匪懈，戎政嚴明。

〔輕命〕按周官師氏職無此文。

檄移第二十

震雷始於曜電，出師先乎威聲。故觀電而懼雷壯，聽聲而懼兵威。兵先乎聲，其來已久。昔有虞始戒於國，夏后初誓於軍。殷誓軍門之外，周將交刃而誓之。故知帝世戒兵，三王誓師，宣訓我衆，未及敵人也。至周穆西征，祭公謀父稱古有威讓之令，令有文告之辭，卽檄之本源也。及春秋征伐，自諸侯出，懼敵弗服，故兵出須名，振此威風，暴彼昏亂。劉獻公之所謂告之以文辭，董之以武師者也。齊桓征楚，詰苞茅之闕，晉厲伐秦，責箕郤之焚，管仲呂相奉辭先路，詳其意義，卽今檄文。暨乎戰國，始稱爲檄。檄者，噉也。宣露於外，噉然明白也。張儀檄楚，書以尺二，明白之文，或稱露布，播者視聽也。夫兵以定亂，莫敢自專；天子親戎，則稱恭行天罰；諸侯御師，則曰肅將王誅。故分闔推轂，奉辭伐罪，非唯致果爲毅，亦且厲辭爲武。使聲如衝風所擊，氣似機槍所掃，奮其武怒，總其罪人，懲

其憲綏之時，顯其貫盈之數，搖奸宄之胆，訂信慎之心，使百尺之衝，摧折於咫
書萬雉之城，顛墜於一檄者也。觀隗囂之檄亡新，布其三逆，文不雕飾而辭切
事明隴右文士得檄之體矣。陳琳之檄豫州，壯有骨鯁，雖奸閹搆養章密太甚，
發蹕摸金，誣過其虐，然抗辭畫象，皦然露骨矣。敢指曹公之鋒幸哉，免袁之
戮也。鍾會檄蜀，徵驗甚明。桓公檄胡觀，勢尤切，並壯筆也。凡檄之大體，莫違此
休明，或敍彼苛虐，指天時，審人事，算彊弱，角權勢，標善龜於前，驗懸鑿於已
然。雖本國信實，參兵詐，譎譎以馳旨，曄燿以騰說，凡此衆條，莫或違之者也。故
其植義颺辭，務在剛健，插羽以示迅，不可使辭緩，露板以宣衆，不可使義隱，必
事昭而理辨，氣盛而辭斷，此其要也。若曲趣密巧，無所取才矣。又州郡徵吏，亦
稱爲檄，固明舉之義也。移者，易也。移風易俗，令往而民隨者也。相如之難蜀老，
文曉而喻博，有移檄之骨焉。及劉歆之移太常，辭剛而義辨，文移之首也。陸機

之移百官，言約而事顯，武者之要者也。故檄移爲用，事兼文武；其在金革，則逆黨用檄，順命資移，所以洗濯民心，堅同符契，意用小異而體義大同。與檄參伍，故不重論也。

贊曰：三驅弛剛，九伐先話，鞶鑑吉凶，著龜成敗。惟壓鯨鯢，抵落蜂蠆。移寶易俗，草偃風邁。

〔戒誓師〕（司馬法）有虞氏戒於國中，欲民體其命也。夏后氏誓於軍中，欲民先成其慮也。殷誓於軍門之外，欲民先意以待事也。周將交刃而誓之，以致民志也。

〔威讓文告〕（國語）周穆王將征犬戎，祭公謀父諫曰：「先王耀德不觀兵，有威讓之令，有文告之辭。」

〔文辭武師〕（左傳）晉侯使叔向告劉獻公曰：「抑齊人不盟者之何？」對曰：「盟以底信。君苟有信，諸侯不貳，何患焉？告之以文辭，董之以武師，雖齊不許，君庸多矣！」

〔包茅〕（左傳）齊侯以諸侯之師伐楚，管仲曰：「爾貢包茅不入，王祭不供，無以縮酒，寡人是徵。」

〔箕部〕（左傳）晉侯、呂相絕秦曰：「入我河縣，焚我箕部，我是有輔氏之聚。」

〔檄楚〕（琴儀傳）儀嘗楚相飲，相亡璧，意儀盜之，掠筭數百。張儀既相秦，爲文檄告楚相曰：「始吾從若飲，我不盜而璧，若筭我。若善守汝國！我顧且盜而城。」徐廣曰：檄，一作咫尺之檄。（漢匈奴傳）漢遺單于書以尺一牘中行說令，單于以尺二寸牘及印封，皆令廣長大。

〔露布〕（魏武帝述志令）露布天下。（文章緣起）漢露布，賈弘爲馬超伐曹操所作。（封氏聞見記）露布者，謂不封檢露而宣布，欲四方速知。亦謂之露版者，魏武奏事云：「有緊急輒露版插羽」是也。

〔分關推殺〕（馮唐傳）唐對曰：「臣聞上古王者遣將也，跪而推殺曰：「關以內寡人制之，關以外將軍制之。」」

〔致果〕（左傳）殺敵爲果，致果爲毅。

〔衝風〕（韓安國傳）安國曰：「衝風之衰，不能起毛羽。」（注）衝風、疾風之衝突者也。

〔樓槍〕（天官書）紫宮左三星曰天槍，所見之國，不可舉事用兵。司馬相如賦：「攢樓槍以爲旌兮。」張揖曰：「彗星爲樓槍。」

〔百尺之衝〕（國策）蘇子說齊閔王曰：「百尺之衝，折之衽席之上。」（詩皇矣注）衝，衝車也，從旁衝突者也。

〔萬雉之城〕（公羊傳）雉者何？五板而堵，五堵而雉，百雉而城。一曰城高一丈曰堵，三堵曰雉。（班固西征賦）建金城之萬雉。

〔三逆〕（隗囂傳）囂移檄告郡國曰：「故新都侯王莽慢侮天地，悖道逆理。昔秦皇毀壞謚法，以一二數欲至萬世，而莽下三萬六千歲之歷，言身當盡此度，是其逆天之大罪也！分裂郡國，斷截地絡，發冢河東，攻刼邱壘，此其逆地之大罪也，攻戰之所敗，苛法之所陷，饑饉之所夭，疾疫之所及，以萬萬計；其死者則露屍不掩，生者則奔亡流散，婦女流離係虜：此其逆人之大罪也！」

〔隴右文士〕 詳詔策篇。

〔陳琳〕 (陳琳傳) 琳避難冀州。袁紹使典文章，嘗爲紹檄，酷詆曹操。袁氏敗，琳歸操，操謂曰：『卿昔爲本初移書，但可罪狀孤而已。何乃上及父祖耶？』琳謝罪。操愛其才而不咎。

〔姦閣擄養〕 (陳琳檄) 司空曹操祖父中常侍騰，與左棺徐璜並作妖孽。父嵩乞匄養，因賊假位。操啓閣遺醜，本無懿德。

〔發邱摸金〕 (陳琳檄) 操又特置發邱中郎將，摸金校尉，所過墮突，無骸不露。

〔鍾會〕 (鍾會傳) 會移檄蜀將吏士民曰：『蜀相壯見禽於秦，公孫述授首於漢，此皆諸賢所備聞也。明者見危於無形，智者規禍於未萌。豈晏安酖毒，懷祿而不變哉？』

〔桓公〕 (桓檄胡文) 胡賊石勒，暴肆華夏，齊民塗炭。至使六合殊風，九鼎乖越。寡人不德，忝荷戎重。非順者獲賞，後伏者蒙誅。此之風也，想所聞也。

〔州郡徵吏〕 (于遜傳) 遜爲寧州刺史，未到州，遂舉董璠爲秀才。建寧功曹周悅謂

聯非才，不下版檄。（劉訐傳）本州刺史張稷辟爲主簿，主者檄召訐，乃挂檄於樹而逃。

【難蜀】（司馬相如傳）相如使蜀，蜀長老多言進西南夷之不爲用，相如欲諫，業已建之，不敢，乃著書，藉蜀父老爲辭而已，給難之以風天子，且因宣其使指，令百姓皆知天子意。

【移太常】（楚元王傳）劉歆欲建立左氏春秋，及毛詩逸禮，古文尙書，皆列於學官。哀帝令歆與五經博士講論其義，諸博士或不肯置對，歆因移書太常博士責讓之。

【移百官】按（成都王穎傳）穎表請誅羊元之、皇甫商等、檄長沙王，又使就弟，乃與王顯將張方伐京都，以陸機爲前鋒都督。陸機至洛，與成都王牋曰：『王室多故。羊元之等，乘寵凶豎，皇甫商同惡相求，共爲亂階。』云云，或機此時有移百官文，後代矢傳耳。

【三驅】（易）比九五王用三驅。

【九伐】（周禮）大司馬以九伐之法正邦國。

〔鯨鯢〕（左傳）古者明王伐不敬，取其鯨鯢而封之，以爲大戮，於是乎有京觀，

（杜注）鯨鯢，魚名，以喻不義之人，吞食小國。

〔蜂蟄〕（左傳）臧文仲曰：『君無謂邾小，蜂蟄有毒，而况國乎？』

封禪第二十一

夫正位北辰，嚮明南面，所以運天樞毓黎獻者，何嘗不經道緯德以勒皇蹟者哉？錄圖曰：渾渾鳴鳴，棼棼雉雉，萬物盡化，言至德所被也。丹書曰：義勝欲則從，欲勝義則凶；戒慎之至也，則戒慎以崇其德，至德以凝其化，七十有二君，所以封禪矣。昔黃帝神靈，克膺鴻瑞，勒功喬岳，鑄鼎荆山，大舜巡岳，顯乎虞典。成康封禪，聞言樂緯，及齊桓之霸，爰窺王跡，夷吾譎陳，距以怪物，固知玉牒金鏤，短在帝皇也。然則西鷄東鱗，南茅北黍，空談非徵，勳德而已。是史遷八書，明述封禪者，固禮祀之殊禮，銘號之祕祝，祀天之壯觀矣。秦皇銘岱，文自李斯，法

家辭氣體乏弘潤然疏而能壯亦彼時之絕采也鋪觀兩漢隆盛孝武禪號於肅然光武巡封於梁父誦德銘勳乃鴻筆耳觀相如封禪蔚爲唱首爾其表權輿序皇王炳元符鏡鴻業驅前古於當今之下騰休明於列聖之上歌之以禎璫讚之以介邱絕筆茲文固維新之作也及光武勒碑則文自張純首膺典謨末同祝辭引鈎讖敘離亂計武功述文德事覈理舉華不足而實有餘矣凡此二家並岱宗實跡也及揚雄劇秦班固典引事非鐫石而體因紀禪觀劇秦爲文影寫長卿詭言遯辭故兼包神怪然骨掣靡密辭貫圓通自稱極思無遺力矣典引所敘雅有懿乎歷鑒前作能執厥中其致義會文斐然餘巧故稱封禪麗而不典劇秦典而不實豈非追觀易爲明循勢易爲力歟至於邯鄲受命攀響前聲風末力寡輯韻成頌雖文理順序而不能奮飛陳思魏德假論客主問答迂緩且已千言勞深勸寡飀馘缺焉茲文爲用典一代之典章也構位之始

宜明大體，對骨於訓典之區，選言於宏富之路，使意古而不晦於深，文今而不墜於淺，義吐光芒，辭成廉鏗，則爲偉矣。雖復道極數殫，終於相襲，而日新其采者，必超前轍焉。

贊曰：封勒帝勳，對越天休。遯聽高岳，聲英克彪。樹石九旻，泥金八幽。鴻律蟠采，如龍如虬。

〔嚮明〕（易說卦傳）聖人南面而聽，天下嚮明而治。

〔運天樞〕（天官書）斗爲帝車，運於中央。（春秋運斗樞）斗第一天樞。

〔黎獻〕（書益稷）萬邦黎獻，共惟帝臣。（傳）黎獻，黎民之賢者也。

〔綠圖丹書〕 見正緯篇。

〔鑄鼎〕（漢郊祀志）公孫卿曰：『黃帝采首陽山銅，鑄鼎於荆山下。鼎既成，有龍

垂胡鬚，下迎黃帝。』

〔巡岳〕 書舜典：『歲二月，東巡守至於岱宗。五月，南巡守，至於南岳。八月，西

巡守，至於西岳，十有一月，朔巡守，至於北岳。

【成康封禪】（封禪書）周德之治，惟成王。成王之封禪，則近之矣。

【齊桓】（漢祀郊志）齊桓公既霸，諸侯於葵邱，而欲封禪，管仲曰：『古者封泰山，禪梁父者，七十二家，而夷吾所記者，有焉。皆受命然後得封禪。』管仲略桓公不可窮以辭，因設之以事云云。桓公乃止。詳下「西鷄東鰈」注。

【玉牒令縷】（後漢祭祀志）封禪用玉牒書藏方石。有玉檢檢，用金縷五周，以水銀和金以爲泥。

【西鷄東鰈南茅北黍】（郊祀志）管仲曰：『古之封禪，鄒上黍北，里禾所以爲盛。江淮間一茅三脊，所以爲藉也。東海致比目之魚，西海致比翼之鳥，然後物有不召而至者，十有五焉。』（注）比目魚，其名謂之鰈，比翼鳥，其名謂之鷄。

【秘祝】見祝留篇。

【銘岱】（秦始皇本紀）始皇東行郡縣，上鄒山，文石與魯諸生議刻石頌秦德，議封禪，望祭山川之事，遂上泰山，禪梁父刻所立石。

【禪號昭然】【孝武本紀】丙辰，禪秦山下趾東北嶽然山。

【巡封梁父】（後漢祭祀志）建武三十二年二月，皇帝東巡狩：至于岱宗柴，甲午禱于梁陰。

【相如】（司馬相如傳）武帝曰：『相如病甚，可往從悉取其書；若不然，後失之矣！』使所忠往，而相如已死。其妻曰：『長卿未死時爲一卷書，曰有使者來求書奏之。』其遺札書，言封禪事。

【元符】（李善文選注）元符，天符也。

【介邱】（封禪文）以登介邱。（注）介，大也，邱，山也，言登泰山封禪也。

【勒碑】（後漢祭祀志）建武三十二年二月，上至奉高，遣待御史與闕臺令史將工先上山刻石。

【張純】（張純傳）純奏上宜封禪，曰：『宜及嘉時，遵唐帝之典，繼孝武之業，以二月東巡狩，封於岱宗，明中興，勒功勳，復租統，報天神，禪梁父，肥地祇，傳祚子孫，萬世之基也。』中元元年，帝乃東巡岳宗，以純視御史大夫從并，上元封

膏饑，及刻石文。

〔引鈞讖叙雜亂〕（後漢祭祀志）刻石文曰：『王莽篡叛宗廟，隳壞社稷，喪亡揚徐青三州，首亂兵革橫行，延及荊州；豪傑并兼，百里屯聚，往往僭號，北夷作寇，千里無煙，無雞鳴犬吠之聲。』按文內多引河圖赤符會昌符孝經鈞命決等書。

〔劇秦〕（揚雄劇秦美新序）司馬相如作封禪一篇，以彰漢氏之休；臣敢竭肝膽，寫腹心，作劇秦美新一篇，雖未究萬分之一，亦臣之極思也。

〔曲引〕（班固典引序）伏惟相如封禪，靡而不典，揚雄美新，典而亡實。臣不勝區區，作竊典引一篇。（注）典謂堯典，引猶續也。漢承堯後，故述漢德，以續堯典。〔兼包神怪〕謂篇中元符靈契黃瑞涌出云云也。

〔受命〕邯鄲淳著魏受命述。

〔魏德〕（陳思王集）魏德論，末曰：『固將封泰山，禪梁父。歷名山以祈禱，周五方之靈宇。越八九於往素，踵帝王之靈矩。流餘祚於祭蒸，鐘元吉乎聖主。』

〔述聽〕（封禪文）述聽者風聲。

章表第二十二

夫設官分職，高卑聯事，天子垂珠以聽，諸侯鳴玉以朝。敷奏以言，明試以功。故堯咨四岳，舜命八元，固辭再讓之請，俞往欽哉之授，並陳辭帝庭，匪假書翰。然則敷奏以言，則章表之義也；明試以功，卽授爵之典也。至太甲旣立，伊尹書誠，思庸歸毫，又作書以讚文翰，獻替事斯見矣。周監二代，文理彌盛，再拜稽首，對揚休命，承文受冊，敢當丕顯。雖言筆未分，而陳謝可見。降及七國，未變古式。言事於主，皆稱上書。秦初定制，改書曰奏。漢定禮儀，則有四品：一曰章，二曰奏，三曰表，四曰議。章以謝恩，奏以按劾，表以陳請，議以執異。章者明也。詩云：爲章于天，謂文明也。其在文物，赤白曰章。表者標也。禮有表記，謂德見於儀。其在器式，揆景曰表。章表之目，蓋取諸此也。按七略，藝文，謠詠必錄。章表奏議，經國之樞機，然闕而不纂者，乃各有故事而在職司也。前漢表謝，遺篇寡存。及後漢

察舉，必試章奏。左雄奏議臺閣爲式，胡廣章奏，天下第一。並當時之傑筆也。觀伯始謁陵之章，足見其典文之美焉。昔晉文受冊，三辭從命，是以漢末讓表，以三爲斷。曹公稱爲表不必三讓，又勿得浮華。所以魏初表章，指事造實，求其靡麗，則未足美矣。至於文舉之薦禰衡，氣揚采飛，孔明之辭後主，志盡文暢，雖華實異旨，並表之英也。琳瑯章表，有譽當時。孔璋稱健，則其標也。陳思之表，獨冠羣才。觀其體贍而律調，辭清而志顯，應物掣巧，隨變生趣，執轡有餘，故能緩急應節矣。逮晉初筆札，則張華爲雋。其三讓公封，理周辭要，引義比事，必得其偶，世珍鷓鷯。莫顧章表及羊公之辭，開府有譽於前，談庾公之讓中書，信美於往載。序志顯類，有文雅焉。劉琨勸進，張駿自序，文致耿介，並陳事之美表也。原夫章表之爲用也，所以對揚王庭，昭明心曲，旣其身文，且亦國華，以章造闕，風矩應明，表以致禁，骨采宜耀，循名課實，以章爲本者也。是以章式炳賁，志在典謨。

使要而非略，明而不淺。表體多包，情僞屢遷；必雅義以扇其風，清文以馳其麗。然懇惻者辭爲心使，浮侈者情爲文使；繁約得正，華實相勝，脣吻不滯，則中律矣。子貢云：心以制之，言以結之。蓋一辭一意也。苟卿以爲觀人美辭，麗於黼黻文章，亦可以喻於斯乎？

賈曰：敷奏絳闕，獻替黼扆。言必貞明，義則弘偉。肅恭節文，條理首尾。君子秉文，辭令有斐。

〔聯事〕

〔周禮〕

太宰以八法治官府。三曰官聯，以會官治。

〔垂珠〕

〔玉藻〕

天子玉藻，十有二旒。（釋名）祭服曰冕，元上纁下，前後垂珠。

有文飾也。

〔八元〕

〔左傳〕

舜臣堯舉八元。使布五教于四方。

〔書誠〕

〔書序〕

太甲元年，伊尹作伊訓。

〔思庸〕

〔書序〕

太甲放諸桐，三年，復歸于亳，思康。伊尹作太甲三篇。

〔獻替〕（左傳）君所謂可而有否焉，臣獻其否以成其可。君所謂否而有可焉，臣獻其可以去其否。

〔丕顯〕（左傳）僖公二十八年，王策命晉侯爲侯伯，晉侯三辭，從命曰：「重耳敢再拜稽首，奉揚天子之丕顯休命，」受冊以出。

〔言筆〕（曲禮）史載筆，士載言。

〔章奏表議〕（獨斷）凡羣臣上書於天子者，有四名：一曰章，二曰奏，三曰表，四曰駁議。

〔赤白〕（考工記）書績之事，赤與白，謂之章。

〔揆景〕（晉人文志）鄭衆說土圭之長，尺有五寸，以夏至之日，立八尺之表，其景與土等。謂之地中。（桓譚新論）二儀之大，可以章程測也；三綱之動，可以圭表測也。

〔七略〕見諸子篇。

〔左雄〕（左雄傳）自雄掌納言，多所匡肅，章表奏議，臺閣以爲故事。

〔胡廣〕（胡廣傳）舉孝廉。既到京師，試以章奏，安帝以廣爲天下第一。

〔文舉〕（孔融傳）融字文舉。文選有薦禰衡表。

〔孔明〕（諸葛亮傳）亮字孔明。後主建興五年，率諸軍北駐漢中，臨發，上疏表。

見文選。

〔琳瑯〕（琳瑯阮瑀）（典論）琳瑯之章表書記，今之雋也。

〔孔璋〕（孔璋傳）孔璋，字孔璋。魏文帝與吳質書，孔璋章殊健。

〔陳思之表〕（陳思王植傳）大和二年，植常自憤怨，抱利器而無所施，上疏求自試

。五年，植上疏，求存問親戚。

〔張華〕（張華傳）初封廣武縣侯，進封壯武郡公。華十餘讓，中詔敦譬乃受。

〔鶴鷄〕（張華傳）華初未知名，著鶴鷄賦以自寄。

〔辭開府〕（羊祜傳）武帝時，加車騎將軍，開府如三司之儀，祜上表固讓。載文選。

〔讓中書〕（羊祜傳）文選，有庾亮讓中書監表。

〔劉琨〕（劉琨傳）文選，有劉琨勸進表。

〔張駿〕（張駿傳）駿上疏曰：「臣專命一方，職在斧鉞，雖雄既死，人懷反正。願

李龍李期之命，曾不學朝，而皆篡繼凶逆；搗目有年，遂使桃蟲鼓翼，四夷誼譁。

臣之所以宵吟痛漢，痛心長路者也！」

〔絳闕〕（孫楚傳）楚作書遺孫皓曰：「竊號之雄，稽顙絳闕；球琳重錦，充於府

庫。」

〔輔展〕 見詔策篇。

奏啟第二十三

昔唐虞之臣，敷奏以言；秦漢之輔，上書稱奏。陳政事，獻典儀，上急變，劾愆
謬，總謂之奏。奏者，進也；言敷於下，情進於上也。秦始立奏而法家少文，觀王綰
之奏，勳德辭質而義近；李斯之奏，驪山事略而意逕。政無膏潤，形於篇章矣。自
漢以來，奏事或稱上疏，儒雅繼踵，殊采可觀。若夫賈誼之務農，鼂錯之兵事，匡
衡之定郊，王吉之觀禮，溫舒之緩獄，谷永之諫仙，理既切至，辭亦通暢，可謂識

大體矣。後漢羣賢，嘉言罔伏，楊秉耿介於災異，陳蕃憤懣於尺一，骨鯁得焉。張衡指摘於史職，蔡邕銓列於朝儀，博雅明焉。魏代名臣，文理迭興，若高堂天文，王觀教學，王朗節省，甄毅考課，亦盡節而知治矣。晉氏多難，災屯流移，劉頌殷勤於時務，溫嶠懇惻於費役，並體國之忠規矣。夫奏之爲筆，固以明允篤誠爲本，辨析疏通爲首，強志足以成務，博見足以窮理，酌古御今，治繁總要，此其體也。若乃按劾之奏，所以明憲清國，昔周之太僕，繩愆糾繆，秦之御史，職主文法，漢置中丞，總可按劾，故位在鷲擊，砥礪其氣，必使筆端振風，簡上凝霜者也。觀孔光之奏董賢，則實共奸回，路粹之奏孔融，則誣其毀惡，名儒之與險士，固殊心焉。若夫傅咸勁直，而按辭堅深，劉隗切正，而劾文濶略，各其志也。後之彈事，迭相斟酌，惟新日用，而舊準弗差，然函人欲全，矢人欲傷，術在糾惡，勞必深峭。詩刺讒人，投畀豺虎，禮疾無禮，方之鸚猩，墨翟非儒，目以豕彘，孟軻譏墨，比諸

禽獸詩禮，儒墨既其如茲，嚴奏劾文，孰云能免？是以世人爲文，競於詆訶，吹毛取瑕，次骨爲戾，復似善罵，多失折衷。若能闢禮門以懸規，標義路以植矩，然後踰垣者折肱，捷徑者滅趾，何必躁言醜句，詬病爲切哉？是以立範運衡，宜明體要，必使理有典刑，辭有風軌，總法家之式，秉儒家之文，不畏彊禦，氣流墨中，無縱詭隨，聲動簡外，乃稱絕席之雄，直方之舉耳。啟者，開也。高宗云：啟乃心沃朕心，取其義也。孝景諱啟，故兩漢無稱。至魏國箋記，始云啟聞奏事之末，或云謹啟。自晉來盛啟，用兼表奏。陳政言事，既奏之異條，讓爵謝恩，亦表之別幹，必斂飭入規，促其音節，辨要輕清，文而不侈，亦啟之大略也。又表奏確切，號爲讜言。讜者，偏也。王道有偏，乖乎蕩蕩。其偏，故曰讜言也。孝成稱班伯之讜言，貴直也。自漢置八儀，密奏陰陽，囊阜封板，故曰封事。鼂錯受書，還上便宜。後代便宜，多附封事，慎機密也。夫王臣匪躬，必吐謇譏，事舉人存，故無待泛說也。

贊曰：阜飭司直，肅清風禁。筆銳干將，墨含淳醜。雖有次骨，無或膚浸。獻政陳宜，事必勝任。

〔急變〕（漢平帝紀）乙未，義陵寢神衣在桃中，丙申，旦衣在外床上，寢令以急變聞。（注）非常之事，故云急變。

〔王綰〕（秦本紀）秦初并天下，議帝號，丞相王綰等議曰：「陛下平定天下，海內爲郡縣，法令由一統，五帝所不及，古有天皇，有地皇，有秦皇；秦皇最貴。臣等昧死上尊號王爲秦皇。」

〔李斯〕（蔡質漢儀）李斯造驪山陵，上書曰：「臣所將隸徒七十餘萬，夫治驪山者，已深已極，鑿之不入，燒之不難，叩之空立，如下天狀。」

〔務農〕（漢食貨志）文帝即位，躬修儉節，思安百姓。時民近戰國，賈誼說上曰：「積貯者，天下之大命也。今毆民而歸之農，使天下各食其力。末技游食之民，轉而緣南晦，則蓄積足而人樂其所矣。」

【兵事】（龜錯傳）匈奴彊，數寇邊。上發兵以禦之，錯上言兵事。

【定郊】（漢郊祀志）成帝初即位，丞相匡衡等奏言帝王之事，莫大乎承天之序；承天之序，莫重於郊祀。宜於長安定南北郊，爲萬世基。天子從之。

【王吉】（王吉傳）吉疏曰：『安上治民，莫善於禮。願陛下與公卿大臣延及儒生，述舊禮，明王制，敝一世之民，躋之仁壽之域。』

【溫舒】（路溫舒傳）宣帝初即位，溫舒上書言宜尚德緩刑。

【谷永】（漢郊祀志）成帝末年，頗好鬼神，亦以無繼嗣，故多上書言祭祀方術者，皆得侍詔，祠祭上林苑中，谷永說上曰：『臣聞明於天地之性，不可惑以神怪，盛稱奇念鬼神，及言世有仙人，皆挾左道，懷詐僞，以欺罔世主。』

【揚棄】（楊棄傳）帝時微行幸河南尹梁胤所舍，是日大風拔樹，晝昏，棄固諫曰：『王者至尊，出入有常，况以先王法服，而私出槃游？設有非常之變，上負先帝，下悔靡及。』

【陳蕃】（陳蕃傳）時射嘗踰制，蕃上疏諫曰：『陛下宜採求得失，擇從忠善，尺一』

選舉，委尚書三公，使褒貶誅賞，各有所歸。」

〔張衡指摘〕（張衡傳）衡收檢遺文，畢力補綴，條上司馬遷班固、所敍與典籍不合者，十餘事。又以爲王莽本傳，但應載篡事而已；至於編年月，紀災祥，宜爲元后本紀；又宜以更始之號，建於光武之初。

〔朝儀〕 蔡邕（獨斷）正月朝賀三公，奉璧上殿，向御座北面。太常贊曰：「皇帝爲君興，三公伏。」皇帝坐，乃進璧舊儀，三公以下，月朝後省。常以六月朔，十月朔旦朝。後又以盛暑省六月朝。故今稱以爲正月十月朔朝也。冬至陽氣起，君道長，故賀；夏至陰氣起，君道衰，故不賀。

〔天文〕（高堂隆傳）青龍中，大治殿舍，有星宇於大辰。隆上疏曰：「今之宮室，實違禮度，乃更建立九龍，華飾過前，天慧章灼，始起於房心，犯帝座而干紫微。

此乃皇天子愛陛下。是以發教戒之象，欲必覺寤。陛下不宜有忽，以重大怒。」

〔王觀〕（魏志）觀字偉臺。

〔節省〕 魏王朗有節省奏。

〔劉頌〕（劉頌傳）除淮南相，頌在郡上疏言封國之制，宜如古典，及六州將士之役，凡數千言，詔褒美之。

〔溫嶠〕（溫嶠傳）太子起西池樓觀，頗爲勞費。嶠上疏以爲朝廷草創，巨寇未滅，宜儉以率下。太子納焉。

〔繩愆糾繆〕（書序）穆王命伯冏爲周太僕正，作冏命曰：『惟余一人無良，實賴左右前後有位之士，匡其不及，繩愆糾繆，格其非心，俾克紹先烈。今予命汝作大正，正于羣僕侍御之臣，懋乃后德，交修不逮。』

〔御史中丞〕（漢官公卿表）御史大夫、秦官，一曰中丞，在殿中蘭臺，掌圖籍祕書。外督部刺史，內領侍御史員十五人，受公卿奏，舉劾按章。

〔奏董賢〕（董賢傳）賢自殺王莽，復風。孔光，奏賢質性功佞，翼奸以獲封侯，治第造冢，不異王制。死後以砂書棺，至尊無以加。臣請收沒財物入縣官。

〔奏孔融〕（孔融傳）曹操令路粹枉奏融昔在北海，見王室不靜，欲規不軌，云我大聖之後，有大下者，何必卯金刀？

〔傅咸〕（傅咸傳）咸字長虞，剛簡有大節。顧榮與親。故書曰：『傅長虞爲司隸，勁直忠果，劾按驚人，雖非周才，偏亮可貴也。』

〔劉隗〕（劉隗傳）隗遷丞相，司直彈奏，不畏彊禦。

〔彈事〕六朝御史中丞劾奏，曰彈事。文選有沈休文任彥昇彈事。（王淮之傳）宋臺諫除御史中丞，爲百僚所憚。自彪之至，淮之四世居此職。淮之嘗作五言詩，范泰

嘲之：『卿能解彈事耳！』

〔鸚猩〕（曲禮）鸚鵡能言，不離飛鳥；猩猩能言，不離禽獸。今人而無禮，雖能言，不亦禽獸之心乎？

〔墨翟非儒〕（墨子非儒篇）貪于飲食，惰于作務，陷于饑寒，無以遠之。是苦入氣，羶鼠藏，而羝羊視黃麋起，君子笑之。

〔次骨〕（杜周傳）周少言重遲，而內深次骨。（註）其用法深刻至骨。

〔善罵〕（留侯世家）四皓曰：『陛下輕士善罵，臣等義不受辱，故恐而亡匿。』

〔踰垣〕（國語）君有短垣而自踰之。

〔捷徑〕（離騷）夫唯捷徑以窘步。

〔絕席〕（王常傳）常爲橫野大將軍，位次與諸將絕席。（註）絕席，謂顯之也。

漢官儀曰：『御史大夫代書令司隸校尉，皆專席，號三獨坐。』

〔讒言〕（漢書叙傳）禁中張畫屏風畫紂醉，鬪姐，作長夜之樂。上指畫問班伯，

伯對曰：『詩淫之戒，其原皆在於酒上。』迺喟然歎曰：『吾久不見班生，今

日復聞讒官！』

〔阜囊板〕（後漢禮儀志）日冬至，召太史令各板書封，以阜囊獨斷；凡章表皆啓

封，其言密事，得阜囊盛，

〔封事〕（霍光傳）上令吏得奏封事，不關尚書。

〔上便宜〕（鼂錯傳）大常遣鼂錯受尚書，伏生所述，因上便宜事。

〔審諤〕（陳蕃傳）竇太后優詔蕃曰：『忠孝之美，德冠本朝；審諤之操，華首彌

固。』

〔司直〕（百官公卿表）武帝元狩五年，初置司直，掌佐丞相，舉不法。

議對第二十四

周諮爰謀，是謂爲議。議之言宜，審事宜也。易之節卦，君子以制度數，議德
行。周書曰：議事以制，政乃弗迷；議貴節制，經典之體也。昔管仲稱軒轅有明臺
之議，則其來遠矣。洪水之難，堯咨四岳，宅揆之舉，舜疇五八，三代所興，詢及芻
蕘。春秋釋宋魯桓務議，及趙靈王胡服而季父爭論，商鞅變法而甘龍交辨。雖
憲章無算，而同異足觀。迄至有漢，始立駁議。駁者，雜也。雜議不純，故曰駁也。自
兩漢文明，楷式昭備，藹藹多士，發言盈庭。若賈誼之遍代諸生，可謂捷於議也。
至如主父之駁挾弓，安國之辨匈奴，賈捐之之陳於朱崖，劉歆之辨於祖宗，雖
質文不同，得事要矣。若乃張敏之斷輕侮，郭躬之議壇誅，程曉之駁校事，司馬
芝之議貨錢，何曾蠲出女之科，秦秀定賈充之諡，事實尤當，可謂達議體矣。漢
世善駁，則應劭爲首；晉代能議，則傅咸爲宗。然仲瑗博古而銓貫有敘，長虞識

治而屬辭枝繁。及陸機斷議，亦有鋒穎，而諛辭弗剪，頗累文骨。亦各有美，風格存焉。夫動先擬議，明用稽疑，所以敬慎羣務，弛張治術，故其大體所資，必樞紐經典，採故實於前代，觀過變於當今，理不謬搖其枝，字不妄舒其藻。又郊祀必洞於禮，戎事必練於兵，田穀先曉於農，斷訟務精於律，然後標以顯義，約以正辭。文以辨潔爲能，不以繁縟爲巧；事以明覈爲美，不以深隱爲奇。此綱領之大要也。若不達政體，而舞筆弄文，支離構辭，穿鑿會巧，空騁其華，固爲事實所摺，設得其理，亦爲遊辭所埋矣。昔秦女嫁晉，從文衣之媵，晉人貴媵而賤女，楚珠鬻鄭，爲薰桂之積，鄭人買積而還珠，若文浮於理，未勝其本，則秦女楚珠，復在於茲矣。

又對策者，應詔而陳政也；射策者，探事而獻說也。言中理準，譬射候中的，二名雖殊，卽議之別體也。古之造士，選事考言，漢文中年始舉賢良，晁錯對策，

蔚爲舉首。及孝武益明，旁求俊乂，對策者以第一登庸，射策者以甲科入仕，斯固選賢要術也。觀鼂氏之對，證驗古今，辭裁以辨，事通而贍，超升高第，信有徵矣。仲舒之對，祖述春秋，本陰陽之化，究列代之變，煩而不厭，者事理明也。公孫之對，簡而未博，然總要以約，文事切而情舉，所以太常居下，而天子擢上也。杜欽之對，略而指事，辭以治宣，不爲文作。及後漢曹丕，辭氣質素，以儒雅中策，獨入高第。凡此五家，並前明代之範也。魏晉已來，稍務文麗，以文紀實，所失已多。及其來選，又稱疾不會，雖欲求文，弗可得也。是以漢飲博士，而雉集乎堂；晉策秀才，而興興於前。無他怪也，選失之異耳！夫駁議偏辨，各執異見；對策揄揚，大明治道。使事深於政術，理密於時務，酌三五以鎔世，而非迂緩之對談；馭權變以拯俗，而非刻薄之僞論；風恢恢而能遠，流洋洋而不溢；王庭之美對也，難矣哉！士之爲才也，或練治而寡文，或工文而疎治，對策所選，實屬通才；志足文遠，

不其鮮歟？

贊曰：議惟疇政，名實相課。斷理必綱，摛辭無懦。對策王庭，同時酌和。治體高秉，雅謨遠播。

〔明臺〕（管子）黃帝立明臺之議者，上觀於言也。

〔釋宋〕（春秋）僖公二十二年，公會諸侯盟于薄，釋宋公。（公羊傳）執未有言釋之者，此其言釋之何。公與爲爾也。公與爲爾，奈何？薄公議爾也。（按）魯桓公無議釋宋事，桓當作僖。

〔胡服〕（趙世家）傅武靈王欲胡服，公子成曰：『中國者，賢聖之所教也。今王舍此而襲遠方之服，變古之教，逆人之心。』王曰：『儒者一師而俗異，中國同禮而教離。今叔之所言者，俗也，吾之所言者，所以制俗也。』公子成曰：『王將繼簡襄之意，順先王之志，臣敢不聽命乎？』

〔變法〕（商君列傳）孝公既用衛鞅，鞅欲變法，甘龍曰：『聖人不易民而教，知者不變法而治。』鞅曰：『龍之所言，世俗之言也。三代不同禮而王，五伯不同法而

伯。』孝公曰：『善！』卒定變法之令。

〔駁議〕 見章表篇。

〔賈誼〕 (賈誼傳) 誼爲博士，每詔令議下，諸老先生不能言，賈生盡爲之對，人人各如其意所欲出，諸生于是以爲能，文帝說之。

〔駁挾弓〕 (吾邱壽王傳) 公孫弘奏言禁民毋得挾弓弩，上便下其議。壽王對曰：『臣恐邪人挾之，而吏不能止；良民以自備，而抵法禁：是擅賊威而奪民救也。』上以難弘，弘詘服焉。(按) 非主父偃事。

〔辨匈奴〕 (韓安國傳) 武帝時，匈奴請和親，大行王恢議伏兵襲擊，安國曰：『匈奴，輕疾悍亟之兵也，至如焱風，去如收電，難得而制，今使邊郡久廢，耕織以支胡之常事，其勢不相權也。臣故曰勿擊使。』

〔陳朱崖〕 朱崖當作珠崖 (賈捐之傳) 珠崖又反，上使王商詰問捐之，捐之對曰：『臣愚以爲非冠帶之國，禹貢可及，春秋所治，皆可，且無以爲願。』遂棄珠崖，專用恤關東爲憂。

〔辨祖宗〕（劉歆武帝廟不宜毀議）孝武皇帝南滅百粵，北攘匈奴，至今累世賴之。天子三昭三穆，與太祖之廟而七。孝宣皇帝舉公卿之議。既以爲世宗之廟，臣愚以爲不宜毀。

〔斷輕侮〕（張敏傳）建初中有人侮辱人父者，而其子殺之，肅宗賞其死刑，自後因以爲比，遂定議以爲輕侮法。敏駁議曰：「使執憲之吏，得設巧詐；非所以導在醜不爭之義。可下三公廷尉，蠲除其敝。」議寢不省，敏復上疏，和帝從之。

〔議擅誅〕（郭躬傳）竇固出擊匈奴，秦彭爲副。彭在別屯，竇以法斬人。固奏彭專擅，請誅之。顯宗乃引公卿朝臣，平其罪科。躬曰：「漢制檠戟，即爲斧鉞，於法不合罪。」帝從躬議。

〔駁校事〕（魏志）程曉嘉平中爲黃門侍郎時，校事放橫，曉上疏，遂罷校事官。

〔議貨錢〕（司馬芝傳）先是，文帝罷五銖錢，令民以穀幣爲市。至明帝時，巧爲滋多，芝議以用錢非獨豐國，亦以省刑，從之。

〔出女科〕（晉刑法志）魏法，犯大逆者，誅及出已之女母。邱儉之誅其子旬，妻

荀氏，應坐死，詔聽離婚。荀氏所生女芝，爲劉子元妻，亦坐死。以懷妊繫獄，荀氏辭謂司禁校尉何曾，乞恩，求沒爲官婢，以贖芝命，曾哀之，使主簿程咸止議曰：『男不得罰於他族，而女獨嬰戮於二門。臣以爲在室之女，從父母之誅，旣醮之婦，從夫家之罰，宜改舊科，以爲永制。』

〔定賈充謚〕（秦秀傳）賈充薨，謚謚。秀議曰：『充以異姓爲後，絕祖父之血食，開朝廷之禍門，謚法昏亂紀度曰荒，請謚荒。』

〔應劭〕（應劭傳）劭凡爲駁義二十篇。

〔仲瑗〕（應劭傳）劭字仲遠。（注）續漢書文士傳：作仲瑗；漢宮儀，又作仲瑗。

〔昔媵賤女買櫝還珠〕（韓子）昔秦伯嫁其女於晉公子，令晉爲之飾裝，從有文之媵

七十人至晉，晉人愛其妾而賤公女，此可謂善嫁妾而未可謂善嫁女也，楚人有賣其珠於鄭者，爲木蘭之櫝，黃桂椒之櫝，綴以珠玉，飾以玫瑰，輔以翡翠。鄭人買其櫝而還其珠。此可謂善賣櫝矣，未可謂善鬻珠也！

〔射策對策〕（蕭望之傳）望之以射策甲科爲郎。（注）射策者，謂爲難無疑義，書

之於策，量其大小，署爲甲乙之科，列而置之，不使彰顯；有欲射者，隨其所取，得而釋之，以知優劣。射之言，投射也，對策者，顯問以政事經義，令各對之，而觀其文辭，定高下也。

〔舉賢良〕

〔龜錯傳〕詔有司舉賢良文學士，對策者百餘人，錯爲高第。

〔仲舒〕

〔董仲舒傳〕仲舒少治春秋。武帝即位，舉賢良文學之士，前後百數，而仲舒以賢良對策舉首。

舒以賢良對策舉首。

〔公孫對〕

〔平津侯傳〕公孫弘使何奴還，不合上意，病免歸。元光五年，詔徵文學

，國人固推弘。弘至太常，太常令而徵儒士各對策百餘人，弘第居下策，奏天子，

擢弘對爲第一。

〔杜欽〕

〔杜欽傳〕二日蝕地震，詔舉賢良方正，能直言士，欽上對「云云。

〔魯丕〕

〔魯丕傳〕丕字叔陵，兼通五經，爲略世名儒，肅宗詔舉賢良方正，劉寬舉

丕。時對策者百有餘人，惟丕在高第，關東號之曰「五經復興魯叔陵。」

〔稱疾〕〔晉書〕元帝時，以天下喪亂，遠方孝秀不復策試，到卽除署，旣經略相定

，乃詔試，經有不中，科刺史太守免官，其後孝秀莫敢應命：有送至京師，皆以疾辭。

〔雉集〕（漢成帝紀）鴻嘉二年春，行幸雲陽，三月，博士行飲酒禮。有雉蜚集于庭，歷階升堂而雊。詔舉敦厚，有行義，能直言者，冀聞切言嘉謀。

〔麇興〕（晉五行志）咸和六年正月，會州郡秀孝於樂賢堂。有麇看予前，護之。孫盛以爲吉祥。夫秀孝天下之彥士，樂賢堂所以樂養賢也。自喪亂以後，風教陵夷，秀孝策試四科之實，麇興於前，或斯故乎。

〔志足文遠〕（左傳）仲尼曰：『志有之：言以足志，文以足言。不言誰知其志？言之無文，行而不遠。』

書記第二十五

大舞云：書用識哉？所以記時事也。蓋聖賢言辭，總爲之書。書之爲體，主言者也。揚雄曰：言心聲書，心畫也。聲畫形，君子小人見矣。故書者舒也；舒布其言

陳之簡牘，取象於夫，貴在明決而已。三代政暇，文翰頗疏；春秋聘繁，書介彌盛。繞朝贈士會以策，子家與趙宣以書，巫臣之遺子反，子產之諫范宣，詳觀四書，辭若對面。又子服敬叔進弔書于滕君，固知行人挈辭多，被翰墨矣。及七國獻書，詭麗輻輳，漢來筆札，辭氣紛紜。觀史遷之報任安，東方朔之難公孫，楊惲之酬會宗，子雲之答劉歆，志氣槃桓，各含殊采，並杼軸乎尺素，抑揚乎寸心。逮後漢書記，則崔瑗尤善。魏之元瑜，號稱翩翩，文舉屬章，半簡必錄。休璉好事，留意詞翰，抑其次也。嵇康絕交，實志高而文偉矣。趙至敍離，迺少年之激切也。至如陳遵占辭，百封各意，禰衡代書，親疏得宜。斯又尺牘之偏才也。詳總書體，本在盡言。言以散鬱陶，託風采，故宜條暢以任氣，優柔以懌懷，文明從容，亦心聲之獻酬也。若夫尊貴差序，則肅以節文。戰國以前，君臣同書。秦漢立儀，始有表奏。王公國內，亦稱奏書。張敞奏書於膠后，其義美矣。迄至後漢，稍有名品，公府奏

記而郢將奏牋，記之言志，進已志也。牋者表也，表職其情也。崔實奏記於公府，則崇讓之德音矣。黃香奏牋於江夏，亦肅恭之遺式矣。公幹牋記麗而規益，子桓弗論，故世所共遺。若略名取實，則有美於爲詩矣。劉廙謝恩喻切，以至陸機自理，情周而巧。牋之爲善者也。原牋記之爲式，旣上窺乎表，亦下睨乎書，使敬而不懾，簡而無傲。清美以惠其才，彪蔚以文其響。蓋牋記之分也。夫書記廣大，衣被事體，筆筭雜名，古今多品。是以總領黎庶，則有譜籍簿錄；醫歷星筮，則有方術占試；申憲逃兵，則有律令法制；朝市徵信，則有符契卷疎；百官詢事，則有關刺解牒；萬民達志，則有狀列辭諺。並述理於心，著言於翰。雖藝文之末品，而政事之先務也。故謂譜者，普也。注序世統事資周普。鄭氏譜詩，蓋取乎此。籍者，借也。歲借民力，條之於版。春秋司籍，卽其事也。簿者，圃也。草木區別，文書類聚。張湯李廣爲吏所簿，別情僞也。錄者，領也。古史世本，編以簡策，領其名數，故曰

錄也。方者隅也。醫藥攻病各有所主，專精一隅，故藥術稱方術者，路也算歷極數。見路乃明，九章積微，故以爲術。淮南萬畢，皆其類也。占者，覘也。星辰飛伏，伺候乃見。精觀書雲，故曰占也。式者，則也。陰陽盈虛，五行消息，變雖不常，而稽之有則也。律者，中也。黃鐘調起，五音以正，法律馭民，八刑克平，以律爲名，取中正也。令者，命也。出命申禁，有若自天。管仲下命如流水，使民從也。法者，象也。兵謀無方，而奇正有象，故曰法也。制者，裁也。上行於下，如匠之制器也。符者，孚也。徵召防僞，事資中孚。三代玉瑞，漢世金竹，末代從省，易以書翰矣。契者，結也。上古純質，結繩執契。今羌胡徵數，負販記緡，其遺風歟。卷者，束也。明白約束，以備情故，字形半分，故周稱判書。古有鐵券，以誓信誓，王褒髡奴，則券之疎也。疏者，布也。布置物類，撮題近意，故小券短書，號爲疏也。關者，閉也。出入由門，關閉當審。庶務在政，通塞應詳。韓非云：孫臏回，聖相也。而關於州部，蓋謂此也。刺者，達也。

詩人諷刺，周禮三刺，事敘相達，若針之通結矣。解者，釋也。解釋結滯，徵事以對也。牒者，葉也。短簡編牒，如葉在枝，濫舒截蒲，卽其事也。議政未定，故短牒咨謀。牒之尤密，謂之爲籤。籤者，纖密者也。狀者，貌也。體貌本原，取其事實，先賢表證，並有行狀，狀之大者也。列者，陳也。陳列事情，昭然可見也。辭者，舌端之文，通己於人，子產有辭，諸侯所賴，不可已也。諺者，直語也。喪言亦不及文，故弔亦稱諺。塵起淺言，有實無華，鄒穆公云：囊滿儲中，皆其類也。太誓曰：古人有言，牝雞無晨。大雅云：人亦有言，惟憂用老，並上古遺諺。詩書可引者也。至於陳琳諫辭，稱掩目捕雀，潘岳哀辭，稱掌珠伉儷，並引俗說而爲文辭者也。夫文辭鄙俚，莫過於諺，而聖賢詩書，採以爲談，况踰於此，豈可忽哉？觀此四條，並書記所總，或事本相通，而文意各異，或全任質素，或雜用文綺，隨事立體，貴乎精要。意少一字，則義闕，句長一言，則辭妨，並有司之實務，而浮藻之所忽也。然才冠鴻筆，多疎

尺牘譬九方堙之識駮足，而不知毛色牝牡也。言既身文，信亦邦瑞。翰林之士，思理實焉。

贊曰：文藻條流，託在筆札。既馳金相，亦運木訥。萬古聲薦，千里應拔。庶務百紛，因書乃察。

〔書用識哉〕 書益稷篇文。

〔揚雄云云〕 見法言問神篇。

〔簡牘〕 (杜預春秋序) 大事書之於策，小事簡牘而已。

〔象夫〕 見徵聖篇。

〔贈策〕 (左傳) 晉人患秦之用土會也，乃使魏壽餘僞以魏叛者以誘土會。土會行，繞朝贈之以策曰：『子無謂秦無人，吾謀適不用也。』

〔與書〕 (左傳) 晉侯不見鄭伯，以爲貳於楚也。鄭子家使執訊而與之書，以告趙宣子。

〔撥子反〕（左傳）楚子重子反以夏姬故，怨巫臣而殺其族，巫臣自晉遺二子書。

〔諫范宣〕（左傳）范宣子爲政，諸侯之幣重，宣人病之。子產寓書於子西，以告宣子。

〔進弔書〕（禮弓）滕成公之喪，使子服敬叔進弔書。

〔筆札〕（司馬相如傳）相如請爲天子游獵之賦，上令尚書給筆札。（注）札·木簡之薄小者；時未多用紙，故給札以書。

〔報任安〕（司馬遷傳）遷被刑之後，爲中書令，尊寵任職。故人益州刺史任安子書，責以古賢臣之義，遷報以書。

〔難公孫〕（公孫弘傳）武帝時，北築朔方，弘諫，以爲罷弊中國。上使朱買臣等難弘朔方之便，發十策，弘不得一。按（東方朔傳）有答客難，無難公孫弘事。

〔酬會宗〕（楊惲傳）惲失位家居，治產業，起室宅，以財自娛。友人孫會宗，知略士也，與惲書，諫戒之，惲報以書。

〔答劉歆〕（揚雄子雲集）有答劉歆書。

〔元瑜〕（魏文帝集與吳質書）元瑜書紀翩翩，致足樂也。

〔文舉〕（孔融傳）融字文舉。魏文帝深好融文辭，天下上融文章者，輒賞以金帛。

〔休璉〕（文章敍錄）應璩子休璉，博學好屬文，善爲書記文。

〔絕交〕（稽康傳）山濤將去選官。舉康自代：康乃與濤文告絕。

〔叙離〕（晉文苑傳）趙至與稽康兄子兄友善；及將遠適，乃與蕃書叙離，并陳其志。

〔陳遵〕（陳遵傳）起爲河南太守，既到官。治私書，謝京師故人。遵憑几口占。書吏且省官事。書數百封，親疎各有意。

〔禰衡〕（後漢文苑傳）禰衡爲黃祖作書記，輕從疎密，各得體宜。

〔獻酬〕（世說）人問撫軍殷浩談竟如何？答曰：「不能勝人，差可獻酬。」

〔君臣函書〕如樂毅報燕王，燕王謝樂簡，上下無別，同稱書也。

〔表奏〕（文章緣起表）淮南王安諫伐閩表，（奏）漢枚乘奏書吳王濞。

〔張敞〕（張敞傳）敞拜膠東相，到膠東。居頃之。王太后數出遊獵，敞奏書諫。

〔郡將〕（嚴延年傳）延年新將。（注）新爲郡將也。謂郡守爲郡將者，以其兼領武

事也。

〔崔實〕見子篇。

〔黃香〕（後漢文苑傳）黃香，字文疆，江夏安陸人。所著賦牋奏書令，凡五篇。

〔公幹〕劉楨，字公幹。按魏文帝與吳質書：公幹五言詩妙絕當時。而不言其牋記，

故云弗論。文帝字子桓。

〔劉廙〕（劉廙傳）魏颯反，廙弟偉爲颯所引，當相坐誅。太祖令曰：「叔向不坐弟

虎，古之制也。」特原不問，徙署丞相舍曹廙。廙上疏。謝曰：「起煙於寒灰之上

，生華於已枯之木：物不答施於天地，子不謝生於父母。」

〔陸機自理〕（陸機謝平原內史表）橫爲故齊王問誣臣與衆人共作禪文，幽執囹圄，

當爲誅始。臣乃崎嶇自列，片言變字，不關其問，字蹤筆迹，皆可推按。

〔辭〕（漢文志）帝王諸侯世譜二十卷，古來帝王年譜五卷。（劉杳傳）王僧孺撰

譜，訪杏風脈所因，杏云：「桓譚新論云：『太史三世表旁行邪上，並效周譜。』以此而推，當起周代。」

〔籍〕（蕭何世家）高祖入關，何獨先走相府收圖籍，以是具知天下戶口隱塞。

〔簿〕（漢食貨志）多張空簿。（注）簿，計算也。

〔錄〕（周禮）職幣振掌事者之餘財，皆辨其物而奠其錄。（注）定其錄籍。

〔方〕（漢藝文志）經方十一家。經方者，辨五苦六辛，致水火之濟，以通閉解結。

〔術〕（漢藝文志）凡數術百九十家。數術者，皆明堂義和史卜之職也。

〔占〕（漢藝文志）雜占十八家。雜占者，紀百事之象，候善惡之徵。

〔式〕（周禮）大師抱天時，與大師同車。（注）太史主抱式以知天時，處吉凶。釋

曰：據當時古文謂之式，以其見時候有灋式，故謂載天文者爲式。漢藝文志：羨門式法二十卷，羨門式二十卷。

〔律〕（漢刑法志）蕭何摭摭秦法。取其宜於時者。作律九章。

〔令〕（蕭望之傳）金布令甲。（注）金布者，令篇名也，其上有府庫金錢布帛之事

，因以篇名。令甲者，其篇甲乙次之。

〔法〕（周禮疏）齊景公時，夫田穰苴作司馬法。至六國時，齊威王大夫等追論古法，又作司馬法，附于穰苴。（漢藝文志）張良韓信，序次兵法。

〔制〕（禮記月令）命有司修法制，

〔符〕（東觀漢記）郭丹初之長安，從宛人陳兆買入關符。以入函谷關。既入，封符乞人曰：「不乘使者車，不出關。」

〔契〕（周禮）小宰之職，聽取予以書契。（注）書契謂出予受人之凡要，凡簿書之最目，獄訟之要詞，皆曰契。

〔券〕（周禮天官小宰）四曰聽稱責以傳別。（注）傳別，謂券書也。聽訟責者以券書決之。（地官質人）大市以質，小市以劑。（注）太布人民馬牛之屬。用長券，小市兵器珍異之物。用短券。

〔關刺〕（唐百官志）諸司相質，其制有三：一曰關，二曰刺，三曰移。

〔牒〕（左傳）右師不敢對，受牒而退。（正義）簡，牒也；牒，札也。

〔狀〕（楊引傳）引母終，經十三年哀慕不改。郡縣鄉里三百人。上狀稱美。

〔辭〕（周書）兩造具備，師聽五辭。五辭而孚，正于五刑。

〔譜詩〕（鄭元傳）（元所著毛詩譜注）元於詩禮論語，爲之作序，此譜亦序之類。

避子夏序名，以其列諸侯世及之次，謂之爲譜。

〔司籍〕（左傳）周景王謂籍談曰：『昔而高祖孫伯鸞司晉之典籍，以爲大政，故曰

籍氏。』

〔張湯〕（史記酷吏傳）天子以湯懷詐面欺使，使八輩簿責湯。（註）謂以文簿次第一一責之。

〔李廣〕（李廣傳）廣從大將軍擊匈奴，感失道，大將軍使長史急責廣之幕府對簿。

〔世本〕（班彪傳）左邱明有記錄黃帝以來至春秋時帝王公侯卿大夫，號曰世本，一

十五篇。（馬總意林）傅子曰：『楚漢之際，有好事者，作世本，上錄黃帝，下逮

漢末。』

〔九章〕（鄭元傳）始通京氏易，公羊，春秋，三統歷，九章算術，（註）三統歷，

劉歆所撰九章算術，周公作也，凡有九篇：方田一，粟米二，差分三，少廣四，均輸五，方程六，傍要七，盈不足八，鈞股九。

〔萬畢〕（龜策傳）臣爲郎時，見萬畢石朱方傳曰：「有神龜在江南嘉林中。」（注）萬畢術中有石朱方，方中說嘉林中，故云傳曰。淮南有畢萬術一卷。

〔書雲〕（左傳）凡分至啟閉，必書雲物。

〔黃鐘〕（漢律歷志）五聲之本，生于黃鐘之律。

〔管仲〕（管子）下令於流水之原者，令順民心也。

〔玉瑞〕（周禮）典瑞，掌玉瑞玉器之藏。（注）瑞，符信也。（五帝本紀）修五禮五玉。（注）卽五瑞也。

〔金竹〕（孝文本紀）初與郡國守相爲銅虎符，竹使符。

〔判書〕（周禮秋官）朝士凡有責者，有判書，以治則聽。（注）判，半分而合者。

〔鐵券〕（漢高帝紀）與功臣剖符作誓，丹書鐵券。

〔髯奴〕（王褒僮約）券文曰資中男子王子淵從成都安志里女子楊惠買夫，時戶下髯

奴，便了決賣萬五千奴，從百股，使不得有二言。

〔孫寶回〕（韓子）徐渠問田鳩曰：『陽城義集名將也，而措於毛伯公、孫寶回聖相

也，而關於州都，何哉？』田鳩曰：『此無他，主有度，上有術之故也。』

〔三刺〕（周禮）司刺，掌三刺三宥三赦之法，以贊司寇，聽獄訟，刺曰訊羣臣，

再刺曰訊羣吏，三刺曰訊萬民。

〔截蒲〕（路溫舒傳）溫舒取澤中蒲截以爲牒，編用寫書。

〔行狀〕（文章緣起）行狀：漢丞相倉曹傳：胡幹作楊元伯行狀。

〔子產〕（左傳）叔向曰：辭之不可以已也！子產有辭，諸侯賴之，若之何是釋辭也？

〔囊滿儲中〕（賈誼新書）鄒穆公令食鳧雁者必以糝，於是倉無糝而求易於民，二石

粟而易一石糝，吏請以糝粟食之，公曰：『去！非而所知也！汝知小計而不知大會

周諺曰：『囊滿貯中』有獨弗聞與？』

〔掩目捕雀〕（何進傳）袁紹等欲召外兵向京城以脅太后，進然之，陳琳諫曰：『易

稱即鹿無虞，諺有掩目捕雀；夫微物尚不可欺以得志，况國之大事，其可以詐立

乎？」

〔伉儷〕（潘黃門集）楊仲武誅序：子之姑，子之伉儷。

〔九方堙〕（淮南子）奏穆公使九方堙求馬，三月而反，報曰：「在於沙邱，牡而黃

。」使人往取之，牝而驪，穆公不說。伯樂曰：「若堙之所觀者，天機也，得其精而忘其粗，馬至而果千里之馬。」

〔翰林〕張揚賦：「藉翰林以爲主人」（注）翰，筆也；翰，文翰之多者林。

神思第二十六

古人云：形在江海之上，心存魏闕之下；神思之謂也。文之思也，其神遠矣。故寂然凝慮，思接千載；悄焉動容，視通萬里。吟咏之間，吐納珠玉之聲；眉睫之前，卷舒風雲之色。其思理之致乎？故思理爲妙，神與物遊；神居胸臆，而志氣統其關鍵；物沿耳目，而辭令管其樞機。樞機方通，則物無隱貌；關鍵將塞，則神有遯心。是以陶鈞文思，貴在虛靜；疏淪五藏，澡雪精神；積學以儲寶，酌理以富才，

研閱以窮照，馴致以懌辭，然後使元解之宰，尋聲律而定墨，燭照之匠，闡意象而運斤——此蓋馭文之首術，謀篇之大端。夫神思方運，萬塗競萌，規矩虛位，刻鏤無形，登山則情滿於山，觀海則意溢於海。我才之多少，將與風雲而並驅矣。方其擲翰，氣倍辭前，暨乎篇成，半折心始。何則？意翻空而易奇，言徵實而難巧也。是以意授於思，言授於意，密則無際，疎則千里。或理在方寸，而求之域表；或義在咫尺，而思隔山河。是以秉心養術，無務苦慮，舍章司契，不必勞情也。

人之稟才，遲速異分；文之制體，大小殊功。相如含筆而腐毫，揚雄輟翰而驚夢；桓譚疾感於苦思，王充氣竭於思慮；張衡研京以十年，右應練都以一紀；雖有巨文，亦思之緩也。淮南崇朝而賦騷，枚臯應詔而成賦；子建援牘如口誦，仲宣舉筆似宿構；阮瑀據案而制書，禰衡當食而草奏。雖有短篇，亦思之速也。若夫駿發之士，心總要術，敏在慮前，應機立斷。覃思之人，情饒歧路，鑿在疑後，

研慮方定，機敏故造次而成功，慮疑故愈久而致績，難易雖殊，並資博練。若學淺而空遲，才疎而徒速，以斯成器，未之前聞。是以臨篇綴慮，必有二患：理鬱者苦貧，辭溺者傷亂。然則博見爲饋貧之糧，貫一爲拯亂之藥。博而能一，亦有助乎心力矣。

若情數詭雜，體變遷貿；拙辭或孕於巧義，庸事或萌於新意。視布於麻，雖云未費；杼軸獻功，煥然乃珍。至於思表纖旨，文外曲致，言所不追，筆固知止。至精而後闡其妙，至變而後通其數。伊摯不能言鼎，輪扁不能語斤，其微矣乎。

贊曰：神用象通，情變所孕。花以貌求，心以理應。刻鏤聲律，萌芽比興。結慮司契，垂帷制勝。

〔江海魏闕〕（莊子）中山公子牟謂瞻子曰：『身在江海之上，心居乎魏闕之下，奈

何？』

〔關鍵〕（老子）善閉無關鍵而不可開。（小爾雅）鍵謂之鑰。

〔陶鈞〕（鄒陽傳）陽上書曰：「聖王制世御俗，獨化於陶鈞之上。」（註）陶家名轉者爲鈞，蓋取周回調鈞耳。言聖王制馭天下，亦猶陶人轉鈞。

〔定墨〕（禮玉藻）卜人定龜史定墨。

〔司契〕（陸機文賦）意司契而爲匠。

〔相知〕（枚臯傳）臯爲文疾，受詔輒成，故所賦者多。司馬相如善爲文而遲，故所作少而善於臯。

〔揚雅驚夢〕（桓譚新論）成帝幸甘泉，詔揚子雲作賦。倦臥，夢其五臟出在地，以手收內。

〔桓譚苦思〕（桓譚新論）余少時見揚子雲之麗文高論，而猥欲追及，嘗激一事而作小賦，用精思太劇。而立感動發病，彌日瘳。

〔王充〕（王充傳）充閉門潛思，著論衡二十餘萬言。年漸七十，志力衰耗，乃造性書十六篇，裁節嗜欲，頤神自守。

〔口誦〕（楊修答臨淄侯曹子建牋）嘗親見執事握牘持筆，有所造作，若成誦在心，

借書於手，曾不斯須，少留思慮。

〔宿構〕（王粲傳）粲字仲宣，善屬文，舉筆便成，無所改定，時人常以爲宿構。然正復精意殫思，亦不能加也。

〔既瑀據鞍〕（典略）太祖嘗使阮瑀作書與韓遂，瑀於馬上具草，書成呈之；太祖覽筆，欲有所定，而竟不能增損。

〔禰衡草奏〕（禰衡傳）劉表嘗與諸文人共草章奏，時衡出，還見之，開省未周，因毀以抵地，從求筆札，須臾立成，辭義可觀，表益重之。

〔應立斷〕（劉向新序）所以尙干將莫邪者，貴其立斷也。（陳琳策東阿王牋）沸鐘無聲，應機立斷。

〔伊摯〕（呂氏春秋）湯得伊尹，明日，設朝而見之，說湯以至味曰：『鼎中之變，精妙微纖，口弗能言，志弗能喻。』

〔輪扁〕（莊子）輪扁謂桓公曰：『以臣之事，觀之斲輪，徐則甘而不固，疾則苦而

入，不徐不疾，得之於手而應於心，口不能言，有數存焉於其間。」

體性第二十七

夫情動而言形，理發而文見，蓋沿隱以至顯，因內而符外者也。然才有庸儻，氣有剛柔；學有淺深，習有雅鄭；並情性所樂，陶染所凝，是以筆區雲譎，文苑波詭者矣。故辭理庸儻，莫能翻其才；風趣剛柔，寧或改其氣。事義淺深，未聞乖其學；體式雅鄭，鮮有反其習。各師成心，其異如面。若總其歸塗，則數窮八體：一曰典雅，二曰遠奧，三曰精約，四曰顯附，五曰繁縟，六曰壯麗，七日新奇，八曰輕靡。典雅者，鎔式經誥，方軌儒門者也；遠奧者，馥采典文，經理元宗者也；精約者，煖字省句，剖析毫釐者也；顯附者，辭直義暢，切理厭心者也；繁縟者，博喻釀采，焯燁枝派者也；壯麗者，高論宏裁，卓爍異采者也；新奇者，指古競今，危側趣詭者也；輕靡者，浮文弱植，縹緲附俗者也。故雅與奇反，奧與顯殊，繁與約舛，壯與

輕乖；文辭根葉，苑囿其中矣。若夫八體屢遷，功以學成。才力居中，肇自血氣。氣以實志，志以定言。吐納英華，莫非情性。是以賈生俊發，故文潔而體清；長卿傲誕，故理侈而辭溢；子雲沈寂，故志隱而味深；子政簡易，故趣昭而事博；孟堅雅懿，故裁密而思靡；平子淹通，故慮周而藻密；仲宣澡銳，故穎出而才果；公幹氣褻，故言壯而情駭；嗣宗倜儻，故慮周而調遠；叔夜雋俠，故興高而采烈；安仁輕敏，故鋒發而韻流；士衡矜重，故情繁而辭隱；觸類以推，表裏必符，豈非自然之恆資，才氣之大略哉？夫才有天資，學慎始習，斲梓染絲，功在初化；器成綵定，難可翻移。故童子雕琢，必先雅製；沿根討葉，思轉自圓。八體雖殊，會通合數，得其環中，則輻輳相成。故宜摹體以定習，因性以練才。文之司南，用此道也。

贊曰：才性異區，文辭繁詭。辭爲膚根，志實骨髓。雅麗黼黻，淫巧朱紫。習亦凝真，功沿漸靡。

〔簡易〕（劉向傳）向字子政，爲人簡易無威儀。

〔斲梓〕（周書）若作梓材，旣勤樸斲。

〔染絲〕（墨子）墨子見染絲者而歎曰：『染于蒼則蒼，染于黃則黃，故染不可不慎也！』

〔環中〕（莊子）樞始得其環中，以應無窮。

〔司〕（韓子）先王立司以端朝夕。（注）「司南」卽指南車也，以喻國之正法。

風骨第二十八

詩總六義，風冠其首；斯乃化感之本源，志氣之符契也。是以招悵述情，必始乎風；沉吟鋪辭，莫先於骨。故辭之待骨，如體之樹骸；情之含風，猶形之包氣。結言端直，則文骨成焉；意氣駿爽，則文風清焉。若豐藻克瞻，風骨不飛，則振采失鮮，負聲無力。是以綴慮裁篇，務盈守氣；剛健旣實，光輝乃新。其爲文用，譬征鳥之使翼也；故練於骨者，析辭必精；深乎風者，述情必顯。捶字堅而難移，結響

凝而不滯。此風骨之力也。若瘠義肥辭，繁雜失統，則無骨之徵也。思不環周，索莫乏氣，則無風之驗也。昔潘勗錫魏，思摹經典，羣才韜筆，乃其骨髓峻也。相如賦仙，氣號凌雲，蔚爲辭宗，迺其聲力適也。能鑿斯要，可以定文。茲術或違，無務繁采。故魏文稱文以氣爲主，氣之清濁有體，不可力強而致。故其論孔融則云：「氣體高妙。」論徐幹則云：「時有齊氣。」論劉楨則云：「有逸氣。」公幹亦云：「孔氏卓卓，信含異氣；筆墨之姓，殆不可勝並。」重氣之旨也。夫翬翟備色，而翮翥百步，肌豐而力沉也；鷹隼乏采，而翰飛戾天，骨勁而氣猛也。文章才力，有似于此。若風骨乏采，則鷲集翰林；采乏風骨，則雉竄文囿。唯藻耀而高翔，固文筆之鳴鳳也。若夫鎔鑄經典之範，翔集子史之術，洞曉情變，曲昭文體，然後能孚甲新意，雕畫奇辭。昭體故意，新而不亂；曉變故辭，奇而不黷。若骨采未圓，風辭未練，而跨略舊規，馳騫新作，雖獲巧意，危敗亦多。豈空結奇字，紕繆而成經矣。周書云：「辭尚體。」

要。弗惟好異；蓋防文濫也。然文術多門，各適所好。明者弗授，學者弗師。於是習華隨侈，流遁忘反。若能確乎正式，使文明以健，則風清骨峻，篇體光華，能研諸慮，何遠之有哉？

贊曰：情與氣偕，辭共體並。文明以健，珪璋乃騁。蔚彼風力，嚴此骨鯁。才鋒峻立，符采克炳。

〔剛健〕（易）象曰：大畜剛健，篤實耀光，日新其德。

〔征鳥〕（禮記月令）征鳥厲疾。

〔錫魏〕見詔策篇。

〔賦仙〕（司馬相如傳）相如以爲列仙之儒，居山澤間，形容甚曠，此非帝王之仙意也。乃遂奏大人賦，天子大悅，飄飄而凌雲氣，遊天地之間意。

〔魏文〕一文以氣爲主。云云，魏文帝典論詩文語也。

〔孔融徐幹〕（魏文帝集曲論論文）王粲長於辭賦；徐幹時有齊氣，然非粲之匹也。

孔融體實高妙，有過人者。然不能持論，理不勝辭，至於難以嘲戲及其所羨楊班、禰也。

〔劉楨逸氣〕（魏志）劉楨，字公幹。文帝書與吳質曰：「公幹有逸氣，但未遒耳！」

〔孚甲〕（晉疏）楊之莘甲，早於衆木；婚姻失時，曾木之不如也！（後漢章帝詔）

方春生養，萬物莘甲，宣助萌陽，以育時物。

〔奇字〕（揚雄傳）劉棻嘗從雄學作奇字。

通變第二十九

夫設文之體有常，變文之數無方。何以明其然耶？——凡詩賦書記，名理相因，此有常之體也。文辭氣力，通變則久，此無方之數也。名理有常體，必資於故實；通變無方數，必酌於新聲，故能騁無窮之路，飲不竭之源。然綆短者銜渴，足疲者綴塗，非文理之數盡，乃通變之術疎耳。故論文之方，譬諸草木，根幹麗土而同性，臭味晞陽而異品矣。是以九代詠歌，志合文則黃歌斷竹，質之至也。

唐歌在昔，則廣於黃世；虞歌卿雲，則文於唐時。夏歌雕牆，縵斷虞代；商周篇什，麗於夏年。至於序志述時，其揆一也。暨楚之騷，文矩式周人；漢之賦頌，影寫楚世。魏之策制，顧慕漢風；晉之辭章，瞻望魏采。推而論之，則黃唐淳而質，虞夏質而辨，商周麗而雅，楚漢侈而豔，魏晉淺而綺，宋初訛而新。從質及訛，彌近彌澹，何則？競今疎古，風味氣衰也。今木穎之士，刻意學文，多略漢篇，師範宋集，雖古今備閱，然近附而遠疎矣。夫青生於藍，絳生於蓀，雖踰本色，不能復化。桓君山云：「予見新進麗文，美而無採，及見劉揚言辭，常輒有得。」此其驗也。故練青濯絳，必歸藍蓀；矯訛翻淺，還宗經誥。斯斟酌乎質文之間，而鑿括乎雅俗之際，可與言通變矣！夫誇張聲貌，則漢初已極；自茲厥後，循環相因。雖軒翥出轍，而終入籠內，枚乘七發云：「通望兮東海，虹洞兮蒼天。」相如上林云：「視之無端，察之無涯。日出東沼，月生西陂。」馬融廣成云：「天地虹洞，固無端涯。大明

出東，月生西，陂「揚雄校獵云：「出入日月，天與地沓。」張衡西京云：「日月於是乎出入，象扶桑於濛汜。」此並廣寓極狀，而五家如一，諸如此類，莫不相循參伍，因革通變之數也。是以規略文統，宜宏大體，先博覽以精閱，總綱紀而攝契；然後拓衢路，置關鍵，長轡遠馭，從容按節，憑情以會通，負氣以適變，采如宛虹之奮鬢，光若長離之振翼，迺穎脫之文矣。若乃齷齪於偏解，衿激乎一致，此庭間之迴驟，豈萬里之逸步哉？

贊曰：文律運周，日新其業，變則其久，通則不乏。趨時必果，乘機無怯。望今制奇，參古定法。

〔綆短〕（莊子）綆短者不可以汲。

〔斷竹〕（吳越春秋）范蠡進善射者陳音。越王請音而問曰：「孤聞子善射，道何所

生？」音曰：「臣聞擊生於弓，弓生於彈，彈起於古之孝子，不忍見父母爲禽獸所

食，故作彈以守之。故歌曰：「斷竹續竹，飛土逐肉。」按所歌者，本黃帝時竹彈謠。

〔卿雲〕（尚書大傳）舜將禪禹，百工相和而歌卿雲。帝歌曰：「卿雲爛兮，糺縵縵兮！日月光華，旦復旦兮！」八伯咸進稽首而和歌曰：「明明上天，爛然是陳；日月光華，弘予一人。」

〔雕牆〕（書五子之歌）峻宇雕牆。

〔青藍〕（荀子）青出之藍而青於藍。

〔絳蒨〕（爾雅）（茹蘆注）合之蒨也，可以染絳。（疏）今染絳蒨也，一名茹蘆，一名茅蒐。（詩疏廣要注）本草茜根，可以染絳，一名蒨。

〔隱括〕（家語）自極於隱括之中。

〔宛虹〕（西京賦）瞰宛虹之長鬣。（注）宛，謂屈曲也；「鬣」，虹鬣也。

〔長離〕（張衡思元賦）前長離使拂羽兮。（注）「長離」。南方朱雀也。

〔穎脫〕（平原君傳）毛遂曰：「臣今日請處囊中耳！使遂蚤得處囊中，乃脫穎而出。」

，非特其未見而已。」

〔齷齪〕（張衡西京賦）獨儉奇以齷齪。（注）「齷齪」，小節也。（司馬相如難

父老）委瑣齷齪。（注）「齷齪」，局促也。

〔庭間迴驟〕（華辭哀命）騁騏驎于中庭兮，焉能極夫遠道？

定勢第三十

夫情致異區，文變殊術，莫不因情立體，卽體成勢也。勢者乘利而爲制也。如機發矢直，澗曲湍回，自然之趣也。圓者規體，其勢也自轉；方者矩形，其勢也自安。文章體勢，如斯而已。是以模經爲式者，自入典雅之懿；效騷命篇者，必歸豔逸之華。綜意淺切者，類乏醞藉；斷辭辨約者，率乖繁縟。譬激水不滯，稿木無陰，自然之勢也。

是以繪事圖色，文辭盡情。色綵而犬馬殊形，情交而雅俗異勢。鎔範所擬，

各有司匠。雖無嚴郭，雖得踰越。然淵乎文者，並總羣勢，奇正雖反，必兼解以俱通。剛柔雖殊，必隨時而適用。若愛典而惡華，則兼通之理偏。似夏人爭弓矢，執一不可以獨射也。若雅鄭而共篇，則總一之勢離。是楚人鬻矛譽楯，兩難得而俱售也。是以括囊雜體，功在銓別。宮商朱紫，隨劈各配。章表奏議，則準的乎典雅；賦頌歌詩，則羽儀乎清麗。符檄書移，則楷式於明斷。史論序注，則師範於覈要。箴銘碑誄，則體制於宏深。連珠七辭，則從事於巧豔。此循體而成勢，隨變而立功者也。雖復契會相參，節文互雜，譬五色之錦，各以木采爲地矣。桓譚稱文家各有所慕，或好浮華而不知實覈，或美衆多而不見要納。陳思亦云：「世之作者，或好煩文博採，深沉其旨者；或好離言辨白，分毫析釐者。所習不同，所務各異。」言勢殊也。

劉楨云：「文之體，指實強弱，使其辭已盡而勢有餘，天下一人耳，不可得

也。一公幹所談，頗亦兼氣，然文之任勢，勢有剛柔，不必壯言慷慨，乃稱勢也。又陸雲自稱往日論文，先辭而後情，尚勢而不取悅澤。及張公論文，則欲宗其言。夫情固先辭，勢實須澤，可謂先迷後能善矣。自近代辭人，率好詭巧，原其爲體，訛勢所變，厭黷舊式，暨穿鑿取新，察其訛意，似難而實無他術也。反正而已。故文反正爲乏，辭反正爲奇，效奇之法，必顛倒文句，上字而抑下，中辭而出外，回互不常，則新色耳。夫通衢夷坦，而多行捷徑者，趨近故也。正文明白，而常務反言者，適俗故也。然密會者以意新得巧，苟異者以失體成怪。舊練之才，則執正以馭奇，新學之銳，則遂奇而失正。勢流不反，則文體遂弊。秉茲情術，可無思耶？

贊曰：形生勢成，始末相承，湍迴似規，矢激如繩。因利騁節，情采自凝。枉轡學步，力止襄陵。

〔醞藉〕

（薛廣德傳）

廣德爲人，溫雅有醞藉。

（注）

「醞」

，言如醞釀也；「藉」

，

，有所薦藉也。

〔邪〕（說文）「邪」，郭也。（西京賦）經城洫，營郭邪。

〔鬻矛舉楯〕（韓子）客曰：「人有鬻矛與楯者，譽其楯之堅，物莫能陷也。俄而又

譽其矛曰：「吾矛之利，於物無不陷也。」有應之曰：「以子之矛，陷子之楯，何如？」其人弗能應也？」

〔欲宗其言〕（陸清河集）與兄平原書：「往日論文，先辭而後情，尚勢而不取悅澤

、嘗憶兄道張公父子論文、實欲自得，今日便欲宗其言。」

〔反正〕（左傳）文反正爲乏。

情采第三十一

聖賢書辭，總稱文章，非采而何？夫水性虛而淪漪結，木體實而花萼振，文附質也。虎豹無文，則鞞同犬羊；犀兕有皮，而色資丹漆；質待文也。若乃綜述性靈，敷寫器象，鏤心鳥跡之中，織辭魚網之上，其爲彪炳，縉采名矣。故立文之道，

其理有三：一曰形文，五色是也；二曰聲文，五音是也；三曰情文，正性是也。五色雜而成黼黻，五音比而成韶夏，五情發而爲辭章，神理之數也。孝經垂典，喪言不文，故知君子常言，未嘗質也。老子疾僞，故稱美言不信，而五千精妙，則非棄美矣。莊周云：辯雕萬氣，謂藻飾也。韓非云：豔采辯說，謂綺麗也。綺麗以豔說，藻飾以辯雕，文辭之變，於斯極矣！研味李老，則知文質附乎性情，詳覽莊韓，則見華實過乎淫侈。若擇源於涇渭之流，按轡於邪正之路，亦可以馭文采矣。夫鉛黛所以飾容，而盼倩生於淑姿；文采所以飾言，而辯麗本於情性。故情者文之經，辭者理之緯。經正而後緯成，理定而後辭暢。此立文之本源也。昔詩人什篇爲情而造文，辭人賦頌爲文而造情，何以明其然？蓋飛雅之興，志思蓄憤，則吟詠情性，以諷其上；此爲情而造文也。諸子之徒，心非鬱陶，苟馳夸飾，鬻聲釣世，此爲文則造情也。故爲情者要約而寫真，爲文者淫麗而煩濫。而後之作，者探

澀忽真，遠棄風雅，近師辭賦，故體情之製日疎，逐文之篇愈盛。故有志深軒冕，而汎詠臯壤；心纏幾務，而虛述人外。真宰弗存，翻其反矣！夫桃李不言而成蹊，有實存也；男子樹蘭而不芳，無其情也。夫以草本之微，依情待實，况乎文章，述志爲本，言與志反，文豈足徵？是以聯辭結采，將欲明經，采濫辭詭，則心理愈翳，固知翠綸桂餌，反所以失魚；言隱榮華，殆謂此也。是以衣錦褻衣，惡文太章，賁象窮白，貴乎反本。夫能設謨以位理，擬地以置心，心定而後結音，理正而後摛藻，使文不滅質，博不溺心，正采耀乎朱藍，間色屏於紅紫，乃可謂雕琢其章，彬彬君子矣。

贊曰：言以文遠，誠哉斯驗。心術旣形，英華乃贍。吳錦好渝，舜英徒豔。繁采寡情，味之必厭。

〔犀兕〕（左傳）華元答城者謳曰：「牛則有皮，犀兕尙多。」役人又歌曰：「縱其

有皮，丹漆若何？』

〔鳥跡〕 見原道篇。

〔魚網〕 (東觀漢記) 雷門蔡倫典作上方，用樹皮及敝布魚網作紙，帝善其能，自是莫不用，天下咸稱蔡侯紙也。

〔美言不信〕 (老子) 信言不美，美言不信。

〔五千〕 (老子傳) 著書上下篇，言道德之意，五千餘言。

〔辯雕〕 (莊子) 古之玉天下者，知雖落天地，不自慮也；辯雖雕萬物，不自說也。

〔涇渭〕 (詩) 涇以渭濁，湜湜其沚。(傳) 涇渭相入，而清濁異。

〔臯壤〕 (莊子) 山林與臯壤與！使我欣欣然而樂與！

〔人外〕 (宋書隱逸傳) 孔淳之遇釋法崇，因留共止，遂停三載。法崇歎曰：『緬想人外三十年矣，今乃傾蓋於茲，不覺老之將至也！』

〔真宰〕 (莊子) 若有真宰而特不得其朕。

〔桃李〕 (李廣傳) 桃李不言，下自成蹊。

〔樹蘭〕（淮南子）男子樹蘭，美而不芳。

〔翠綸桂餌〕（闕子）以桂爲餌，鍛黃金之鈎，錯以銀碧，垂翡翠之綸。

〔言隱〕（莊子）言隱於榮華。

〔賁象〕（易賁）上九白賁无咎。

〔摘藻〕（洪書序傳）摘藻如春華。

〔舜英〕（詩）有女同行，顏如舜英。傳「舜」，木槿也，其華朝生暮落。

鎔裁第三十二

情理設位，文采行乎其中；剛柔以立本，變通以趨時。立本有體，意或偏長，趨時無力，辭或繁雜。蹊要所司，職在鎔裁。槩括情理，矯揉文采也。規範本體謂之鎔，剪截浮詞謂之裁。裁則蕪穢不生，鎔則綱領昭暢。譬繩墨之密分，斧斤之斷削矣。駢拇技指，由侈於性；附贅懸疣，實侈於形。二意兩出，義之駢枝也；同辭重句，文之臃贅也。凡思緒初發，辭采苦雜，心非權衡，勢必輕重，是以草創鴻筆，

先標三準。履端於始，則設情以位體；舉正於中，則酌事以取類；歸餘於終，則撮辭以舉要。然後舒華布實，獻替節文。繩墨以外，美材既斲，故能首尾圓合，條貫統序。若術不素定，而委心逐辭，異端叢至，駢贅必多。故三準既定，次討字句。句有可削，足見其疎；字不得減，乃知其密。精論要語，極略之體；游心竄句，極繁之體。謂繁與略，隨分所好，引而伸之，則兩句數爲一章，約以貫之，則一章刪成兩句。思贍者善敷，才覈者善刪。善刪者字去而意留，善敷者辭殊而意顯。字刪而意闕，則短之而非覈；辭敷而言重，則蕪穢而非贍。昔謝艾、王濟、西河文士、張俊以爲艾繁而不可刪，濟略而不可益。若二子者可謂練鎔裁而曉繁略矣。至如士衡才優，而綴辭尤繁；士龍思劣，而雅好清省。及雲之論機，亟恨其多，而稱清新相接，不以爲病；蓋崇友丁耳。夫美錦經衣，修短有度，雖翫其采，不倍領袖，巧猶難繁。况在乎拙，而文賦以爲榛楛，勿剪庸音，足曲其識，非不鑒乃情苦芟繁。

也。夫百節成體，共資榮衛，萬趣會文，不離辭情。若情周而不繁，辭運而不濫，非夫鎔裁，何以行之乎？

贊曰：篇章戶牖，左右相敞，解如川流，溢則汎濫，權衡損益，斟酌濃淡。芟繁剪穢，弛於負擔。

【駢拇】

（莊子）駢拇，枝指，出乎性哉，而侈於德；附贅懸疣，出乎形哉，而侈於性。

【鬻艾】

（張重華傳）主簿謝艾兼資文武。

【清新】

（陸清河集）與兄機書：「兄文章之高遠絕異，不可復稱善；然猶皆欲微多

，但清新相接，不以此爲病耳。」

【榛楛】

（陸機文賦）石韞玉而山暉，水懷珠而川媚；彼榛楛之勿剪，亦蒙榮于集翠

。（註）榛楛，「喻庸音也。以「珠玉」之句既存，故「榛楛」之辭亦美也。

【庸音】

（文賦）放庸音以足曲。

【榮衛】

（內經）榮衛不行，五藏不通。

聲律第三十三

夫音律所始，本於人聲者也。聲含宮商，肇白血氣。先王因之以制樂歌。故知器寫人聲，聲非學器者也。故言語者，文章神明，樞機吐納，律呂唇吻而已。古之教歌，先揆以法，使疾呼中宮，徐呼中徵，夫商徵響高，宮羽聲下，抗喉矯舌之差，攢唇激齒之異，廉肉相準，皎然可分。今操琴不調，必知改張，摘文乖張，而不識所調，響在彼絃，乃得克諧，聲萌我心，更失和律，其故何哉？良田內聽，難爲聰也。故外聽之易，絃以手定；內聽之難，聲與心紛。可以敷求，難以辭逐。凡聲有飛沈，響有雙疊。雙聲隔字，而每舛疊韻，雜句而必睽沈，則響發而斷，飛則聲颺，不還並轉，轆交往，逆鱗相比。迂其際會，則往蹇來連。其爲疾病，亦文家之吃也。夫吃文爲患，生於好詭，逐新趣異，故喉唇糾紛，將欲解結，務在剛斷。左礙而尋右，末滯而討前，則聲轉於吻，玲玲如振玉，辭靡於耳，纒纒如貫珠矣。是以聲畫妍

崑寄在吟咏吟咏滋味，流於字句，氣力窮於和韻，異音相從謂之和，同詠相應謂之韻，韻氣一定，故餘聲易遺，和體抑揚，故遺響難契，屬筆易巧，選和至難，綴文難精，而作韻甚易。雖纖意曲變，非可縷言，然振其大綱，不出茲論。

若夫宮商大和，譬諸吹籥，翻迴取均，頗似調瑟。瑟資移柱，故有時而乖貳；籥合定管，故無往而不壹。陳思潘岳，吹籥之調也；陸機左思，瑟柱之和也。概舉而推，可以類見。又詩人綜韻，率多清切，楚辭辭楚，故訛韻實繁。及張華論韻，謂士衡多楚，文賦亦稱知楚不易，可謂銜靈均之聲餘，失黃鍾之正響也。凡切韻之動勢，若轉圜訛音之作，甚於柄方，免乎柄方，則無大過矣。練才洞鑿，剖字鑽響，識疎闊略，隨音所遇，若長風之過籟，南郭之吹竽耳。古之佩玉，左宮右徵，以節其步，聲不失序，音以律文，其可忘哉？

贊曰：標情務遠，比音則近。吹律胸臆，調鍾唇吻，聲得鹽梅，響滑榆槿，割棄

支離，宮商難隱。

〔古之教歌云云〕 見韓子

〔廉肉〕（禮樂記）先王制雅頌之聲以導之。使其曲直繁瘠，廉肉節奏，足以感動人之善心而已矣。

〔改張〕（董仲舒策）竊嘗之琴瑟不調，甚者必解而更張之，乃可鼓也。

〔雙聲疊韻〕（謝莊傳）王元譔問莊：『何者爲雙聲？何者爲疊韻？』答曰：『互護爲雙聲，礮礪爲疊韻。』

〔轆轤〕（詩評）單轆轤韻者，單出單入，兩句換韻，雙轆轤韻者，雙出雙入，四句換韻。

〔往蹇來連〕 易蹇卦六爻四爻辭。

〔吃〕（韓非傳）非爲人口吃，不能道說，而善著書。（注）「吃」語難也。

〔疊疊〕（禮樂記）倂中短，句中絢，疊疊乎端如貫珠。

〔和韻〕 楊慎曰：「東重是和，東中是韻。」

〔吹籥〕（公羊傳去籥注）籥所吹以節舞也。吹籥而舞，文樂之長。

〔取均〕（楊收傳）旋宮以七聲爲均；均之爲言韻也。

〔調瑟〕（楊子法言）以往聖人之法治，將來譬猶膠柱而調瑟。

〔柄方〕（宋玉九辯）圓鑿而方柄兮，吾固知其鉏鋸而難入。（注）柄刻木端，所以入鑿。

〔吹竽〕（韓子）南郭處士爲齊宣王吹竽，宣王悅之，廩食以數百人。湣王立，好一而聽之，處士逃。

〔左宮右徵〕（禮玉藻）古之君子，必佩玉；右徵角，左宮羽。趨以采齊，行以肆夏。

〔調鍾〕（楊雄傳）師曠之調鍾竣，知音者之在後也。（注）晉中公鍾工者，以爲調矣，師曠曰：『臣竊聽之，知其不調也。』至於師涓而果知鍾之不調，是師曠欲善調之，鍾爲後世之有知音。

〔榆檣〕（禮內則）董苴扮榆，免薨滌澆以滑之。

章句第三十四

夫設情有宅，置言有位。宅情曰章，位言曰句。故章者明也，句者局也。局言者聯字以分疆，明情者總義以包體。區畛相異，而衢路交通矣。夫人之立言，因字而生句，積句而成章，積章而成篇。篇之彪炳，章無疵也；章之明靡，句無玷也；句之清英，字不妄也。振本而末從，知一而萬畢矣。夫裁文匠筆，篇有大小，離章合句，調有緩急。隨變適會，莫見定準。句司數字，待相接以爲用；章總一義，須意窮而成體。其控引情理，送迎際會，譬取容迴環，而有綴兆之位；歌聲靡曼，而有抗墜之節也。尋詩人擬喻，雖斷章取義，然章句在篇，如繭之抽緒。原始要終，體必鱗次。啟行之辭，逆萌中篇之意；絕筆之言，追媵前句之旨。故能外文綺交，內義脈注，附萼相銜，首尾一體。若辭失其朋，則羈旅而無友；事乖其次，則飄寓而不安。是以搜句忌於顛倒，裁章貴於順序。斯固情趣之指歸，文筆之同致也。若夫筆句無常，而字有條數。四字密而不促，六字格而非緩；或變之以三五，蓋應

機之權節也。至於詩頌大體，以四言爲正，唯祈父肇禮，以二言爲句，尋二言肇於黃世，竹彈之謠是也；三言興於虞時，元首之詩是也；四言廣於夏年，洛汭之歌是也；五言見於周代，行露之章是也；六言七言，雜出詩騷，而（疑有脫字體）之篇成於兩漢，情數運周，隨時代用矣。

若乃改韻從調，所以節文辭氣，賈誼枚乘，兩韻輒易；劉歆桓譚，百句不遷；亦各有其志也。昔魏武論賦，嫌於積韻，而善於資代；陸雲亦稱四言轉句，以四句爲佳。觀彼制韻，志同枚賈，然兩韻輒易，則聲韻微躁；百句不遷，則唇吻告勞；妙才激揚，雖觸思利貞，曷若折之中和，庶保無咎。又詩人以兮字入於句限，楚辭用之，字出句外。尋兮字成句，乃語助餘聲；舜詠南風，用之久矣，而魏武弗好，豈不以無益文義耶？至於夫惟蓋故者，發端之首唱，之而於以者，乃筭句之舊體乎哉。矣也。亦送末之常科。據事似閑，在用實切巧者，迴運彌縫文體，將令數

句之外，得一字之助矣。外字難謬，况章句歟？

贊曰：斷章有檢，積句不恆，理資配主，辭忌失朋。環情章調，宛轉相騰，離合同異，以盡厥能。

〔明也局也〕（詩關雎疏）章者，明也；總義包體。所以明情也。句者，局也，聯字分疆，所以局言也。

〔區畛〕（蜀都賦）瓜疇芋區。（注）「區」，界畔也。（周禮）十夫有溝，溝上有畛，畛有界。

〔綴兆〕（禮樂記）行其綴兆，要其節奏，行列得正焉。（注）「綴兆」舞位也。

〔抗墜〕（禮樂記）歌者上如抗，下如墜，曲如折，止如藁木。

〔啓行〕（詩小雅）「元戎十乘，以先啓行。」「啓行」，喻「始」也。

〔附蕀〕（詩小雅）鄂不鄂不，當作附韡。韡（箋）承華者曰韡。華下有鄂，鄂下有附。由華以覆鄂，鄂以承附。「鄂」，足也，（疏）鄭以華華鄂拓覆而光明，猶兄

弟相順而榮顯。

〔祈父〕（小雅）祈父子王之爪牙。

〔肇禋〕（周頌）肇禋迄用，有成維周之禎。

〔竹彈謠〕 見通變篇。

〔元首〕（虞書）帝庸喜哉！元首作歌哉！股肱哉，臯陶乃賡載歌曰：「元首明哉！股肱良哉！庶事康哉！」百工熙哉！」（按）「哉」爲誤助。以喜起熙，明良康爲韻，是三言也。

〔洛汭〕 見夏書五子之歌。

〔行露〕 見明詩篇。

〔六言七言〕 同上。

〔南風〕 同上。

〔配主〕（易豐）初九遇其配主。

麗辭第三十五

造化賦形，支體必雙；神理爲用，事不孤立。夫心生文辭，運裁百慮，高下相須，自然成對。唐虞之世，辭未極文，而臯陶贊云：「罪疑惟輕，功疑惟重。」益陳謨云：「滿招損謙受益。」豈營麗辭，率然對爾！易之文繫，聖人之妙思也。序乾四德，則句句相銜；龍虎類感，則字字相麗；乾坤易簡，則宛轉相承；日月往來，則隔行懸合；離句字或殊，而偶意一也。至於詩人偶章，大夫聯辭，奇偶適變，不勞經營，自揚馬張蔡，秦盛麗辭，如宋晝吳洽，刻刑鏤法，麗句與深采並流，偶意共逸韻俱發。至魏晉羣才，析句彌密，聯字合趣，剖毫析釐，然契機者入巧，浮假者無功，故麗辭之體，凡有四對。言對爲易，事對爲難，反對爲優，正對爲劣。言對者雙比，空辭者也；事對者並舉人驗者也；反對者，理殊趣合者也；正對者，事異義同者也。長卿上林賦云：「修容乎禮園，翱翔乎書圃。」此言對之類也。宋玉神女賦云：「毛牆鄣袂，不足程式；西施掩面，比之無色。」此事對之類也。仲宣登

樓云：「鍾儀幽而楚奏，莊鳥顯而越吟。」此反對之類也。孟陽七哀云：「漢祖想枌榆，光武思白水。」此正對之類也。凡偶辭胸臆，言對所以爲易也。徵人之學，事對所以爲難也。幽顯同志，反對所以爲優也。並貴共心，正對所以爲劣也。又以事對，各有反正。指類而求，萬條自照然矣。

張華詩稱「遊鴈比翼翔，歸鴻知接翻。」劉琨詩言「宣尼悲獲麟，西狩洩孔邱。」若斯重出，卽對我之駢枝也。是以言對爲美，貴在精巧。事對所先，務在允當。若兩事相配而優劣不均，是驥在左，騶爲右服也。若夫事或孤立，莫與相偶，是夔之一足，跨蹕而行也。若氣無奇類，文乏異采，碌碌麗辭，則昏睡耳目。必使理圓事密，聯璧其章，迭用奇偶，節以雜佩，乃其貴耳。類此而思，理自見也。

贊曰：體橫必兩，辭動有配。左提右挈，精味兼載。炳燦聯華，鏡靜含態。玉潤

雙流，如彼珩珮。

〔皋陶贊〕 見虞書大禹謨。

〔益陳謨〕 同上。

〔文繫〕 (易文言) 元者，善之月也；亨者，嘉之會也；利者：義之和也；貞者 事之幹也。君子體仁足以長人；嘉會足以合體，利物足以和義；貞固足以幹事。(又) 同聲相應，同氣相求；水流濕，火就燥；雲從龍，風從虎。(繫辭) 乾道成男，坤道成女。乾知大始，坤作成物。乾以易知，坤以簡能。易則易知，簡則易從。易知則有親，易從則有功。有親則可久；有功則可大。可久則賢人之德；可大則賢人之業。(又) 日往則月來，月往則日來；日月相推而明生焉。寒往則暑來，暑往則寒來；寒暑相推而歲成焉。

〔宋畫〕 (莊子) 宋元君將畫圖，衆史皆至。有一史後至者，檀檀然不趨，受揖不立。因之舍公使人視之，則解衣槃礴。君曰：『可矣！是真畫者也！』

〔吳治〕 (吳越春秋) 越王元帝，使歐冶子造劍五枚。

〔上林〕 司馬相如，字長卿，作上林賦。

〔神女〕 宋玉作神女賦。

〔毛嬙〕 (莊子) 毛嬙麗姬，人之所美也。

〔琴樓〕 見詮賦篇。

〔楚奏〕 (左傳) 晉侯觀於軍府，見鍾儀，問曰：「南冠而縶者，誰也？」有司對曰

：「鄭人所獻楚囚也。」使稅之。問其族。對曰：「伶人也。」使與之琴，操南音

。范文子曰：「樂操土音，不忘舊也！」

〔越吟〕 (陳軫傳) 軫曰：越人莊烏仕楚執珪，有頃而病。楚王曰：「烏故越之鄙細

人也；今仕楚執珪，富貴矣，亦思越不？」中謝對曰：「凡人之思故，在其病也，

彼思越則越聲，不思越則楚聲。」使人往聽之，猶尙越聲也。

〔孟陽〕 張戴，字孟陽。本渠有七哀詩二首。

〔粉榆〕 (漢郊祀志) 高祖詔御史令豐治粉榆社。

〔白水〕 (東京賦) 龍飛白水，鳳翔參墟。(注) 白水謂南陽白水縣，世祖初起之地

也。

【允當】（左傳）允當則歸。

【夔】（山海經）東海中有流波山，上有獸，狀如牛，蒼身而無角，一足。

【踰踔】（莊子）夔謂跂曰：「吾以一足踰踔而行，子無如矣！」

比興第三十六

詩文宏奧，包韞六義。毛公述傳，獨標興體。豈不以風通而賦同，比顯而興隱哉？故比者，附也；興者，起也。附理者，切類以指事；起情者，依微以擬義。起情故興體，以立附理。故比例以生，比則畜憤以斥言，興則環譬以記諷。蓋隨時之義不一，故詩人之志有二也。

觀夫興之託諭，婉而成章；稱名也小，取類也大。關雎有別，故后妃方德；尸鳩貞一，故夫人象義。義取其貞，無從於夷禽；德貴其別，不嫌於鷺鳥。明而未融，故發注而後見也。且何謂爲比？蓋寫物以附意，屬言以切事者也。故金錫以喻

明德珪璋以譬秀民；螟蛉以類教誨，蜩蟬以寫號呼；澣衣以擬心憂，席卷以方志固；凡斯切象，皆比義也。至如麻衣如雪，兩驂如舞，若斯之類，皆比比類者也。楚襄信讒，而三閭忠烈，依詩製騷，諷兼比興，炎漢雖盛，而辭人夸毗，詩刺道喪，故興義銷亡。於是賦頌先鳴，故比體雲構，紛紜雜選，信舊章矣。

夫比之爲義，取類不當，或喻於聲，或方於貌，或擬於心，或譬於事。宋玉高唐云：「纖條悲鳴，聲似芋籟。」此比聲之類也。枚乘兔園云：「森森紛紛，若塵埃之間白雲。」此則比貌之類也。賈生鵬賦云：「禍之與福，何異糾纏。」此以物比理者也。王褒洞簫云：「優柔溫潤，如慈父之畜子也。」此以聲比心者也。馬融長笛云：「繁縟絡繹，范蔡之說也。」此以響比辯者也。張衡南都云：「起鄭舞，靈曳緒。」此以容比物者也。若斯之類，辭賦所先，日用乎比，月忘乎興，習小而棄大，所以文謝於周人也。至於楊班之倫，曹劉以下，圖狀山川，影寫雲物。

莫不纖綜比義，以敷其華，驚聽回視，資此効績。又安仁螢賦云：「流金在沙，季鷹雜詩云：「青條若總翠，」皆其義者也。故比類雖繁，以切至爲貴。若刻鵠類，驚則無所取焉！

贊曰：詩人比興，觸物圓覽。物雖胡越，合則肝膽。擬容取心，斷辭必敢。攢雜詠歌，如川之渙。

〔六義〕 見明詩篇。

〔毛公〕 (澤藝文志) 三詩故訓，傳三十卷；毛公之學，自謂子夏所傳。

〔西雎〕 (詩小序) 關雎，后妃之德也。

〔尸鳩〕 (詩小序) 鵲巢，夫人之德也。國君積行累功，以致爵位。夫人起家而居有之，德如鳩鳩，乃可以配焉。

〔鷦鳥〕 (詩傳) 雎鳩，王雎也，鷦而有別。(注)「鷦」，本亦作鷦。

〔金錫〕 見衛風淇澳篇。

〔珪璋〕 見太雅卷阿篇。

〔螟蛉〕 見小雅小宛篇。

類我！久則育之矣。」

〔揚子法言〕 螟蛉之子，殪而衣蠋蠃，祝之曰：「類我，

〔蝸蟻〕 見大雅蕩之篇。

〔澣衣〕 見邶風柏舟篇。

〔席卷〕 同上。

〔如雪〕 見曹風蜉游篇。

〔如舞〕 見風大叔於田篇。

〔夸毗〕 見大雅板之篇。

〔溫潤〕 〔王褒洞簫賦〕 聽其巨音，則同流汜濫，并包吐含，若茲父之畜子也。

〔又云〕 溫潤，又似君子。

〔安仁螢賦〕 〔潘岳螢火賦〕 飄飄頻頻，若流金之在沙，〔按〕 岳字安仁。

〔季麗雜詩〕 〔張翰雜詩〕 青條若總翠。〔按〕 翰字季鷹。

〔刻鵠類鶩〕（馬援與兄子書）效伯高不得，猶爲謹厚之士，所謂「刻鵠不成尙類鶩」者也。

〔胡越〕（孔叢子）胡越之人，同舟齊江，中流遇風波，其相救如左右手。

〔肝膽〕（莊子）自其異者視之，肝膽楚越也。

〔必敢〕（李斯傳）趙高曰：「願小而忘大，後必有害，狐疑猶豫，後必有悔，斷而敢行，鬼神避之，後有成功。」

夸飾第三十七

夫形而上者謂之道，形而下者謂之器，神道難摹，精言不能追其極；形器易寫，壯辭可得喻其真。才非短長，理自難易耳。故自天地以降，豫入聲貌，文辭所被，夸飾恆存。雖詩書雅言，風格訓世，事必宜廣，文亦過焉。是以言峻則嵩高極天，論狹則河不容舫。說多則子孫千億，稱少則民靡子遺。襄陵舉滔天之目，

倒戈立漂杆之論辭雖已甚，其義無害也。且夫鴟音之醜，豈有泮林而變好？茶味之苦，甯以周原而成飴，並意深褒讚，故義成矯飾。大聖所錄，以垂憲章。孟軻所云說詩者不以文害辭，不以辭害意也。

自宋玉景差，夸飾始盛；相如憑風，詭濫愈甚。故上林之館，奔星與宛虹入軒；從禽之盛，飛廉與鷦鷯俱獲。及揚雄甘泉，酌其餘波；語環奇，則假珍於玉樹；言峻極，則顛墜於鬼神。至東都之比日，西京之海若，驗理則理無不驗，窮飾則飾猶未窮矣。又子雲羽獵，宓妃以饒，屈原張衡，羽獵困元冥於朔野，變彼洛神，既非罔兩，惟此水師，亦非魑魅，而虛用濫形，不其疏乎？此欲夸其威而飾其事，義啖刺也。至如氣貌山海，體勢宮殿，嵯峨揭業，熠燿焜煌之狀，光采焯焯而欲然，聲貌岌岌其將動矣！莫不因夸以成狀，沿飾而得奇也。於是後進之才，獎物挾聲，軒翥而欲奮飛，騰擲而羞跼步。辭入焯焯，春藻不能程其豔；言在萎絕，

寒谷未足成其凋。談歡則字與笑並，論感則聲共泣。信可以發蘊而飛滯，披馨而駭聳矣。然節窮其要，則心聲鋒起；夸過其理，則名實兩乖。若能酌詩書之曠旨，剪揚馬之甚泰，使夸而有節，節而不誣，亦可謂之懿也。

贊曰：夸飾在用，文豈循檢言必鵬運，氣靡鴻漸。倒海探珠，傾岷取琰。曠而不溢，奢而無玷。

〔嵩高〕

（大雅）嵩高維嶽，峻極于天。

〔容勅〕

（國風）誰謂河廣，曾不容刀。

〔千億〕

（大雅）千祿百福，子孫千億。

〔子遺〕

（小雅）周餘黎民，靡有子遺。

〔滔天〕

（堯典）湯湯洪水，方割蕩蕩。懷山襄陵，浩浩滔天。

〔漂杵〕

（武成）前徒倒戈，攻於後以北，血流漂杵。

〔鸚音〕

（魯頌）翩彼飛鸚，集于泮林，食我桑椹，懷我好音。

〔茶味〕（大雅）周原膺臚，董茶如飴。

〔景差〕（風賦）楚襄王遊於蘭臺之宮，宋玉景差侍。（注）宋玉景差，楚大夫。

〔奔星宛虹〕（上林賦）奔星更於閭闔，宛虹拖於楯軒。

〔飛廉焦明〕（上林賦）徑峻卦險，越壑厲水，椎廉廉，弄獬豸。（注）「飛廉」，龍雀也，鳥身鹿頭。（又）捷鷁鷁，揜焦明。（注）「焦明」，似鳳，西方之鳥也。

〔玉樹〕（揚雄甘泉賦）翠玉樹之青葱兮。（注）漢武故事曰：上起神屋，前庭植玉樹，珊瑚爲枝，碧玉爲葉。

〔鬼神〕（甘泉賦）鬼神不能自逮兮，半長途而下顛〔注〕言鬼魅至此，亦不能上至半途而顛墜也。

〔比目〕（西都賦）投文竿，出比目。（注）東方有比目魚，不比不行。

〔海若〕（西京賦）海若游於元洛（注）「海若」，海神也。

〔宓妃〕（揚雄羽獵賦）鞭洛水之宓妃，餉屈原與彭胥。（漢書音義）宓妃，宓義氏之女，溺死洛水，爲神。

〔元冥〕（左傳）昧爲元冥帥，（注）元冥水官，昧爲水官之長。又其工氏以水紀，故爲水師而水者。按張衡羽獵賦：「文不全無，因元冥於朔野」之語。

〔魑魅〕（左傳）魑魅罔兩，莫能逢之。（注）魑，山神；魅，怪物；罔兩，水神。

〔嶸嶸揚嶸〕（西京賦）嶸嶸嶸嶸。（上京賦）嶸嶸嶸嶸。（魯靈光殿賦）飛陸揚孽。

〔窳窳〕（劉向別錄）鄒衍在燕，谷、窳不生五穀，鄒子吹律曰溫至生黍也。

〔鵠〕（莊子）北冥有魚，其名曰鰓，化而爲鳥，其名爲鵠。海運則將徙於南冥。

〔鴻漸〕（易）鴻漸於陸。

事類第三十八

事類者，著文章之外，據事以類義，援古以證今者也。昔文王繇易，剖判爻位，既濟九三，遠引高宗之伐，明夷六五，近書箕子之貞，斯略舉人事，以徵義者也。至若胤征羲和，陳政典之訓，盤庚誥民，敘遷任之言，此全引成辭，以明理者

也。然則明理引乎成辭，徵義舉乎人事，迺聖賢之鴻謨，經籍之通矩也。大畜之象，君子以多識前言往行，亦有包於文矣。

觀夫屈宋屬篇，號依詩人，雖引古事，而莫取舊辭。唯賈誼鵬賦，始用鸚冠之說；相如上林，撮引李斯之書，此萬分之一會也。及揚雄百官箴，頗酌於詩書；劉歆遂初賦，歷敍於紀傳；漸漸綜探矣。至於崔班張蔡，遂摭摭經史，華實布濩，因書立功，皆後人之範式也。

夫薑桂同地，辛在本性。文章由學，能在天資。才自內發，學以外成。有學飽而才餒，有才富而學貧。學貧者，連遼於事義；才者，餒劬勞於辭情。此內外之殊分也。是以屬意立文心，與筆謀才爲盟主；學爲輔佐，主佐合德，文采必霸；才學褊狹，雖美少功。夫以子雲之才，而自奏不學；及觀書石室，乃成鴻采；表裏相資，古今一也。故魏武稱張子之文爲拙，然學問膚淺，所見不博，專拾掇崔杜小文，

所作不可悉難，難便不知所出，斯則寡聞之病也。夫經典沉深，戴籍浩澗，實羣言之奧區，而才思之神阜也。揚班以下，莫不取資。任力耕耨，縱意漁獵。操刀能割，必列膏腴。是以將贍才力，務在傳見。狐腋非一皮能溫，鷄蹠必數千而飽矣。是以綜學在博，取事貴約。校練務精，揀理須覈。衆美幅輳，表裏發揮。劉劭、趙都賦云：「公子之客，叱勁楚，令敵盟；管庫隸臣，呵強秦，使鼓缶。」用事如斯，可謂理得而義要矣。故事得其要，雖小成績，譬寸轄制輪，尺樞連關也。或微言美事，置於閑散，是綴金翠於足陸，靚粉黛於胸臆也。凡用舊合機，不啻自其口出，引事乖謬，雖千載而爲瑕。陳思羣才之英也，報孔璋書云：「葛天氏之樂，千人唱，萬人和，聽者因以蔑韶夏矣。」此一引事之實謬也。按葛天之歌，唱和三人而已。相如上林云：「奏陶唐之舞，聽葛天之歌，千人唱，萬人和。」唱和千萬人，乃相如接人。然而濫侈葛天，措三成萬者，信賦妄書，致斯謬也。陸機園蔡詩云：「庇

足同一智，「生理合異端。夫蔡能衛足，事譏鮑莊。葛藟鹿根，辭自樂豫。若譬葛爲蔡，則引事爲謬。若謂鹿勝衛，則改事失真。斯又不精之患。夫以子建明練，士衡沈密，而不免於謬。曹仁之謬高唐，又曷足以嘲哉？」

夫山木爲良匠所度，經書爲文士所擇。木美而定於斧斤，事美而制於刀筆。研思之士無慚匠石矣。

贊曰：經籍深富，辭理遐巨。嶠如江海，鬱若岷嶷。鄧文梓共採，瓊珠交贈。用人若已，古來無惜。

〔高宗〕（易既濟）九三，高宗伐鬼方，三年克之。

〔箕子〕（易明夷）六五，箕子之明夷利貞。

〔政典〕（夏書）政典曰：先時者，殺無赦；不及時者，殺無赦。

〔運任〕（盤庚）運任有言曰：人惟求舊，器非求舊。維新。

〔鵝冠〕（漢藝文志）鵝冠子一篇。（注）楚人居深山，以鵝爲冠。（按）賈誼鵝鳥賦中，多用鵝冠子語。

〔引李斯書〕（李斯諫逐客書）建翠鳳之旗；樹靈輿之鼓。（司馬相如上林賦）建翠華之旗，樹靈輿之鼓。

〔百官〕揚雄有百官箴。

〔遂初〕劉歆集有遂初賦。（按）賦中感往寓意，皆紀傳中事。

〔裙摭〕（漢藝文志）裙摭遺逸。（注）裙摭，謂拾取之。

〔布濩〕（東京賦）於教布濩。（注）布濩，猶散被也。

〔自奏不學〕（揚雄答劉歆書）雄爲郎之歲。自奏少不得學，而心好沈博絕麗之文；願不受三歲之奉，且休脫直軍之繇，得肆心廣意以自克。就有詔，不可奪，奉令尙書，賜筆墨，錢六萬，得觀書於石渠。

〔狐腋〕（慎）千金之裘，非一狐之腋。

〔雞臠〕（淮南子）善學者，若齊王之食雞，必食其臠數千而後足。

〔劉劭〕（魏志）劉劭，字孔才，嘗作趙都賦，明帝美之。

〔敵血〕毛遂事，見視盟篇。

〔管庫隸臣〕（檀弓）所舉於晉國管庫之士，七十有餘家。（左傳）與臣隸隸臣儗。

一注：隸，謂隸屬於吏也。

〔鼓缶〕（蘭相如傳）趙王與秦王會滹池。秦王酒酣，令趙王鼓瑟。蘭相如奉盆缶秦王，以相娛樂。秦王不肯擊缶。相如曰：『五步之內，相如請得以頸血濺大王矣！』於是秦王不懌，爲一擊缶。（風俗通義）缶者，瓦器，所以盛酒，秦人鼓之以節歌也。（按）相如本宦者繆賢舍人，故云管庫隸臣。

〔寸轄〕（淮南子）夫車之所以能轉千里者，以其要在三寸之轄。

〔運關〕（文子）五寸之關，能制開闔，所居要也。

〔衛足〕（左傳）齊用鮑牽，孔子曰：『鮑莊子之智不如葵——葵猶能衛其足，』

〔庇根〕（左傳）宋昭公將去羣公子，樂豫曰：『不可！公族，公室之枝葉也，若法之，則本根無所庇蔭矣。葛藟猶庇其本根，故君子以爲比，況國君乎？』

〔山木〕（左傳）山有木。王則度之。

〔匠石〕（莊子）匠石之齊。見櫟社樹。匠石不顧曰：「如不材之木也！」（嵇康琴

賦）匠石斲斤。

〔文梓〕（吳越春秋）越王使木工伐天生神木一雙。陽爲文梓。陰爲榎栢。

〔無憊〕（左傳）不與於會。亦無憊焉。（注）憊。與憊同。

練字第三十九

夫文象列而結繩移，鳥跡明而書契作。斯乃言語之體貌，而文章之宅宇也。蒼頡造之，鬼哭粟飛。黃帝用之，官治民察。先王聲教，書必同文。轡軒之使，紀言殊俗。所以一字體，總異音。周禮保氏，掌教六書。秦滅舊章，以吏爲師。乃李斯刪籀而秦篆興，程邈造隸而古文廢。漢初草律，明著厥法。太史學童，教試六體。又吏民上書，字謬輒劾。是以馬字缺畫，而石建懼死。雖云性慎，亦時重文也。卒

孝武之世，則相如譔篇及宣成二帝，徵集小學，張敞以正讀傳業，揚雄以奇字纂訓，並貫練雅頌，總閱音義，鴻筆之徒，莫不洞曉。且多賦京苑，假借形聲。是以前漢小學，率多瑋字，非獨制異，乃共曉難也。暨乎後漢，小學轉疎，複文隱訓，臧否大半。及魏代，綴藻則字有常檢，追觀漢作，翻成阻奧。故陳思稱揚馬之作，趣幽旨深，讀者非師侍不能析其辭，非博學不能綜其理。豈直才懸，抑亦字隱。自晉來用字，率從簡易，時並習易，人誰取難。今一字詭異，則羣句震驚；三人弗識，則將成字妖矣。後世所同曉者，雖難斯易；時所共廢者，雖易斯難。趨舍之間，不可不察。夫爾雅者，孔徒之所纂，而詩書之襟帶也；蒼頡者，李斯之所輯，而鳥籀之遺體也。雅以淵源，詁訓以苑囿，奇文異體，相資如左右肩股，該舊而知新，亦可以屬文。若夫義訓古今，興廢殊用，字形單複，研媷異體，心既託聲於言，言亦寄形於字，諷誦則績在宮商，臨文則能歸字形矣。是以綴字屬篇，必須練擇。一

避詭異，二省聯邊，三權重出，四調單複。詭異者，字體瓌怪者也。曹據詩稱「豈不願斯遊？褊心惡咽。」兩字詭異，大疵美篇。况乃過此，其可觀乎？聯邊者，半字同文者也。壯貌山川，古今咸用。施於常文，則齟齬如不獲免。可至三接三接之外，其字林乎重出者，同字相犯者也。詩騷適會而近世忌同，若兩字俱要，則甯在相犯。故善爲文也，富於萬篇，貧於一字；一字非少，相避爲難也。單複者，字形肥瘠者也。瘠字累句，則纖疎而行劣；肥字積文，則黯黓而篇闇。善酌字者，參伍單複，磊落如珠矣。凡此四條，雖文不必有，而體例不無。若值而莫悟，則非精解。至於經典隱曖，方冊紛綸，簡蠹皴裂，三寫易字，或以音訛，或以文變。子思弟子，於穆不祀者，音訛之異也。晉之史記，三豕渡河，文變之謬也。尙禮大傳有別風淮雨，帝王世紀云列風淫雨，別列淮淫字似潛移，淫列義當而不奇。淮別理乖而新異。傅毅制誅，已用淫雨，固知愛奇之心。古今一也。史之闕文，聖人

所慎能依義棄奇則可與正文字矣。

贊曰：篆隸相銜，蒼雅品訓，古今殊跡，研媷異分，字靡異流，文阻難運，聲畫昭精，墨采騰奮。

〔鬼哭粟飛〕

（淮南子）昔者蒼頡作書，而天雨粟，鬼夜哭。

〔官治民察〕

見徵聖篇「象夫」注。

〔輜軒〕

（風俗通）周秦常以歲八月遣輜軒之使，探異代方言。藏之秘府。

〔六書〕

（周禮）保氏教國子六藝，五曰六書。（注）象形，會意，轉注，指事，假

借，諧聲。

〔吏師〕

（秦始皇本紀）若欲有學法令，以吏爲師。

〔刪籀造隸〕

（漢藝文志）蒼頡七章，秦丞相李斯所作也。文字多取史籀篇，而篆體

復頗異，所謂秦篆者也，是時始製隸書矣。起於官獄多事，苟趨省易，施之於徒隸也。

〔六體〕（漢藝文志）漢興，蕭何草律；亦著其法，曰：「太史試學童，能諷書九千字以上，乃得爲史。」又以六體試之，課最者以爲尚書，御史，史書，令史，吏民上書，字或不正，輒舉劾。六體者：古文，奇字，篆書，隸書，繆篆，蟲書。（注）篆書，謂小篆，蓋秦始皇使程邈所作也。隸書亦程邈所獻。

〔馬字缺畫〕（董石君傳）長子建爲郎中令。奏事下，建讀之，驚怒曰：「書馬者與尾而五。今迺四不足一，豈謂死矣！」其爲謹慎雖他皆如是。

〔相如譏篇〕（漢藝文志）武帝時，司馬相如作凡將篇，無復字。

〔張敞傳業〕（漢藝文志）蒼頡多古字，俗師失其讀。宣帝時，徵齊人能正讀者，張

敞從受之。傳至外孫之子，林，爲作訓故。（杜鄴傳）鄴少孤，其母張敞女。鄴壯

，從敞子吉學問，得其家書。吉子竦，又幼孤，從鄴學問，亦著於世。尤長小學。

鄴子林，清靜好古，亦有雅材，其正文字故於鄴竦。故世言小學者，由杜公。

〔揚雄纂訓〕（漢藝文志）元始中，徵天下通小學者以百數，各令記字於庭中。揚雄

取其有用者，以作訓纂篇。

〔太平〕（市京賦注）凡物三分有二爲太平。

〔孔徒〕（西京雜記）郭威以爲謝雅周公所制，余嘗以問子雲。子雲曰：「孔子門徒游夏之儔，所記以解釋六藝者也。」

〔三接之外〕按「三接」者，如張景陽雜詩「洪濤浩方割」，沈休文和謝宣城詩「別羽汎清源」之類。三接之外，則曹子建雜詩「綺縞繽紛」，陸士衡「日出南東隅，行璫珮，結瑤璠」，五字而聯邊者四，宜有字林之譏也。若賦則更有十接二十接不止者矣！

〔黯黯〕（劉向九歎）望舊邦之黯黯兮。（注）黯黯，暗也。

〔三寫〕（抱朴子）書三寫「魚」成「魯」，「帝」成「虎」。

〔三豕〕（家語）子夏見讀史志者云：「晉帥伐秦；三豕渡河。」子夏曰：「非也，已亥耳！」讀者問諸晉史，固曰「已亥」。

隱秀第四十

夫心術之動遠矣，文情之變生矣。源奧而派生，根盛而穎峻。是以文之英
隲，有秀有隱，隱也者，文外之重旨者也；秀也者，篇中之獨拔者也。隱以複意爲
工，秀以卓絕爲巧。斯乃舊章之懿績，才情之嘉會也。夫隱之爲體，義主文外，祕
響旁通，伏采潛發，譬爻象之變互體，川瀆之韞珠玉也。故互體變爻，而化成四
象，珠玉潛水，而瀾表方圓。始正而未奇，內明而外潤，使翫之者無遲，味之者不
厭矣。

被波起辭，問是謂之秀。纖手麗音，宛乎逸態。若遠山之浮烟，靄變女之靚
容。華然烟靄天成，不勞於妝點。容華格定，無待於裁鎔。深淺而各奇，嫵而纖俱
妙。若揮之則有餘，而攬之則不足矣。

夫立意之士，務欲造奇，每馳心於元默之表。工辭之人，必欲臻美，恆溺思
於佳麗之鄉。嘔心吐膽，不足語窮。煨燼煉年，奚能喻苦。故能藏詞穎問，昏迷於

庸日露鋒文外，驚絕乎妙心。使醞藉者蓄隱而意愉，重銳者抱秀而心悅。譬諸裁雲製霞，不讓乎天工；斲卉刻葩，有同乎神匠矣。若篇中乏隱，等宿儒之無學，或一叩而語窮，句間鮮秀，如巨室之少珍，若百詰而色沮，斯並不起於才思，而亦有媿於文辭矣。

將欲徵隱，聊可指篇。古詩之離別，樂府之長城，詞怨旨深，而復兼乎比興。陳思之黃雀，公幹之青松，格剛才勁，而並長於諷諭。叔夜之（闕二字），嗣宗之（闕二字），境元思澹，而獨得乎優閑。士衡之（闕二字），彭澤之（闕二字），心密語澄，而俱適乎（下闕二字）。如欲辨秀，亦惟摘句。「常恐秋節至，涼颼奪炎熱。」意悽而詞婉，此匹婦之無聊也。「臨河濯長纓，念子悵悠悠。」志高而言壯，此丈夫之不遂也。「東西安所之，徘徊以旁皇。」心孤而情懼，此閨房之悲極也。「朔風動秋草，邊馬有歸心。」氣寒而事傷，此羈旅之怨曲也。

凡文集勝篇，不盈十一；篇章秀句，裁可百二，並思合而自逢，非研慮之所求也。或有晦塞爲深，雖奧非隱，雕削取巧，雖美非秀矣。故自然會妙，譬卉木之耀英華，潤色取美，譬繪帛之染朱綠。朱綠染繪，深而繁鮮；英華耀樹，淺而煒燁。秀句所以照文苑，善以此也。

贊曰：深文隱蔚，餘味曲包。辭生互體，有似變爻言之秀矣。萬慮一交，動心驚耳，逸響笙匏。

【互體】（左傳杜氏法）易之爲書，六爻皆有變體，又有互體。聖人隨其義而論之。疏二至四、三至五，兩體交互，各成一卦，爻儒謂之互體。聖人隨其義而論之，或取互體，言其取義無常也。

【淵表方圓】（尸子）水圓折者有珠，方折者有玉。

【古詩離別】（古詩十九首）行行重行行，與君生別離。

【樂府長城】樂府古辭 有飲馬長城窟行；長城，蒙恬所築也；言征客之至長城而飲

其馬，婦思之，故爲長城窟行。

〔黃雀〕 陳思王有野用黃雀行。

〔青松〕 〔劉公幹詩〕亭亭山上松。

〔彭澤〕 〔陶潛傳〕潛字淵明，或云字元亮，爲鎮軍建威參軍，後爲彭澤令。

脂瑕第四十一

管仲有言：無翼而飛者聲也，無根而固者情也。然則聲不假翼，其飛甚易；情不待根，其固匪難。以之垂文，可不慎歟？古來文才，異世爭驅，或逸才以爽迅，或精思以纖密，而慮動艱固，鮮無瑕病。陳思之文，羣才之俊也，而武帝誄云：「尊靈永蟄。」明帝頌云：「聖體浮輕。」浮輕有似於胡蝶，永蟄頗疑於昆蟲。施之尊極，豈其當乎？左思七諷，說孝而不從，反道若斯，餘不足觀矣。潘岳爲才，善於哀文，然悲內兄，則云「感口澤」，傷弱子，則云「心如疑」，禮文在尊極，而施

之下流，辭雖足哀，義斯替矣！若夫君子擬人，必於其倫；而崔瑗之誅李公，比行於黃虞，向秀之賦嵇生，方罪於李斯，與其失也，雖寧僭無濫；然高厚之詩，不類甚矣。凡巧言易標，拙辭難隱，斯言之玷，實深自圭。繁例難載，故略舉四條。若夫立文之道，惟字與義。字以訓正，義以理宣。而晉末篇章，依希其旨，始有實際奇至之言，終無撫叩酬卽之語。每單舉一字，指以爲情。夫賞訓賜賚，豈關心解撫訓執握，何預情理？雅頌未聞，漢魏莫用，懸領似如可辯，課文了不成義。斯實情訛之所變，文澆之致弊。而宋來才英，未之或改，舊染成俗，非一朝也。近代辭人，率多猜忌，至乃比語求蚩，反音取瑕，雖不屑於古，而有擇於今焉。又製同他文，理宜刪革；若排人美辭，以爲己力，寶玉太弓，終非其有。全寫則揭篋，傍采則探囊。然世遠者太輕，時同者爲尤矣！若夫注解爲書，而以明正事理，然謬於研求，或率意而斷。西京賦稱「中黃育獲之疇」，而薛綜謬注謂之「闕尹」，是不

聞孰雕虎之人也。又周禮井賦，「舊有疋馬」，而應劭釋「疋」，「或量首數蹄，一斯豈辯物之要哉？原夫古之正名，車兩而馬疋，疋兩稱目，以並耦爲用，蓋車貳佐乘，馬儷驂服，服乘不隻，故名號必雙，名號一正，則雖單爲疋矣。疋夫疋婦，亦配義矣。夫車馬小義，而歷代莫悟，辭賦近事，而千里致差。况鑽灼經典，能不謬哉？夫辯言而數筌蹄，選勇而驅閹尹，失理太甚，故舉以爲戒。丹青初炳，而後渝，文章歲久而彌光，若能隳括一朝，可以無慚於千載也。

贊曰：羿氏舛射，東野敗駕，雖有僑才，謬則多謝。斯言一玷，千載弗化。會章靡疚，亦善之亞。

〔管仲言〕

（管仲戒箴）管仲復於桓公曰：『無翼而飛者聲也，無根而固者情也。』

〔陳思〕

（陳思王集武帝誄）幽園一局，尊靈永墊。（冬至獻機頌）翱翔萬域，聖纘

浮輕。

〔口澤〕〔禮玉藻〕父沒而不能讀父之書，手澤存焉爾。母沒而杯圈不能飲焉，口澤之氣存焉爾！

〔如疑〕〔檀弓〕孔子觀送葬者，曰：「善哉，爲喪乎；其往也如慕，其反也如疑。」〔潘岳金鹿哀辭〕「將反如疑，回首長顧，」金鹿岳幼子也。

〔方罪李斯〕〔向秀傳〕嵇康被誅，秀作思舊賦云。「昔李斯之受罪兮，歎黃犬而長吟！悼嵇生之永辭兮，顧日影而彈琴。」

〔甯僭無濫〕〔左傳〕蔡聲子曰：「歸生聞之，善爲國者，賞不僭而刑不濫。嘗僭則懼及淫人，刑濫則懼及善人。若不幸而過，甯僭無濫。」

〔不類〕〔左傳〕晉侯與諸侯宴於溫，使諸大夫舞，曰：「歌詩必類。」齊高厚之詩不類。

〔寶玉大弓〕〔春秋〕盜竊寶玉大弓。〔左傳杜氏注〕盜，謂陽虎也。寶玉，夏后氏之璜。大弓，封父之繁弱。

〔胠篋探囊〕〔莊子〕將爲胠篋探囊發匱之盜而爲守備，則必攝緘膝固扃鑰，此世俗

之所謂知也。

〔中黃育獲〕（李善文注）尸子曰：『中黃伯曰：「余左執大行之擾，而右搏騅虎。」』（戰國策）范雎說秦王曰：『烏獲之力焉而死，夏育之勇焉而死。』

〔井賦正馬〕（周禮小司徒）經上地而井牧其田野。（注）井十爲通，通爲匹馬。（疏）三十家出馬一匹。

〔廐劭釋匹〕（應劭風俗通）或曰：『馬夜行目明，照前四丈，故曰一匹，』或曰：『度馬縱橫，適得一疋。』（漢食貨志）布帛長四丈爲匹。

〔車武佐乘〕（禮少儀）乘貳車則式，佐車則否。（注）貳車，胡祀之副車也。佐車，戎獵之副車也。又貳車者，諸侯七乘云云。

〔馬儻〕（鄭風太叔于田）兩驂如舞，兩服上襄。

〔雖單爲疋〕（左傳）匹夫無罪。（注）正義曰：「士大夫以上，則有妾媵，庶人惟夫妻相匹，其名既定，雖單亦通，故韋昭通謂之匹夫匹婦也。」按易中孚家曰：「馬匹亡謂四，與初絕如馬之亡，其匹也可證。」訓疋之義，正與匹夫匹婦一例。

〔配義〕（爾雅釋詁）匹，合也。疏匹者，配合也。

〔羿 射〕（帝王世紀）帝羿有窮氏，與吳賀北遊。賀使羿射雀左目，誤中右目，羿抑首而媿，終身不忘。

〔敗駕〕（莊子）東野稷以御見莊公，進退中繩，左右旋中規，莊公以爲文，弗過也。使之鈎百而反。顏闔遇之。入見曰：『稷之馬將敗。』公密而不應。少焉，果敗而反。公曰：『子何以知之？』曰：『其馬力竭矣，而猶求馬，故曰敗。』

〔多謝〕（郭象莊子注）不可多謝堯舜而推之爲兄也。

養氣第四十二

昔王充著述，制養氣之篇，驗已而作，豈虛造哉？夫耳目鼻口，生之役也，心慮言辭，神之用也。率志委和，則理融而情暢；鑽礪過分，則神疲而氣衰。此性情之數也。夫三皇辭質，心絕於道華；帝世始文，言貴於敷奏。三代春秋，雖沿世彌緜，並適分胸臆，非牽課才外也。戰代枝詐，攻奇飾說，漢世迄今，辭務日新，爭光

鬻采，慮亦竭矣！故淳言以此澆辭，文質懸乎千載；率志以方竭情，勞逸差於萬里。古人所以餘裕，後進所以莫追也。凡童少鑿淺而志盛，長艾識堅而氣衰。志盛者思銳以勝勞，氣衰者慮密以傷神。斯實中人之常資，歲時之大較也。若夫器分有限，智用無涯；或慚亮企鶴，瀝辭鑄思，於是精氣內鎖，有似尾闕之波神；志外傷，同乎牛山之木，怛惕之盛疾，亦可推矣。至如仲壬置硯以綜述，叔通懷筆以專業，既暄之以歲序，又煎之以日時，是以曹公懼爲文之傷命，陸雲歎用思之困神，非虛談也。夫學業在勤，功庸弗怠，故有錐股自厲，和熊以苦之人。志於文也，則申寫鬱滯，故宜從容率情，優柔適會。若銷鑠精膽，蹙迫和氣，秉牘以驅齡，灑翰以伐性，豈聖賢之素心，會文之直理哉！且夫恩有利純，時有通塞；沐則心覆，且或反常；神之方昏，再三愈黷。是以吐納文藝，務在節宣，清和其心，調暢其氣，煩而卽捨，勿使壅滯。意得則舒懷以命筆，理伏則投筆以卷懷。逍遙

以針勞，談笑以樂勸，常弄閉於才鋒，賈餘於文勇，使刃發如新，湊理無滯，雖非胎息之邁術，斯亦衛氣之一方也。

贊曰：紛哉萬象，勞矣千想，元神宜寶，素氣資養。水停以鑒，火靜而朗，無擾文慮，鬱此精爽。

〔養氣〕（王充論衡 紀篇）章和二年，罷州家居，年漸七年，乃作養性之書，凡十六篇，養氣自守，適食則酒，閉明塞聰，愛精自保，適輔服藥引導，庶冀性命可延，斯須不老。

〔長艾〕（典禮）五十曰艾。

〔慚鳧企鶴〕（莊子）鳧脰雖短，續之則憂；鶴脰雖長，斷之則悲。

〔尾閭〕（莊子）北海若曰，「天下之水，若大於海。萬川歸之，不知何時，止而不盈。尾閭泄之，不知何時，已而不虛。」（注）尾閭，東海川名。

〔置硯〕（謝承後漢書）王充於宅內門戶牆柱各置筆硯簡牘，見事而作，論衡。

〔懷筆〕（曹爽傳）爽字叔通，博雅疏通。常憾朝廷制度未備，慕叔孫通爲漢禮儀，晝夜研精，沉吟專思，寢則懷抱筆相，行則誦習文書。當其念至，忘所之適。

〔用思困神〕（陸雲與兄平原書）兄文章已自行天下，多少無所在，且用思困人，亦不事復及。

〔錐股〕（戰國策）蘇秦乃發書陳儀數十，得太公陰符，伏而誦之。讀書欲睡，引錐自刺其股。

〔驅齡伐性〕（王充效力篇）秦武王與孟說舉鼎不任，絕脈而死。少文之人，與董仲舒等涌胸中之思，必將不任，有絕脈之變。王莽之時，省五經章句，皆爲二十萬。

博士弟子郭路夜定舊說，死於燭下：神思不任，絕脈氣滅也。

〔心覆〕（左傳）晉侯之豎頭須求見，公辭焉以沐，謂僕人曰：『沐則心覆，心覆則圖反。宜吾不得見也！』僕人以告，公遽見之。

〔節宣〕（左傳）節宣其氣。

〔賈餘〕（左傳）齊高固曰：『欲勇者，賈余餘勇。』

〔腠理〕（呂氏春秋）伊尹曰：「用新去陳，腠理遂通。」高誘曰：「腠理，肌脈也。」

〔胎息〕（漢武內傳）王真習閉氣而喬之名曰胎息。行之漸殺一百餘年，肉色光美，力並數人。（抱朴子）胎息者，能以鼻口噓吸，如在胎之中。（宋史藝文志）有臥龍隱著胎息歌一卷。

〔水停〕（莊）水靜則明燭須眉。

〔精爽〕（左傳）心之精爽，是謂魂魄。

附會第四十三

何謂附會？謂總文理，統首尾，定與奪，合涯際，彌綸一篇，使雜而不越者也。若築室之須基構，裁衣之待縫緝矣。夫才最學文，宜正體製，必以情志爲神明，事義爲骨髓，辭采爲肌膚，宮商爲聲氣，然後品藻元黃，摛振金玉，獻可替否，以裁厥中，斯綴思之恆數也。凡大體文章，類多枝派。整派者依源，理枝者循幹，是

以附辭會義，總務綱領；驅萬塗於同歸，貞百慮於一致。使衆理雖繁，而無傾置之乖；羣言雖多，而無棼絲之亂。扶陽而出條，順陰而藏跡。首尾周密，表裏一體。此附會之術也。夫畫者謹髮而易貌，射者儀毫而失牆；銳精細巧，必疎體統。故宜誦寸以信尺，枉尺以直尋；棄偏善之巧，學具美之績。此命篇之經略也。夫文變多方，意見浮雜；約則義孤，博則辭叛。率故多尤，需爲事賊。且才分不同，思緒各異；或製首以通尾，或尺按以寸附。然通製者蓋寡，接附者甚衆。若統緒失宗，辭味必亂；義脈不流，則偏枯文體。夫能懸識賤理，然後節文自會，如膠之粘木，夏之合黃矣。是以駟牡異力，而六轡如琴；並駕齊驅，而一轂統輻。馭文之法，有似於此。去留隨心，修短在手，齊其步驟，總轡而已。故善附者異旨如肝膽，拙會者同音如胡越；改章難於造篇，易字艱於代句。此已然之驗也。昔張湯擬奏而再却，虞松草表而屢譴，並理事之不明，而詞旨之失調也。及倪寬更草，鍾會易

字而漢武歎奇，晉景稱善者，乃理得而事明，心敏而辭當也。以此而觀，則知附會巧拙，相去遠哉！若夫絕筆斷章，譬乘舟之振楫，會詞切理，如引轡以揮鞭，克終底績，寄深寫遠，苦首唱榮華而媵句憔悴，則遺勢鬱湮，餘風不暢。此周易所謂譬無膚，其行次且也。惟首尾相援，則附會之體固亦無以加於此矣。贊曰：篇統問關，情數稠疊，原始要終，疎條布葉，道味相附，懸緒自接，如樂之和，心聲克協。

〔儀毫〕

〔呂氏春秋處方篇〕

今夫射者儀毫而失牆

畫者儀髮而失貌：言審本也。

〔詘寸〕

〔文十〕

子子曰：「屈寸而伸尺，小枉而大直，聖人爲之。」

〔率故多尤〕

〔文賦〕或率意而寡尤。

〔事賊〕

〔左傳〕需，事之賊也。

〔偏枯〕

〔呂氏春秋〕

魯公孫悼曰：「我固能治偏枯。」

〔懸識〕

〔扁鵲傳〕扁鵲過齊桓侯，

客之人朝，見曰：「君有疾在腠理，不治將

深，一

〔總轡〕（家語）善御馬者，正身以總轡。

〔同音〕（曹誼傳）胡粵之人，生而同聲；及其長而成俗，累數譯不能相通行，有雖死而不相爲者，則教習然也。

〔歎奇〕（倪寬傳）張湯爲廷尉，有疑奏，已再見卻矣。掾史莫知所爲，寬爲言其意。掾史因使寬爲奏，奏成，卽時得可。異日，湯見，上曰：『前奏非俗吏所及，誰爲之者？』湯言倪寬，上曰：『吾固聞之久矣！』

〔稱善〕（世說）司馬景王命中書虞松作表，再呈不可。鍾會取視，爲定五字，松悅服。以呈景王。王曰：『不當爾耶？』

〔如樂〕（左傳）如樂之和，無所不諧，

總術第四十四

今之常言：「有文有筆。」以爲無韻者，筆也；有韻者，文也。夫文以足言，理

兼詩書別目兩名，自近代耳。顏延年以爲筆之爲體，言之文也。經典則言而非筆，備記則筆而非言。請奪彼矛，還攻其楯矣。何者？易之文言，豈非言文？若筆不言文，不得云經典非筆矣。將以立論，未見其論立也。予以爲展口爲言，屬筆曰翰，常道曰經，述經曰傳，經傳之體，出言人筆，筆爲言使，可強可弱。分經以典與爲不刊，非以言筆爲優劣也。昔陸氏文賦，號爲曲盡，然汎論纖悉，而實體未該。故知九變之貫匪窮，知言之選難備矣。凡情慮造文，各競新麗，外欲練辭，莫肯研術落落之玉，或亂乎石；碌碌之石，時似乎玉。精者要約，賈者亦尠；博者該贍，蕪者亦繁；辯者昭皙，淺者亦露；奧者複隱，詭者亦典；或義華而聲悖，或理拙而文澤。知夫調鐘未易，張琴實難。伶人告知，不必盡窈；樛枿之中，動用揮扇，何必窮初終之韻？魏文比篇章於音樂，蓋有徵矣。夫不截盤根，無以驗利器；不剖文奧，無以辨通才。才之能通，必資曉術。自非圓鑿區域，大判條例，豈能控引情源。

制勝文苑哉？是以執術馭篇，似善奕之窮數，棄術任心，如博塞之邀遇。故博塞之文，借巧儻來，雖前驅有功，而後援難繼；少既無以相接，多亦不知所刪。乃多少之並惑，何妍媸之能制乎？若夫善奕之文，則術有恆數，按都整伍，以待情會；因時順機，動不失正，數逢其極，機入其巧，則義味騰躍而生，辭氣叢雜而至，視之則錦繪，聽之則絲簧，味之則甘腴，佩之則芬芳，斷章之功，於斯盛矣。夫驥足雖駿，繹牽忌長，以萬分一累，且廢千里。况文體多術，共相彌綸，一物搆貳，莫不解體，所以列在一篇，備總情變，譬三十之輻，共成一轂，雖未足觀，亦鄙夫之見也。

贊曰：文場筆苑，有術有門。務先大體，鑑必窮源。乘一總萬，舉要治繁。思無定契，理有恆存。

〔曲盡〕（文賦序）他日殆可謂曲盡其妙。

〔九變〕（漢武帝詔）詩云：「九變復貫，知言之選。」

〔玉石〕（蘭子法本）不欲珠玉，落落如石。

〔窳樞〕（左傳）周景王將鑄無射，伶州鳩曰：「夫晉樂之與也，而鐘樂之器也。窳則不減，樞則無容。今鐘樞矣！」

〔魏文〕（魏文帝典論論文）文以氣爲主，氣之清濁有體，不可力彊而致，譬之音樂

曲度，雖均節奏同檢，至於引氣不齊，巧拙有素，雖在父兄，不能移其子弟。

〔盤根〕（虞翻傳）不遇盤根錯節，何以別利器乎！

〔博塞〕（許慎說文）博，局戲也。六箸，十二棋也。又，棋相塞曰博塞。

〔儻來〕（莊子）軒冕在身，非性命也，物之儻來寄也。

〔纒牽〕（戰國策）段干越謂韓相新城若曰：「昔王良弟子駕千里之馬，過京父之弟

子。京父之弟十曰：『馬，千里之馬也；服，千里之服也，而不能取千里，何也？

』曰：『子纒牽長。』故纒牽於事，萬分之一也，而難千里之行。

〔三十之輻〕（考工記）輪輻三十，以象日月也。

時序第四十五

時運交移，質文代變，古今情理，如可言乎？昔在陶唐，德盛化鈞，附老吐何力之談；郊童含不識之歌。有虞繼作，政阜民暇，薰風詩於元后，爛雲歌於列臣。盡其美者，何乃心樂而聲泰也。至大禹敷土，九序詠功，成湯聖敬，猗歟作頌。逮姬文之德盛，周南勤而不怨，大王之化淳，邠風樂而不淫，幽厲昏而板蕩怒，平王微而黍離哀，移知歌謠文理，與世推故，風動於上，而波震於下者，春秋以後，角戰英雄，六經泥蟠，百家廳駭，方是時也，韓魏力政，燕趙任權，五蠹六蟲，嚴於秦令，唯齊楚兩國，頗有文學。齊開莊衢之第，楚歸蘭臺之宮，孟軻賓館，荀卿宰邑，故稷下翦其清風，蘭陵鬱其茂俗。鄒子以談天飛譽，騶奭以雕龍馳響，屈平聯藻於日月，宋玉交彩於風雲，觀其豔說，則籠罩雅頌，故知曄燁之奇意，出乎縱橫之詭俗也。爰至有漢，運接燔書，高祖向武，戲儒簡學，雖禮律草創，詩書未

邈然大風鴻鵠之歌，亦天縱之英作也。施及孝惠，迄於文景，經術頗興，而辭人
 勿用。賈誼抑而鄒枚沈，亦可知已。逮孝武崇儒，潤色鴻業，禮樂爭輝，辭藻競鶩，
 相梁展朝讌之詩，金堤造恤民之詠；徵枚乘以蒲輪，中主父以鼎食；擢公孫之
 對策，歎倪寬之擬奏，買臣負薪而衣錦，相如滌器而被繡。於是史遷壽王之徒，
 嚴終枚臯之屬，應對固無方，篇章亦不匱。遺風餘采，莫與比盛。越昭及宣，實繼
 武績，馳馳石渠，暇豫文會，集雕篆之軼才，發綺縠之高喻。於是王褒之倫，底祿
 待詔，白元暨成，降意圖籍，美玉屑之譚，清金馬之路。子雲銳思於千首，子政讎
 校於六藝，亦已美矣。爰自漢室，迄至成哀，雖世漸百齡，辭人九變，而大抵所歸，
 嗣述楚辭，靈均餘影，於是乎在。自哀平陵替，光武中興，深懷圖讖，頗略文華。然
 村篤獻誄，以免刑，班彪參奏，以補令，雖非旁求，亦不遐棄。及明帝疊耀崇愛，儒
 術肄禮堂，講文虎觀，孟堅珥筆於國史，賈逵給札於瑞頌，東平擅其懿文，沛

王振其通論，帝則藩儀，輝光相照矣。自安和已下，迄至順桓，則有班傅三崔，王馬張蔡，磊落鴻儒，才不時乏。而文章之選，存而不論。然中興之後，羣才稍改前轍，華實所附，斟酌經辭，蓋歷政講聚，故漸靡儒風者也。降及靈帝，時好辭製，造羲皇之書，開鴻都之賦，而樂松之徒，招集淺陋，故楊賜號爲驩兜，蔡邕比之俳優。其餘風遺文，蓋蔑如也。自獻帝播遷，文學篷轉，建安之末，區宇方輯，魏武以相王之尊，雅愛詩章，文帝以副君之重，妙善辭賦，陳思以公子之豪，下筆琳瑯，並體貌英逸，故俊才雲蒸，仲宣委質於漢南，孔璋歸命於河北，偉長從宦於青土，公幹徇質於海隅，德璉綜其斐然之思，元瑜展其翩翩之樂，文蔚休伯之儔，于叔德祖之侶，傲雅觴豆之前，雍容衽席之上，灑筆以成酣歌，和筆以藉談笑，觀其時文，雅好慷慨，良由世積亂離，風衰俗怨，並志深而筆長，故梗概而多氣也。至明帝纂戎，制詩度曲，徵篇章之士，置崇之之觀，何劉羣才，迭相照耀，少主

相仍，唯高貴英雅，願盼合章，動言成論，於時正始餘風，篇體輕澹，而嵇阮應繆，並馳文路矣。逮晉宣始基，景文克構，並跡沈儒雅，而務深方術，至武帝惟新，承平受命，而膠序篇章，弗簡皇慮，降及懷愍，綴旒而已。然晉雖不文，人才實盛，茂先搖筆而散珠，太冲動墨而橫錦，岳湛曜聯璧之華，機雲標二俊之采，應傅三張之徒，孫孽成公之屬，並結藻清英，流韻綺靡。前史以爲運涉季世，人未盡才，誠哉斯談，可爲歎息。元皇中興，技文建學，劉刁禮吏而寵榮，景純文敏而優擢，逮明帝秉哲，雅好文會，升儲御極，孳孳講藝，練情於誥策，振采於辭賦，屢以筆才逾親，濫以文思益厚，揄揚風流，亦彼時之漢武也。及成康促齡，穆哀短祚，簡文勃興，淵乎清峻，微言精理，函滿元席，澹思濃采，時灑文囿，至孝武不嗣，安恭已矣！其文史則有袁殷之曹，孫于之輩，雖才或淺深，珪璋足用，自中朝貴元，江左稱盛，因談餘氣，流成文體。是以世極迤邐，而辭意夷泰，詩必柱下之旨，歸賦

乃漆園之義疏。故知文變染乎世情，興廢繫乎時序。原始以要終，雖百世可知也。自宋武愛文，文帝彬雅，秉文之德，孝武多才，英采雲構，自明帝以下，文理替矣。爾其縉紳之林，霞蔚而颺起，王袁聯宗，以龍章顏謝，重葉以鳳采，何范張沈之徒，亦不可勝也。善聞之於世，故略舉大較，暨皇齊馭寶，連集休明，太祖以聖武膺籙，高祖以睿文纂業，文帝以貳離含章，中宗以上哲興運，並又明自天，緝遐景祚，今聖歷方興，文思光被，海岳降神，才華秀發，馭飛華於天衢，駕騏驎於萬里，經典禮章，跨周轢漢，唐虞之文，其鼎盛乎，鴻風懿采，知筆敢陳，颺言讚時，請寄明哲。

贊曰：蔚映十代，辭采九變，樞中所動，環流無倦，質文沿時，崇替在選，終古雖遠，曠焉如面。

〔野老〕（帝王世紀）帝堯之世，天下太和，百姓無事，有老人擊壤而歌曰：「日出

兩作，日入而息；鑿井而飲，耕田而食；帝力何有於我哉！」

〔郊童〕（列子）堯治天下五十年，不知天下治與不治，乃微服遊於康衢，聞童謠云：「立我蒸民，莫匪爾極，不識不知，頤帝之則。」

〔薰風〕見明詩篇。

〔爛雲〕見通變篇。

〔猗歎〕（鄭康成詩譜）湯受命定天下。後世有中宗高宗者。此三主有受命中興之功，時有作詩頌之者。商德之壞，武王伐紂，封紂兄微子啟為宋公。七世至戴公時，大夫正考父校之名頌十二篇於周太師，以那為首。其首章曰猗歎那歎。

〔周南〕（詩小序）關雎麟趾之化，王者之風，故繫之周南，言化自北而南也。

〔邠風〕（詩譜）邠者，后稷之曾孫，曰公劉者，自邠出，所徙戎狄之地名。至商之末世，太王又避戎狄之難而入處於岐陽。成王之時，周公游流言之難，出居東都。思公劉太王居邠之職，憂念民事，不苦之功，以比序已志。後成王迎而反之。太史其志，主於邠公之事，故別其詩，為邠變風焉。

〔幽厲〕（詩小序）板凡伯，刺厲王也。蕩召穆公傷周室大壞也。厲王無道，天下蕩蕩，無綱記文章，故作是詩也。

〔平王〕（詩註疏）平王東遷，政遂微弱，不能復雅，下列稱風。（詩黍章註）周既東遷，大夫行役，至于宗周，過故宮廟宮室，盡爲禾黍，閱周室之顛覆，徬徨不忍去，故賦其所見。

〔泥蟠〕（班固答賓戲）泥蟠而天飛者，應龍之神也。

〔五蠹六藝〕見諸子篇。

〔莊衢〕（鄒爽傳）頗采鄒衍之術以紀文。齊王嘉之，自如淳于髡以下，皆命曰列大夫，爲開第康莊之衢，高門大屋尊寵之。

〔蘭臺〕見夸飾篇景差注。

〔荀卿〕（荀卿傳）卿適楚春申君以爲蘭陵令。

〔稷下〕（孟子傳）自鄒衍與齊之稷下先生，如淳于髡，慎到，環淵，接子，田駢，騶奭之徒，各著書言治亂之事，以干世主，豈可勝道哉？（索隱曰）稷，齊之城門

也，謂齊之學士，集於稷門之下也。

〔談天雕龍〕 見諸子篇。

〔燔書〕 (秦始皇本紀) 李斯奏請史官，非秦記，皆燒之，非博士官所職。天下敢有藏詩書百家語者，悉詣守尉雜燒之。令下三十日不燒，鯨爲。且制日可。

〔戲儒〕 (酈食其傳) 臧士曰：沛公不喜儒。諸客冠儒冠來者，沛公輒解其冠溺其中。

〔禮律草創〕 (漢禮樂志) 漢興，撥亂反正，日不暇給，猶命叔孫通制禮儀以正君臣之位，未盡備而通終。(律歷志) 漢興方綱紀大基，庶事草創，襲秦正朔。以北平侯張蒼言，用顛卮歷，比於六歷，

〔十風〕 見樂府篇。

〔鴻鵠〕 (留侯世家) 上欲易太子，留侯諫，不聽。及燕置酒，太子侍，東園公用里先生綺季夏黃公四人從太子。上召戚夫人曰：『彼四人輔之，羽翼已成，難動矣！』戚夫人泣上曰：『爲我楚舞，吾爲若楚歌。』歌曰：『鴻鵠高飛，一舉千里。』

羽翮已就，橫絕四海。橫絕四海，當可奈何？雖有繪織，尚安所施？」

〔文景〕（漢書）孝文皇帝，高祖中子也。孝景皇帝，文帝太子也。贊曰：『周云成康，漢言文景，美矣！』

〔賈誼〕（賈誼傳）天子議以誼任公卿之位，絳灌東陽侯馮敏之屬，盡害之，迺毀誼曰：『雒陽之人，年少初學，專欲擅權，紛亂諸事。』於是天子後亦疎之，不用其議，以誼爲長沙王太傅。

〔鄒枚〕（鄒陽見前。一枚傳）景帝召拜乘爲宏農都尉。乘久爲大國上賓，與英俊並游，得其所好，不樂郡吏，以病免官。

〔孝武〕（漢武帝紀）（贊）孝武初立，表章六經，興太學，號令文章，煥焉可述，後嗣得遵洪業，而有三代之風。

〔柏梁〕 見明詩篇。

〔金堤〕（漢書志）武帝既封禪，發卒數萬人，塞瓠子，決河上，悼功之不成，迺作歌卒寒瓠子築宮其上，名曰宣防。（王尊傳）河水盛溢，泛侵瓠子金堤。

〔浦輪〕（枚乘傳）武帝自爲太子，聞乘名，及卽位，迺以安車蒲輪徵乘。

〔鼎食〕（主父偃傳）尊立衛皇后及發燕王定國陰事，偃有功焉。大臣皆畏其口，略

遺以千金。人或說偃曰：『太橫矣！』主父曰：『丈夫生不五鼎食，死即五鼎烹

耳！』

〔對策〕見議對篇。

〔疑奏〕見附會篇「歎奇」注。

〔負薪〕（朱買臣傳）家貧，常芟薪樵賣以給食，拜會稽太守。上謂曰：『富貴不歸

故鄰，如衣錦夜行，今子何如？』

〔滌器〕（司馬相如傳）相如與文君俱之臨邛，盡賣車騎，買酒舍，乃令文君常壻，

相如身自著犢鼻褌，與庸保雜作，滌器於市中。後爲中郎將，至蜀太守以下郊迎，

縣令負弩矢先驅，蜀人以爲寵。

〔壽王〕（吾邱壽王傳）年少，以善格五召待詔，後爲光祿大夫侍中。

〔嚴〕（嚴安傳）安，臨菑人，以故丞相史上書爲騎馬令。

〔終〕（終軍傳）軍少好學，以辯博。屬文，上書言事。武帝異其文，拜爲謁者給事中。

〔枚臯〕（枚臯傳）臯不通經術，談笑類俳倡，爲賦頗好嫚戲，以故得躐躐。幸，比東方朔郭舍人等而不得。比嚴助等得遵官。

〔昭〕（漢昭帝紀）孝昭皇帝，武帝少子也。武帝崩，卽皇帝位。

〔宣〕（漢宣帝紀）李宣皇帝，武帝曾孫，戾太子孫也。昭帝崩。徵昌邑王王淫亂，大臣請廢，迎帝卽皇帝位。

〔石渠〕 見論說篇。

〔雕篆〕 見詮賦篇。

〔綺縠〕 同上，

〔底祿〕（左傳）叔向曰：「底祿以德。」

〔元〕（漢元帝紀）孝元皇帝，宣帝太子也。宣帝微時，生民間；宣帝卽位，立爲太子。莊大柔仁，好儒。宣帝崩，太子卽皇帝位。

〔成〕（漢成帝紀）孝皇帝，元帝太子也；元帝崩，卽皇帝位。

〔金馬〕（滑稽傳）東方朔歌曰：『陸沈於俗，避世金馬門。』

〔千首〕（詮賦篇）

〔六藝〕（漢藝文志）劉歆七略，有六藝略，詳諸子篇。

〔哀平〕（漢哀帝紀）孝哀皇帝，元帝庶孫，定陶王子也；成帝無子，立爲皇太子

；成帝崩，卽皇帝位。（漢平帝紀）孝平皇帝，元帝庶孫。中山孝王子也；哀帝崩

，卽皇帝位。

〔光武〕（後漢光武皇帝紀）光武皇帝，諱秀，長沙定王之後，誅王莽，復漢。

〔圖讖〕 見正緯篇。

〔免刑〕（後漢文苑傳）杜篤收送京師，會大司馬吳漢薨，光武詔諸儒誅之，篤獄

中爲誅，最高，帝美之，賜帛免刑。

〔參奏〕（班彪傳）彪爲河東大將軍竇融畫策事漢。及融徵還京師，光武問曰：『所

上章奏，誰與參之？』融以彪對。召見，拜徐令。

〔明帝〕（後漢明帝紀）孝明皇帝諱莊·光武第四子也。

〔璧堂〕璧雍明堂也。通鑑：明帝永平二年，上帥羣臣躬養三老，五更於璧雍禮畢，上自爲下說，儒執經問難於前，冠帶縉紳之士，圍橋門而觀，聽者以億萬計。

〔虎觀〕見論衡篇。

〔國史〕見史傳篇「述漢」注。

〔給札〕（賈逵傳）有神雀巢宮殿官府。帝問逵，逵對曰：「此胡降之徵也。」帝敕蘭臺，給筆札，使作神雀頌。

〔東平〕（後漢東平靈王傳）蒼少好經書，雅有智思，上光武命申興頌，帝甚善之。

〔沛王〕見王緯篇。

〔安和順桓〕後漢帝紀：孝和皇帝諱肇，肅宗第四子也。孝安皇帝諱祐，肅宗孫也。孝順皇帝諱保，安帝之子也。孝桓帝諱志，肅宗曾孫也。

〔班固傳〕殺〔三崔〕駟，瑗，實。〔王〕延壽〔馬〕融〔張〕衡〔蔡〕邕俱見前。

〔靈帝〕（後漢靈帝紀）孝靈皇帝，諱宏，肅宗元孫也。（蔡邕傳）初帝好學，自造義皇篇五十。帝因引諸生能爲文賦者，本頗經學相招，後諸尺牘及工書鳥篆者，皆加引召。遂至數十人侍中祭酒，樂以賈護，多引無行趨勢之徒，並待鴻都門下。熹陳方俗闕里小事。邕封事曰：『連偶俗語，有類俳優。』（楊賜傳）虹蜺晝降嘉德殿前，賜書對曰：鴻都門下招會一小，如驩兜共工，互相薦說。

〔獻帝〕（後漢獻帝紀）孝獻皇帝諱協，靈帝中子也。初封陳留王，董卓立之。建安二十五年，禪于魏。贊曰：『獻主不辰，身播國屯！』

〔蓬轉〕（西征賦）飄蓬浮而蓬轉。

〔魏武〕（魏志）太祖武皇帝，姓曹，諱操，字孟德；舉孝廉爲郎，遷丞相，封魏王。文帝追諡曰武皇帝。

〔文帝〕（魏志）文皇帝諱丕，字子桓，武帝太子也。建安十六年，爲五官中郎將副丞相；二十二年立爲魏太子；太祖崩，嗣位爲丞相封魏王，受漢禪。即皇帝立。

〔陳思〕（魏志）陳思王植，字子建，善屬文。鄴銅雀臺新成，太祖悉將諸子登臺，

使各爲賦。植_反筆立成可觀，太祖甚異之。

〔禮貌〕（賈誼傳）禮貌大臣。注：禮貌，謂加禮容而敬之。

〔俊才雲蒸〕仲宣，孔璋，諱長，公幹，德璉，元瑜，于叔，俱見前。（典略）將粹

，字文蔚，而陳琳等俱爲太祖典記室。繁欽，字休伯，以文才機辯，少得名於汝穎，爲丞相主簿。楊修，字德祖，太尉彪之子也，爲丞相倉曹，屬主簿。

〔梗概〕（按）文選東京賦注云：不纖密則是大概之意，此處連用各別。查字典引劉

楨魯都賦云：「貴交尙書，命重氣。義激毫毛，怨成梗概。」是直作感概用也。

〔明帝〕見前。

〔度曲〕（漢書）帝吹洞簫自度曲。（注）白隱度作新曲。

〔崇文觀〕（魏志）明帝四年，置崇文觀，徵善屬文者以充之。

〔何晏〕〔劉劭〕俱見前。

〔高貴〕（魏志）高士鄉公諱髦，東海定王之子，齊王芳廢，大臣立之，爲成濟所

弑。

〔正始餘風〕（世說）王丞相與殷中軍共談，歎曰：「正始之音，正當爾耳！」又王敦見謝玠曰：「不意永嘉之中，復聞正始之音！」

〔嵇〕康〔阮〕籍〔應〕場〔繆〕襲，俱見前。

〔晉宣景文武懷愍〕（晉書）司馬懿字仲達，仕魏爲太尉；武帝即位。追諡宣皇帝。懿長子師，字子元，仕魏，爲大將軍，追諡景皇帝。師弟昭，字子上，仕魏，封晉王，追諡文皇帝。昭子炎，字安世，受魏禪，諡武皇帝。懷皇帝諱熾，武帝弟二十五子也；惠帝無嗣，立爲皇太子；在位六年，爲劉曜歸弑之。孝愍皇帝諱鄴，與孝王晏之子也，初封秦王；懷帝遇害，大臣立之；在位四年，爲劉曜執歸弑之。

〔綴旒〕公羊傳「君若贅旒然。」言爲下所執持東西耳。贅亦作綴。

〔文才富盛〕茂先太冲應璩傅咸張張協張亢孫綽摯虞庾公綬，俱見前。（晉文苑傳）

應貞字吉甫，號之子也。善談論，以才學稱。帝於華林園宴射，貞賦詩最美。

〔聯璧〕（夏休湛傳）湛幼有盛名，文章宏富，善構新詞，而美容觀，與潘岳友善，

每行止，同與接茵。京師謂之連璧。

〔俊〕（陸機傳）太康末，與弟雲俱入洛，造張華。華素重其名，如舊相識，曰：

『伐吳之役，則獲俊。』

〔元皇〕（晉元帝紀）元皇帝諱容，字景文，琅琊恭王覲之子也；愍帝崩，即皇帝位。

〔劉〕（劉隗傳）隗字大連，雅習文史，善求人主意，元帝深器遇之。

〔刁〕（刁協傳）協字元亮，久在中朝，諳練舊事。朝廷凡所制度，皆稟於協焉。

〔明帝〕（晉明帝紀）明皇帝諱紹，字道畿，元皇帝長子也；性至孝，有文武才略，
欽賢愛客，雅好文辭。

〔庾〕（庾亮傳）亮，明穆皇后之兄也，與溫嶠俱爲太子布衣之好，明帝即位，拜中書監。

〔溫〕（嶠傳）嶠字太真，明帝即位，拜侍中；機密大謀，皆所參綜。

〔成康穆哀〕（晉書）成皇帝諱衍，字世根，閔帝長子也，在位十七年。康皇帝諱岳，字世同，成帝同母弟也，在位二年。穆皇帝諱聃，字彭子，康帝子也，在位七年。

哀皇帝諱丕，字千齡，成帝長子也，在位三年。

〔簡文〕（晉文帝紀）簡文皇帝諱昱，字道萬，元帝之少子也。帝少有風儀，善容止，留心典籍，不以居處爲意，凝塵滿席，湛如也。

〔孝武安恭〕（晉書）孝武帝諱暉，字昌明，簡文第三子也；在位二十四年。安帝諱德宗，孝武帝長子也，在位二十年。恭帝諱德文，安帝同母弟也；劉裕廢安帝，立之；在位二年，禪於宋。

〔袁般孫子〕袁宏孫盛于實，俱見前。（般仲文傳）仲文少有才藻，桓元將爲亂，使總領詔命，以爲侍中，領左衛將軍。元九錫，仲文之辭也。

〔柱下〕（法輪經）子在周武王時，爲柱下史。

〔漆園〕（史記）莊子者，魯人也，名周，嘗爲魯漆園史。

〔武帝文帝孝武明帝〕（宋書武帝）劉氏諱裕，彭城人，受晉恭帝禪文。文帝諱義隆，武帝第三子也。檀道濟廢營陽王立之。孝武皇帝諱駿，文帝第三子也。初封武陵王，起兵誅元凶劼，即位。明皇帝諱彧，文帝第十一子也，初封湘東王。廢帝被

弑，大臣迎立之。

〔王〕（宋書）王僧達少好學，善屬文，爲始興王浚參軍，歷遷中書令。王微少好學，無不通覽，善屬文，年十六，舉秀才，除南平王鑠右軍諮議參軍，素無宦情，稱疾不就。

〔袁〕（宋書）袁淑博涉多通，好屬文。辭采猶豔，縱有才辯。彭城土起爲祭酒，後遷至左衛。率元凶，將爲弑逆，淑諫見害，淑兄湛、湛兄子顥，顥從弟粲，並有名。

〔龍章〕（世說）顧彥之八音之琴瑟，王色之龍章。

〔顏〕（顏延之傳）延之文章之美，冠絕當時，與謝靈運俱以詞彩齊名，江左稱顏謝焉。

〔謝〕（謝靈運傳）靈運博覽羣書，文章之美，江左莫逮。史臣自爰逮宗氏，顏謝騰聲，靈運之與會標舉，延年之體裁明密，並方軌前秀，垂軌後昆。

〔鳳采〕（水經注）廬山上有三石梁，吳猛將弟子登山過此梁，見一翁坐桂樹下，山

川明淨，風澤清曠，嘉遁之士，繼響窟岩，龍潛鳳采之賢，注者忘歸矣。

〔何范張沈〕

（南史何遜傳）

遜冠，州舉秀才

范雲見其對策，大相稱賞

因結忘

年交，謂所親曰：「頃觀文人，質則過儒，麗則傷俗，其能含清濁，中今古，見之

何生矣。」沈約嘗謂遜曰：「吾每讀卿詩，一日三復，猶不能已。」（范雲傳）雲

善文，下筆輒成，時人疑其宿習。（張邵傳論）有晉日宅淮海，張氏無乏賢良。

及宋齊之間，雅彌盛，前則云敷演鏡暢，蓋其尤著者也。景微敬愛之道，少微

立履所由，其殆優矣。思光行已卓越，非常俗所遵。齊高帝所云不可有二，不可無

一，斯言其幾得矣。（沈約傳）約博通羣籍，能屬文。

〔皇齊〕

（南齊高帝紀）

高宣帝諱道成，字紹伯，姓蕭氏，仕宋

封齊土，受禪。（

南史）齊高帝蕭道成，廟號太祖。武帝蕭頴，廟號世祖。文惠太子蕭長懋，追尊爲

文帝，廟號世宗。明帝蕭鸞，廟號高宗，並無中宗高祖。

〔貳離〕

（易離卦）

象曰：明，以照乎正，象曰：明，兩作離。

〔環流〕

（鷦冠子）物極則反，命曰環流。

物色第四十六

春秋代序，陰陽慘舒。物色之動，心亦搖焉。蓋陽氣萌而元駒步，陰律凝而丹鳥羞。微蟲猶或入感，四時之動物深矣。若夫珪璋挺其惠心，英華秀其清氣。物色相召，人誰獲安？是以獻歲發春，悅豫之情暢；滔滔孟夏，鬱陶之心凝；天高氣清，陰沈之志遠；霰雪無垠，矜肅之慮深。歲有其物，物有其容。情以物遷，辭以情發。一葉且或迎意，蟲聲有足引心。况清風與明月同夜，白日與春秋共朝哉？

是以詩人感物，聯類不窮。流連萬象之際，沈吟視聽之區。寫氣圖貌，既隨物以宛轉；屬采附聲，亦與心而徘徊。故灼灼狀桃花之鮮，依依盡楊柳之貌；杲杲爲出日之容，瀟瀟擬雨雪之狀；啾啾逐黃鳥之聲，嘒嘒學草蟲之韻。皎日噤星，一言窮理；參差沃若，兩字窮形。並以少總多，情貌無遺矣。雖復思經千載，將何易奪？及離騷代興，觸類而長。物貌難盡，故重沓舒狀。於是嵯峨之類聚，葳蕤

之羣積矣。及長艸之徒，詭勢瓌聲，模山範水，字必魚貫；所謂詩人麗則而約言，辭人麗淫而繁句也。

至如雅詠，裳華或黃或白；騷述秋蘭，綠葉紫莖。几摛表五色，貴在時見；若青黃屢出，則繁而不珍。

自近代以來，文貴形似。窺情風景之上，鑽貌草木之中。吟詠所發，志惟深遠；體物爲妙，功在蜜附。故巧言切狀，如印之印泥。不加雕削，而曲寫毫芥，故能瞻言而見貌，印字而知時也。然物有恆姿，而思無定檢。或率爾造極，或精思愈疎。且詩騷所標，並據要害。故後進銳筆，怯於爭鋒。莫不因方以借巧，卽勢以會奇。善於適要，則雖舊彌新矣。是以四序紛迴，而入興貴閑。物色雖繁，而析辭尚簡。使味飄飄而輕舉，情曄曄而更新。古來辭人，異代接武，莫不參伍以相變，因革以爲功。物色盡而情有餘者，曉會通也。若乃由林皋壤，實文思之輿府，略語

則闕，詳說則繁。然屈平所以能洞監風騷之情者，抑亦江山之助乎？

贊曰：山沓水匝，樹雜雲合。目既往還，心亦吐納。春日遲遲，風颯颯情往似贈，興來如答。

〔元駒〕（大戴禮夏小正）十有二月：元駒賁。元駒也者，蠃也。賁者，何也？走於地中也。（法言）吾見元駒之步。

〔丹鳥〕（夏小正）八月，丹鳥羞白鳥。（注）丹鳥，螢也。白鳥，謂蚊蚋也。羞，進也，不葢食也。（古今注）螢，一名丹鳥，一名夜光。

〔獻歲〕（楚辭招魂）獻歲發春兮。

〔滔滔〕（楚辭九章）滔滔孟夏兮。

〔天高〕（本王九辯）沅寥兮天高而氣清。

〔霰雪〕（楚辭九章）霰雪紛其無垠兮。

〔一葉〕（淮南子）見一葉落而知歲之將暮。

〔灼灼〕（詩周召）桃之夭夭，灼灼其華。

〔依依〕（詩小雅）昔我往矣，楊柳依依。

〔杲杲〕（詩衛風）其雨其雨！杲杲出日。

〔灑灑〕（詩小雅）雨雪灑灑，見覲曰宵。

〔喑喑〕（詩周南）黃鳥於飛，集於灌木，其鳴喑喑。

〔腰腰〕（詩召南）腰腰草蟲。

〔皎日〕（詩王風）謂予不信，有如皎日。

〔噤星〕（詩周南）噤彼小星，三五在東。

〔參差〕（詩周南）參差荇菜。

〔沃若〕（詩衛風）其葉沃若。

〔魚貫〕（易剝卦）五六，貫魚以宮人，寵无不利。

〔麗則麗淫〕見詮賦篇。

〔袞華〕（詩小雅）袞袞者華，或黃或白。

〔秋蘭〕（楚辭九歌）秋蘭兮青青，綠葉兮紫莖。

才略第四十七

九代之文，富矣盛矣！其辭令華采，可略而詳也。虞夏文章，則有皋陶六德，夔序八音，益則有贊，正子作歌，辭義溫雅，萬代之儀表也。商周之世，則仲虺垂誥，伊尹敷訓，吉甫之徒，並述詩頌。義固爲經，文亦師矣。及呼春秋大夫，則修辭聘會，磊落如琅玕之圃，焜耀似縛錦之肆。遠敖擇楚國之令典，隨會講晉國之禮法；趙衰以文勝從饗，國僑以修辭扞鄭子太叔義秀而文，公孫揮善於辭令；皆文名之標者也。戰代任武而文士不絕。諸子以道術取資，屈宋以楚辭發采。樂毅報書辨以義，范雎上疏密而至，蘇秦歷說壯而中，李斯自奏麗而動。若在文世，則揚班儔矣。苟況學宗，而象物名賦，文質相稱，固巨儒之情也。漢室陸賈首發奇采，賦孟春而選典，誥其辯之富矣。賈誼才穎陵軼，飛兔議愜而賦清，豈

虛至哉！枚乘之七發，鄒陽之上書，膏潤於筆，氣形於言矣。仲舒專儒，子長純史，而麗縉成文，亦詩人之告哀焉。相如好書，師範屈宋，洞入夸豔，致名辭宗。然覆取精意，理不勝辭。故揚子以爲文麗用寡者，長卿誠哉是言也。王褒搆采，以密巧爲致，附聲測貌，冷然可觀。子雲屬意，辭人最深。觀其涯度幽遠，搜選詭麗，而竭才以鑽思，故能理瞻而辭堅矣。桓譚著論，富號猗賴。宋宏稱薦，爰比相如。而集靈諸賦，偏淺無才。故知長於諷論，不及麗文也。敬通雅好辭說，而坎壈盛世；顯志自序，亦蚌病成珠矣。二班兩劉，棄葉繼采。舊說以爲固文優彪，歆學精向。然玉命清辯，新序該練，璿璧產於崑岡，亦難得而踰本矣。傅毅崔駰，光采比肩。瑗實踵武，能世厥風者矣。杜篤賈逵，亦有聲於文跡。其爲才，崔傅之末流也。李尤賦銘，志慕鴻裁，而才力沈隳，垂翼不飛。馬融鴻儒，思洽識高，吐納經範，華實相扶。王逸博識有功，而絢采無力。延壽繼志，瓌穎獨標。其善圖物寫貌，豈枚乘

之遺術歟？張衡通瞻，蔡邕精雅，文史彬彬，隔世相望。是則竹柏異心而同貞，金玉殊質而皆寶也。劉向之奏議，旨切而調緩；趙壹之辭賦，意繁而體疎；孔融氣盛於爲筆，禰衡思銳於爲文，有偏美焉。潘勗憑經以騁才，故絕羣於錫命；王朗發憤以託志，亦致美於序銘。然自卿淵已前，多俊才而不課學，雄向以後，頗引書以助文。此取與之大際，其分不可亂者也。魏文之才，洋洋清綺，舊談抑之謂去植千里。然子建思捷而才儻，詩麗而表逸；子桓慮詳而力緩，故不競於先鳴。而樂府清越，典論辯要，迭用短長，亦無憎焉。但俗情抑揚，雷同一響，遂令文帝以位尊減才，思王以勢窘益價，未爲篤論也。仲宣溢才，捷而能密，文多兼善，辭少瑕累。摘其詩賦，則七子之冠冕乎。琳瑯以符檄擅聲，徐幹以賦論標美。劉楨情高以會采，應瑒學優以得文。路粹楊修，頗懷筆記之工；丁儀邯鄲，亦含論述之美。有足算焉。劉劭趙都，能攀於前修；何晏景福，克光於後進。休璉風情，則百

壹標其志，吉甫文理，則臨丹成其采，嵇康師心以遺論，阮籍使氣以命詩，殊聲而合響，異翮而同飛。張華短章，弈弈清暢，其鷦鷯寓意，卽韓非之說難也。左思奇才，業深覃思，盡銳於三都，拔萃於詠史，無遺力矣。潘岳敏給辭自和暢，鍾美於西征，賈餘於哀誄，非自外也。陸機才欲窺深，辭務索廣，故思能入巧而不制繁。士龍剛練，以識檢亂，故能布采鮮淨，敏於短篇，採楚綴思，每直置以疎通。摯虞述懷，必循規以溫雅，其品藻流別，有條理焉。傅元篇章，義多規鏡，長虞筆奏，世執剛中，並植幹之實才，非羣華之韡萼也。成公子安選賦而時美，夏侯孝若具體而皆微，曹攄清靡於長篇，季鷹辯切於短韻，各其善也。孟陽景陽才綺而相埒，可謂魯衛之政，兄弟之文也。劉琨雅壯而多風，盧諶情發而理昭，亦遇之於時勢也。景純豔逸，足冠中興，郊賦旣穆穆以大觀，仙詩亦飄飄而凌雲矣。庾元規之表奏，靡密以閑暢，溫大真之筆記，循理而清通，亦筆端之良工也。孫盛

于寶文勝爲史準的所擬志乎典訓戶牖雖異而筆彩略同袁宏發軔以高驥故卓出而多偏孫綽規旋以矩步故倫序而寡狀殷仲文之孤興謝叔源之閑情並解散辭體縹緲浮音雖滔滔風流而大澆文意宋代逸才辭翰鱗萃世近易明無勞甄序觀夫後漢才林可參西京晉世文苑足儷鄴都然而魏時話言必以元封爲稱首宋來美談亦以建安爲口實何也豈非崇文之盛世招才之嘉會哉嗟夫！此古人所以貴乎時也！

贊曰：才難然乎？性各異稟一朝綜文千年凝錦餘采徘徊遺風籍甚無曰紛雜皎然可品。

〔六德〕

書皋陶謨：日嚴祇敬六德，亮采有邦。

〔八音〕

書舜典：帝曰：夔！命汝典業敎胄子，八音克諧，無相奪倫。

〔仲虺〕

書序：湯歸自夏，至於大坰，仲虺作誥。

〔伊訓〕

書序：成湯既歿，太甲元年，伊尹作伊訓。

〔吉甫〕

（詩大雅）嵩高蒸民，皆尹吉甫作也。

〔蔦敖〕

（左傳）隨武子曰：蔦敖爲宰，擇楚國之令典，百官象物而動，軍政不戒而

備，能用典矣。蔦敖卽蔦艾獵孫叔敖也。

〔隨會〕

（左傳）晉士會平王室，王享之殺蒸。武子私問其故，王曰：『王享有體，

薦宴有折俎，公當享，卿當宴，王室之禮也。』武子歸而講求典禮，以修晉國之

法。

〔趙衰〕

（左傳）秦穆公享公子重耳。子犯曰：『偃不如衰之文也。』請使衰從。『公

子賦河水，公賦六月。衰曰：『君稱所以佐天子者命重耳，重耳敢不拜？』

〔國僑〕

（左傳）子產之爲政也，擇能而使之，馮簡子能斷大事。子太叔美秀而文。

公孫揮能知四國之爲，而辨其大夫之族姓，班位貴賤能否，而又善爲辭令。

〔樂毅〕

（樂毅傳）毅爲燕昭王破齊，獨苦卽墨未服。昭王死，惠王卽位。齊之田單

聞之，乃縱反間於燕曰：『齊兩城不下者，聞樂毅與燕新王有隙，欲連兵，且留

齊，惠王乃使騎劫代將而召樂毅。樂毅畏誅，遂西降趙惠王。使人讓之，毅報以

書。

〔荀况〕（史記索隱）荀卿名况。「卿」者，時人相尊而號爲卿也。有雲蠶箴等賦。

見荀子。

〔飛免〕（呂氏春秋）飛免驪裏，古之駿馬也。

〔猗頓〕（水經注）孔駢曰：「猗頓，魯之窮士也，聞朱公富。往而問術焉。朱公曰

：「子欲速富，當畜五牴。」於是十年之間，其息不可計，以與富於猗氏，故曰猗頓也。」（論衡）挾桓君山之書，富其積猗頓之財。

〔宋宏稱薦〕（宋宏傳）帝嘗問宏通博之士，宏薦沛國桓譚，才學洽聞，能及揚雄劉向父子。

〔集靈〕（藝文類聚）桓譚集靈宮賦。

〔顯志〕（馮衍傳）衍與新陽侯交結，得罪，不得志，乃作賦自厲，命其篇曰顯志。

〔顯志〕者，言光明風化之情，昭章元妙之思也。

〔蚌病〕（淮南子）明月之珠，螺蚌之病，而我之利也。

〔三班〕彪固。

〔兩劉〕向歆。

〔王命〕見論說篇。

〔新序〕（劉向傳）向采傳記行事，著新序說苑，凡五十篇。

〔崔駰〕（後漢書）崔駰博學有偉才，善屬文，少游太學，與班固博毅同時齊名。子

瑗，銳志好學，盡能傳其父業。瑗子實，少沈靜，好典籍。傅贊曰：「崔爲文宗，

世禪雕龍。」

〔李尤〕原作李充。（按）後漢獨行傳：李充，陳留人，不言有著述。晉中興書：李

充，江夏人，著學箴。然此在賈逵之後，馬融之前，則李尤也。尤在和帝時，拜蘭

臺令史，有函谷諸賦，并車諸銘。而賈逵仕明帝時，馬融仕順桓時，以序觀之，乃

李尤無疑。

〔涉髓〕（左傳）成公六年，獻子曰：「民愁則墊隘，於是乎沈溺重墮之疾。」

〔垂翼〕（易明夷卦）九，明夷于飛，垂其翼。

〔枚乘遺術〕 謂逸與延壽猶乘之於臯，而延壽殆欲突過前人也。

〔趙壹〕 (後漢文苑傳) 壹恃才倨傲，爲鄉黨所擯，乃作解擯，後屢抵罪，友人救得免，乃爲窮鳥賦以謝恩。又作刺世疾邪賦以舒其怨憤。

〔七子〕 (魏文帝典論) 今之文人，魯國孔融文舉，廣陵陳琳孔璋，山陽王粲仲宣，北海徐幹偉長，陳留阮瑀元瑜，汝南應瑒德璉，東平劉楨公幹，斯七子者，於學所遺，於辭無所假，咸以自騁驥驟於千里，仰齊足而並馳。

〔丁儀邯鄲〕 (魏志) 自潁川郡淳鄆繁欽，陳留路粹，沛國丁儀丁廙，宏農楊修，河內荀緯等，亦有文采，而不在此七人之例。

〔劉劭〕 注見事類篇。

〔休璉〕 (應璩傳) 璩字休璉。曹爽秉政，多違法度，璩爲詩以諷焉。子貞字吉甫，少以才聞，能談論。(楚國先賢傳) 應休璉作百一詩，譏切時事，徧以示在位者，咸皆怪愕，以爲應焚棄之，何妄獨無怪也。(樂府廣題) 百者數之終，一者數之始；上有百行，終始如一，故云百一。

〔何晏〕晏字平叔，有景福殿賦。（文選注）魏明帝將東巡，恐夏熱，故於許昌作殿，名曰景福，既成，命賦之，平叔遂有此作。

〔嵇康〕（嵇康傳）康以爲神仙稟之自然，非積學所得，至於導養得理，則安期彭祖之倫可及，乃著養生論。

〔阮籍〕（阮籍傳）籍作詠懷詩八十餘篇，爲世所重。顏延年曰：『說者謂阮籍在晉文代常慮禍患，故發此詠耳。』

〔韓非〕非著說難儲說。注見知音篇。

〔左思〕左思有詠史詩。

〔潘岳〕（潘岳傳）岳爲長安令，作西征賦，述所經人物山水，文清旨詣。

〔窺深〕（世說）孫興公云：潘文淺而淨，陸文深而蕪。

〔世執〕咸元子也。

〔剛中〕（易蒙卦象）以剛中也。師卦象：剛中而應。

〔具體〕（按）湛作周詩昆弟誥正，如謝公評揚都賦所云事事擬學而不免儉狹者也。

〔盧諶〕（盧諶傳）劉琨敗喪，諶抗表理。琨文旨甚切，諶才高行潔，爲一時所推。值中原喪亂，淪陷非所。

〔南郊〕郭璞傳：璞博學有高才，辭賦爲中興冠，嘗作南郊賦，帝見而嘉之。

〔西京〕光武都洛陽，長安在西，故曰西京。而文人遂以前漢爲西京，後漢爲東都也。

〔鄴都〕（文選）魏曹操都鄴，相州是也。

〔元封〕（漢武帝紀）上還登封泰山，降坐明堂，以十月爲元封元年。

〔建安〕見明詩篇。

知音第四十八

知音其難哉！音實難知；知實難逢，逢其知音，千載其一乎？

夫古來知音，多賤同而思古，所謂日進前而不御，遙聞聲而相思也。昔儲說始出，子虛初成，秦皇漢武，恨不同時。既同時矣，則韓囚而馬輕，豈不明鑒同

時之賤哉？至於班固傳毅，文在伯仲，而固嘖毅云：「下筆不能自休。」及陳思論才，亦深排孔璋。敬禮請潤色，歎以爲美談。季緒好詆訶，方之於田巴，意亦見矣。故魏文稱文人相輕，非虛談也。至如君卿唇舌，而謬欲論文，乃稱史遷著書，諮東方朔；於是桓譚之徒，相顧嘖笑。彼實博徒，輕言負誚，況乎文士，可妄談哉？故鑒照洞明，而貴古賤今者，二主是也。才實鴻懿，而崇己抑人者，班曹是也。學不逮文，而信僞迷真者，樓護是也。醬瓿之議，豈多歎哉？

夫麟鳳與麀雉懸絕，珠玉爲礫石超殊。白日垂其照，青睞寫其形。然魯臣以麟爲麀，楚人以雉爲鳳，魏氏以夜光爲怪石，宋客以燕礫爲寶珠。形器易徵，謬乃若是！文情難鑒，誰曰易分？

夫篇章雜沓，質文交加，知多偏好，人莫圓該。慷慨者逆聲而擊節，醜籍者見密而高蹈，浮慧者觀綺而躍心，愛奇者聞詭而驚聽。會已則嗟諷，異我則沮

棄。各執一隅之解，欲擬萬端之變，所謂東向而望，不見西墻也。

凡操千曲而後曉聲，觀千劍而後識器，故圓照之象，務先博觀，閱喬岳以形培塿，酌滄波以喻吠澮，無私於輕重，不偏於憎愛，然後能平理若衡，照辭如鏡矣。是以將閱文情，先標六觀：一觀位體，二觀置辭，三觀通變，四觀奇正，五觀爭義，六觀宮商。斯術既形，則優劣見矣。

夫綴文者情動而辭發，觀文者披文以入情，沿波討源，雖幽必顯，世遠莫見其面，覘文輒見其心。豈成篇之足深，患識照之自淺耳！夫志在山水，琴表其情，况形之筆端，理將焉匿？故心之照理，譬目之照形，目瞭則形無不分，心敏則理無不達。然而俗監之迷者，達廢淺售，此莊周所以笑折楊，宋玉所以傷白雪也。

昔屈平有言：文質疎內，衆不知余之異采，見異唯知音耳。揚雄自稱：心好

沈博絕麗之文，其事浮淺，亦可知矣。夫唯深識鑒奧，必歡然內懌，譬春臺之熙衆人，樂餌之止過客，蓋聞蘭爲國香，服媚彌芬，書亦國華，翫澤方美，知音君子，其垂意焉。

贊曰：洪鍾萬鈞，夔曠所定，良書盈篋，妙鑒迺訂。流鄭淫人，無或失聽，獨有此律，不謬蹊徑。

〔日進遙聞〕（鬼谷子內捷篇）日進前而不御，遙聞聲而相思。

〔儲說〕（韓非傳）非作孤憤，五蠹、內外儲說林，說難，十餘萬言，秦王見其書曰：『寡人得見此人，與之遊，死不恨矣！』因急攻韓。韓迺遣非使秦。姚賈害之，下吏治非。

〔子虛〕見麗辭篇上林注。

〔嗤毅〕（魏文帝典論）傳毅之於班固，伯仲之間耳。而固小之，與弟超書曰：『武仲以能屬文，爲蘭臺令史，下筆不能自休。』

〔論才〕（陳思王集）與楊德祖書：「以孔璋之才，不閑於辭賦，而多自謂能與司馬長卿同風。嘗畫虎不成，反爲狗者也。若丁敬禮，嘗作小文，使僕潤色之。僕自以才不過若人，辭不爲也。敬禮謂僕卿何所疑難？文之佳惡，吾自得之；後世誰相知定吾文者耶？吾嘗歎此達言，以爲美談。劉季緒才不逮於作者；而好詆訶文章，拈捩利病。昔田巴毀五帝，罪三王，譬五霸於稷下，一旦而服千人。魯連一說，使終身杜口。劉生之辯，未若田氏。今之仲連，求之不難，可無歎息乎？」丁廙，字敬禮；季緒，劉表子也。

〔相輕〕（魏文帝論）文人相輕，自古而然。

〔樓護〕（漢游俠傳）樓護字君卿，少隨父爲醫長安，誦醫經本草方術，數十萬言。長者謂曰：「以君卿之才，何不宜學乎？」蘇是辭其父，學經傳，爲吏數年，甚得名譽。

〔醬飯〕（揚雄傳）著太元法言，劉歆嘗觀之，謂雄曰：「空白苦，今學者有利祿，然尙不能明易，又如元何？吾恐後人用覆醬飯也！」

〔麟麇〕見史傳篇「泣麟」注。

〔雉鳳〕（尹文子）楚擔山雉者，路人問何鳥也？擔雉者曰：「鳳凰也？」買而獻之楚王。

〔怪石〕（尹文子）魏之田父，得玉徑尺，不知其玉也。以告鄰人。鄰人給之曰：「礫石也。」歸而置之廡下，明照一室，怖而棄之於野。

〔燕磔〕（闕子）宋之愚人，得燕石於梧臺之東，歸而藏之以爲寶。周客聞而觀焉，掩口而笑曰：「與瓦礫不殊！」

〔東向〕（淮南子）東面而望，不見西牆；南面而視，不覩北方。

〔琴表其情〕（呂氏春秋）伯牙鼓琴，鍾子期善聽：方鼓琴，志在泰山，子期曰：「善哉乎鼓琴，巍巍乎若泰山！」志在流水，曰：「善哉乎鼓琴，洋洋乎若流水！」折楊（莊子）大聲不入於里耳，折楊皇華，則嗑然而笑，是故高言不正於衆人之心，不言不出，俗言勝也。

〔白雪〕（宋玉對楚王問）客有歌於郢中者，其始曰下里巴人，國中屬而和者數千人

；其爲陽春白雪，國中屬而和者數十人，是以其曲彌高，其和彌寡。

〔異采〕（屈平九章）文質疏內兮，衆不知余之異采。

〔春臺〕（老子）衆人熙熙，如登春臺。

〔樂餌〕（老子）樂與餌過客止。

〔國香〕（左傳）鄭文公有賤妾曰燕姑，夢天使與己蘭曰：『以是爲而子，以蘭爲國

香，人服媚之兮是。』

程器第四十九

周書論士，方之梓材；蓋貴器用而兼文采也。是以樸斲成而丹雘施，垣墉立而雕朽附，而近代辭人，務華棄實，故魏文以爲古今文人，類不護細行，韋誕所評，又歷詆羣才，後人雷同，混之一貫，吁！可悲矣！略觀文士之疵，相如竊妻而受金，揚雄嗜西而少算，敬通之不循廉隅，杜篤之請求無厭，班固詔竇以作威，馬融黨梁而黷貨，文舉傲誕以速誅，正平狂愁以致戮，仲宣輕脆以躁競，孔璋

惚恫以麤疎，丁儀貪婪以乞貨，路粹餽啜而無恥，潘岳詭譎於慙懷，陸機傾仄於賈郭，傅玄剛隘而訾臺，孫楚狠愎而訟府，諸有此類，並文士之瑕累。文既有之，武亦宜然。古之將相，疵咎實多。至如管仲之盜竊，吳起之貪淫，陳平之污點，絳灌之讒嫉，沿茲以下，不可勝數。孔光負衡據鼎，而仄媚董賢；况班馬之賤職，潘岳之下位哉？王戎開國上秩，而鬻官鬻俗；况馬杜之磬懸，丁路之負薄哉？然子夏無虧於名儒，溶冲不塵乎竹林者，名崇而譏滅也。若夫屈賈之忠貞，鄒枚之機覺，黃香之淳孝，徐幹之沉默，豈曰文士必其玷歟？蓋人稟五材，修短殊用，自非上哲，難以求備。然將相以位隆特達，文士以職卑多諂。此江河所以騰湧，滄流所以寸折者也。名之抑揚，旣其然矣；位之通塞，亦有以焉。蓋士之登庸，以成務爲用；魯之敬姜，婦人之聰明耳！然推其機綜，以方治國，安有丈夫學文，而不達於政事哉？彼揚馬之徒，有文無質，所以終乎下位也。昔庾元規才華清英，

勳庸有聲。故文藝不稱，若非台岳。則正以文才也。文武之術，左右惟宜。卻縠敦書，故舉爲元帥；豈以好文而不練武哉？孫武兵經，辭如珠玉；豈以習武而不曉文也？是以君子藏器待時而動，發揮事業，固宜蓄素以紉中，散宋以彪外。梗柎其質，豫章其幹。搗文必在緯軍國，負重必在任棟梁。窮則獨善以垂文，達則奉時以騁績。若此文人，應梓材之士矣。

贊曰：瞻彼前修，有懿文德。聲昭楚南，采動梁北。雕而不器，貞幹誰則？豈無華身？亦有光國。

〔梓材〕（書梓林）若作室家，既勤坦墉，惟其塗墍茨；若作梓材，既勤撲斲，惟其塗丹腹！

〔韋誕〕（文章敘錄）韋誕，字仲將，太僕端之子。魚豢嘗舉王阮諸人以問誕，誕對曰：「仲宣傷於肥臙，休伯都無格檢，兄瑜病於體弱，孔璋質自粗疎，文蔚性頗忿鷙。」

〔竊妻受金〕（司馬相如傳）卓王孫有女文君，新寡，好音。相如以琴心挑之。文君竊從戶窺，心悅而好之，恐不得當也，夜亡奔相如，相如與馳歸成都。其後有人言相如使蜀時，受金失官。

〔嗜酒〕（揚雄傳）雄家素貧，嗜酒，時有好事者載酒肴從游學。

〔敬通〕（馮衍傳）衍字敬通，顯宗即位，人多短衍文過其實，遂廢於家。衍與婦弟書，數婦之惡，有云：『以室家之故，捐棄衣冠；心專耕耘，以求衣食。』

〔杜篤〕（後漢文苑傳）杜篤居美陽，與美陽令游，數從請託不諧，頗相恨。令恐，收篤，送京師。

〔班固〕（班固傳）大將軍竇憲出征匈奴，以固爲中護軍，與參議。及竇憲敗，固先坐免官，固不教學諸子，諸子多不遵法度，吏人苦之。

〔馬融〕（馬融傳）融爲梁冀草奏李固，又作上將軍西第頌，以此頗爲正直所羞。論曰：『馬融奢樂恣性，黨附成讖，固知識能匡欲者鮮矣！』

〔文舉〕（孔融傳）融字文舉，負其高氣，志在靖難，而才疎意廣。後爲曹操所殺。

〔正平〕 〔後漢文苑傳〕 禰衡，字正平，少有才辯，而氣尚剛傲。後爲黃祖所殺。

〔惛惛〕 〔廣韻〕 惛惛，不得志也。

卷

〔詭譎〕 〔晉愍帝太子傳〕 賈后將廢太子，詐稱上不和，召太子置別室，逼飲醉之。使潘岳作書，草禱神之文，有如太子素意，固醉而書之；令少婢以紙筆及書草使太子依而寫之。后以呈皇，廢太子。

〔傾仄〕 〔陸機傳〕 機好遊權門，與賈謐親善，以進趣護譏。

〔賈郭〕 〔郭彭傳〕 彭，賈后從舅也，與賈充素相親。遇賈后專朝，彭與參權勢，賓客盈門，世人稱爲賈郭。

〔置臺〕 〔傅元傳〕 元轉司隸成尉。謁者以宏訓宮爲殿內制，元位在卿下。元恚怒，厲聲色而責謁者，謁者妄稱尙書所處。元對百僚而罵尙書以下。御史中丞庾純奏元不敬。

〔訟府〕 〔孫楚傳〕 楚參石苞驃騎軍事，初至，長揖曰：「天子命我參卿軍事。」因此而嫌隙遂萌。苞奏楚與吳人孫世山兵訕毀時政，楚亦抗表自理，紛紜經年。

〔管仲盜竊〕（說苑）鄒子曰：「管仲故成陰之狗盜也。」

〔吳起〕（吳起傳）起聞魏文帝賢，欲事之。文侯問李克曰：「吳起何如人哉？」李

克曰：「起貪而好色；然用兵，司馬穰苴不能過也。」

〔讒陳平〕（陳丞相世家）絳侯灌嬰等咸讒陳平曰：「臣聞平家居時，盜其嫂。事魏

不容，亡歸楚。歸楚不中，又亡歸漢；今日大王鄭官之令護軍。平受諸將金，金多

者得善處，金少者得惡處。平，反覆亂臣也！」（賈誼傳）絳灌東揚侯馮敬之屬，

盡誅之。（注）絳灌，周勃灌嬰也。

〔孔光〕（漢佞幸傳）初，丞相孔光爲御史大夫時，董賢父恭爲御史事，光及賢爲大

司馬，與光並爲三公。上故令賢私過光。光知上欲尊寵賢，及聞賢當來也，光警戒

衣冠，出門待望，以賢車，迺却入。賢至中門，光入閣。既下車，迺出拜謁，送迎

甚謹，不敢以賓客鈞敵之禮。賢歸，上聞之喜。

〔王戎〕（王戎傳）戎與阮籍諸人，爲竹林之遊。戎嘗後至，籍曰：「俗物已復來，

敗人意！」戎笑曰：「卿輩意亦復易敗耶？」後以平吳功，封安豐侯，南郡太守劉

肇，賂戎筒中細布五千端，爲司隸所糾。帝雖不問，然爲清慎者所鄙。

〔鄒枚〕（鄒陽傳）吳王皆陰有邪謀，陽奏書諫，吳王不內其言。於是鄒陽枚乘嚴忌知吳不可說，皆去之梁。

〔黃香〕（後漢文苑傳）黃香年九歲，失母，思慕憔悴，殆不免喪，鄉人稱其至孝。

太守劉護聞而召之，置門下。孝子香博學經典，究精道術，能文章。肅宗詔香詣東觀，讀所未嘗見書。

〔徐幹〕（魏志）徐幹字偉長。（魏文帝書）偉長懷文抱質，恬淡寡欲，有箕山之志，可謂彬彬君子矣。著中論二十餘篇，成一家之業，辭義典雅，足傳於後。

〔敬姜〕（國語）公父文伯退朝，朝其母，方績。文伯曰：『以歎之家，而主穉績，懼于季孫之怒也。』敬姜歎曰：『昔聖王之處民也，擇瘠土而處之，勞其民而用之，男女效績，愆則有辟古之制也。』

〔敦書〕（左傳）晉侯蒐於被廐，作三軍，謀元帥。趙衰曰：『卻縠可，臣亟聞其言矣：說禮樂而敦詩書。』

〔孫武〕（孫子傳）孫武以兵法見吳王闔廬，闔廬曰：「子之十三篇，吾盡觀之矣。可以小試勸兵乎？」對曰：「可。」

〔綳中彪外〕（楊子法言）君子言則成文，動則成德。何以也？曰：「以其綳中而彪外也。」（注）綳，滿也。彪，文也。

〔榿栴〕（陸賈新語）榿栴豫章，天下之名木，立則爲大山衆木之宗，仆則爲萬世之用。

序志第五十

夫文心者，言爲文之用心也。昔涓子琴心，王孫巧心，心哉美矣！故用之焉。古來文章，以雕縵成體，豈取騶爽之羣言，雕龍也。夫宇宙綿邈，黎獻紛雜，拔萃出類，智術而已。歲月飄忽，性靈不居，騰聲飛實，制作而已。夫有肖貌天地，稟性五才，擬耳目於日月，方聲氣乎風雷，其超出萬物，亦已靈矣！形同草木之脆，名

踰金石之堅。是以君子處世，樹德建言，豈好辯哉！不得已也。予生七齡，乃夢彩雲若錦，則攀而採之，齒在踰立，則嘗夜夢執丹漆之禮器，隨仲尼而南行，且而寤，迺怡然而喜。大哉！聖人之難見哉！乃小子之垂夢歟？自生人以來，未有如夫子者也。敷讚聖旨，莫若注經，而馬、鄭諸儒宏之已精，就有深解，未足立家。唯文章之用，實經典枝條，五禮資之以成，六典因之致用，君臣所以炳煥，軍國所以昭明。詳其本源，莫非經典，而去聖久遠，文體解散，辭人愛奇，言貴浮詭，飾羽尙畫，文繡繁悅，離本彌甚，將遂訛濫。蓋周書論辭，貴乎體要，尼父陳訓，惡乎異端。辭訓之異，宜體於要。於是搦筆和墨，乃始論文。詳觀近代之論文者多矣！至於魏文述典，陳思序書，應瑒文論，陸機文賦，仲洽流別，宏範翰林，各照隅隙，鮮觀衢路。或臧否當時之才，或銓品前修之文，或況舉雅俗之旨，或撮題篇章之意。魏典密而不周，陳書辯而無當，應論華而疏略，陸賦巧而碎亂，流別精而少巧，

翰林淺而寡要。又君山公幹之徒，吉甫士龍之輩。汎議文意，往往間出；並未能振葉以尋根，觀瀾而索源，不述先哲之誥，無益後生之慮。蓋文心之作也，本乎道，師乎聖，體乎經，酌乎緯，變乎騷；文之樞紐，亦云極矣！若乃論文敍筆，則囿別區分，原始以表末，釋名以章義，選文以定篇，敷理以舉統，上篇以上，綱領明矣。至於割情析采，籠絜條貫，搗神性，圖風勢，苞會通，閱聲字，崇替於時序，褒貶於才略，惛悵於知音，耿介於程器。長懷序志，以馭羣篇；下篇以下，毛目顯矣。位理定名，彰乎大易之數。其爲文用，四十九而已。夫銓序一文爲易，彌綸羣言爲難。雖復輕采毛髮，深極骨髓。或有曲意密源，似近而遠；辭所不載，亦不勝數矣。及其品列成文，有同乎舊談者，非雷同也；勢自不可異也。有異乎前論者，非苟異也。理自不可同也。同之與異，不脞古今；擘肌分理，唯務折衷。按轡文雅之場，環絡藻繪之府，亦幾乎備矣。但言不盡意，聖人所難；識在餅管，何能矩矱。茫茫往

代，既沈予聞，眇眇來世，偷塵彼觀也。

贊曰：生也有涯，無涯惟智，逐物實難，憑性良易，傲岸泉石，咀嚼文義，文果載心，余心有寄。

〔涓子〕（文選注）涓子，齊人，好餌朮，隱於宕山，著琴心三篇。

〔王孫〕（漢藝文志）王孫子一篇，一曰巧心。

〔雕龍〕見諸子篇「騁子」注。

〔騰聲〕（封禪文）蜚英聲，騰茂實。

〔飾羽〕見徵聖篇。

〔魏文〕（魏文帝集）有典論，論文，論方術。

〔陳思〕（陳思王集）與楊德祖書：「僕少小好爲文章，迄至於今，二十有五年矣；

然今世作者，可略而言也！」

〔應場〕應場，有文質論。

〔文賦〕（陸機集）有文賦。

〔流別〕 見頌讚篇。

〔翰林〕 (隋經籍志)翰林論三卷，晉著作郎李充撰。(晉書)李充，字宏度，江夏人，歷官大著作郎。注尚書及周易，著六論釋莊論一篇，詩賦雜文二百四十首，行於世。傳中不言有翰林論，而玉海引翰林論，亦云宏範。

〔毛目〕 (子華子)毛舉其目，尚不勝爲數也。

〔餅管〕 (左傳)挈餅之智。(注)喻小智也。(莊子秋水篇)是直用管闕夫。

